



3.6.788








nasICIDIUM In parnallo absqVe gVtta
CrVorIs

AMSTELODAMI,
Apud GUILIELMUM BARENTS. MDCCXXV.



R A P T U S
ECSTATICUS

IN MONTEM PARNASSUM,

In coque

VISUS SATYRORUM LUSUS

Cum nasis tabacoprophoris.

S I V E

SATYRICON NOVUM

Phyfico-Medico-Morale

In modernum tabaci sternutatorii abusum.

A U T O R E

JOANNE HENRICO COHAUSEN

Hildesio-Saxone.



AMSTELODAMI,

Apud GUILIELMUM BARENTSE.

MDCCXXVI.

3. 6. 788

*Difficile est Satyram non scribere. Nam
quis iniquitatem patiens, nisi, tam fer-
reus, ut teneat se?*

Juvenal. l. i. Sat. i.


ADMODUM REVERENDO
DOCTISSIMOQUE VIRO
DOMINO

HENRICO JOSEPHO
GRASPERO,

*Missionis in Batavis Curioni meritif-
simo in Bulwyck.*

AMICO INTEGERRIMO

*Salutem & omnigenæ felicitatis pe-
rennitatem.*

 Orporis humani partes à
natura sensuum organis
destinatæ, quamvis ad
vitæ commoda & necessi-
tatem maximam, ad pessimos ta-
men quandoque abusus sive phy-
cos sive morales detorquentur cu-
pидitate, & voluptate imperanti-
bus. Testis est emunctorium illud
& faciei Promontorium Nasus.

* 3

odo-

In Marti-
genia.

odoratui præprimis apud sensatio-
res olim, nunc tandem etiam apud
Nasutiores sub inani defæcationis
cerebralis prætextu inordinatæ fer-
viens orexi (*Picam nasi* appello)
quando more novo ab aliquot lu-
stris primùm invalescente perpetuus
tabaci sternutatorii perfriktionibus,
ingestionibus, oppletionibus in omni
ætate & sexu miserrimè divexatur,
ut cum *Prudentio*, antiquo quidem
sed scitissimo poëta, meritò inter-
rogare liceat:

*Anne ideo spirant, mediaque ex arce cerebri
Demittunt geminas sociata foramina nares,
Ut bibat illecebras malè conciliata voluptas?*

Fædissimum sanè non minus quàm
ridiculum est, in nasum Tabaco-
prophorum tanquam commune sta-
bulum hodie tam horrendas fœces
exonerari, imò veriùs progenera-
ri ab Excrementipara Nicotiana.
Quam quidem Cacoëthicam nasi
pruriginem, & pulveris ptarmici
in-

ingerendi morem quâ sanitati quâ
rectæ rationi maximè aduersum in
Dissertatione de *Picâ nasi* paucos
ante annos in lucem missa sat acri-
bus pharmacis expurgare & expug-
nare conatus sum, licet apud in-
numeros haud infecutâ optatæ cu-
rationis hysthergiâ. Unde extre-
ma tandem remedia, & novâ qui-
dem nasidii methodo isti hodie
magis magisque serpenti & conta-
giosæ Narium Ozænæ applicare
conclusi cum ultimato prognostico,
ut si hæc effectu quoque frustren-
tur, isti Sapientiæ nasulæ proce-
res ceu penitus incurabiles im-
posterum suis sordibus sint relinquen-
di.

Cum igitur Dissertatio ista prior
NOMINI tuo VENERANDE VIR mul-
tis ex Capitibus inscripta fuerit, &
monente Sapiente Romano benefici-
um non sit, cui deest pars optima; ne-
que donum perfectum, quod non est
integrum; præsens autem pertracta-
tio, ut ut Raptus Ecstatici titulo di-

L. de Bec-
nef.

versa, prioris argumenti sit continua-
tio, sic alii quàm tibi inscribi & de-
dicari non debuit, ne munusculum
literarium mutilum, mancumque
evaderet.

In primis dum me novo hoc be-
neficio prævenisti, ut te velut al-
terâ *Lucinâ* rursus feliciter obste-
tricante ingenioli hic mei fætus niti-
dissimo typo in celeberrimo vestro
artium liberalium Sacrario, & rei
librariæ Emporio lucem primam au-
spicetur. Propter quem, si quid
fortassis mihi, etiam potissimum
tibi Musæ debebunt. Claudio ita-
que cum prælaudato Philosopho
Romano:

Ep. ad
Lucul. 27. *Accipe jam, quod debeo, & Vale.*

Vredenæ Westphalorum Kal. Jun.

MDCCXXV.

IL-

ILLUSTRI VIRO,
DOMINO
GAUDENTIO NASOBONI,

Peticampi Dynasta,

Tabacophilorum Mecænati summo
Ευπράσιον.

Auſta tibi affulgeat hodie-
na lux Domine *Nasoboni*.
Proficiat. Opportunè in-
cidit viſitatio hæc mea in
naſcentis diei tempus, quo vel in
ipſo acceſſu ſalutem liceat ſternu-
tanti apprecari. Fortaſſis ex capi-
te hac nocte non bene tecto deplu-
us in nares catharrus Coryzam in-
duxit, ut tam maturè ſternuas; aut
ſaltem pixidem, ni fallor, jam in-
halâſti tabacariam. Nicotiana, video,
Hispanica jam naſum pingit matuti-
nâ lanugine, quæ cum diei au-
gmento in Myſtacem, credo ſuc-
creſcet. Venio non tantùm valedi-
* 5 tudi-

tudinis tuæ curandæ, sed, quod potissimum, etiam libelli novi seu novellarum fasciculi tibi præsentandi causâ, & illius quidem ex ipso Parnasso, ex quo aliàs rariùs ad nos excurrit *Mercurius*. Novorum namque eventuum te semper fuisse curiosum expiscatorem non ignoro. En multa & mira nova de nasorum metamorphosi, *Nasonianis* saltem non falsiora; quorum te omnium primum consciùm & certiozem reddere volui; eò quod tabacophilorum non sis dumtaxat Mecœnas, sed & ipse nasus tuus verum cluat exemplar & prototypon omnis ex tabaco elegantix, ut quasi è pixide tabacaria desumptus videatur, siquidem

Ad Imitar. Cæcili.
tulli.

*Nunquam pixis abest. adest saliva,
Mucusque, & mala pituita nasi.
Hanc ad munditiem adde mundiozem,
Quòd culus tibi purior tabacato est
Naso. Vix semel in die cacas. Sed
è Naso decies cacas in hora.*

Sal-

Salvus sit honor auribus tuis naso
mundioribus. Præsentationi quam
facio, non una subest causa. Ta- Batavi ap-
pellant.
Krombul-
rige drui-
neus.
metfi enim sis *Simichonarifluus*,
gaudes tamen non obtusiori inge-
nii acumine, quàm antiquissimus il-
le Philosophus, de quo cecinit Sa- Jac. Bild.
in excom.
Torvit. n.
3.
tyricorum recentioris ævi cory-
phæus:

*Chrysippi argutum passim laudatur acumen,
Quod tamen à naso, si vera est fama, pe-
pendit,
Et stillante quidem.*

Tametsi prudens illud silicernium
nunquam nares vexâret tabaci pul-
vere. Qui quidem nasus ingenii
tui index æquissimum mihi spon-
det de nova hac Satyra judicium,
& longè sanius, quàm istius *Pica
nasi* Cenforis *Torpei*, qui pedum
potius prosodorum, quàm enor-
mis sui nasi quantitatem ingenii de-
cempedâ metitus, Bibliothecæ Ba-
tavæ lacinias ex illa desumtas atte-
xuit,

xuit , & Rusticis suis parochianis
idiomate vernaculo recensuit.

*Nam rusticorum mascula non minùs
Proles, Batavis docta ligonibus
Versare glebas , ex tabaci
Pixide amat saturare nares.*

Quam ob causam in Parnasso Saty-
rorum quoque ungues non effugiens
publico, ut debuit, sic dedit ludi-
brium.

Tibi verò *Nasoboni* nasus est fa-
gax , & licet continuis ex tabaci
pulvere nimbis madidus, non ta-
men ita corruptus, quin simplicem
veritatem, quam aliàs nemo liben-
ter spectat, commenti Satyrici teg-
mine leviter saltem velatam sis sub-
odoraturus, futurus judex, num
susceptam Satyrici personam decen-
ter exprefferim. Cape igitur Vir
perspectissime nunc pulvisculi taba-
cini egregiam portionem (nam tibi
nasus non pugno minor est, &
quatuor digitorum capacia narium
fora-

foramina) ut his probè emunctis tribus istis in præsentī fabula incorruptis iudicibus & tuam crīsin de pulveris nāsalis fæditate & noxa valeas addere. Quæ ut sit defœcator, me rursum permittente

Nasus eo tactus usque, & usque, & usque
sternuat

Carrera l.
Epod. od.
10.

Non absque punilorum metu.

Est quoque tibi Domine *Nasoboni* Uxorcula potissime culta, sunt elegantes filiæ, licet nulli non insit

Fædissima nasi
Proluvies, uncæ nares, & sordida semper
Ora Capro.

Ad Imit.
Virg. 3.
Æneid.

His temporis fallendi gratiā nil præstabis acceptius (nam & hæ cupidæ sunt rerum novarum) quam explanationem fabellæ de ridicula fæminarum sorte, quæ in Parnasso passæ sunt à Satyris *Nasicidium*.

Lege igitur, qui curiosus es ocu-
lo

lo avido has novellas, & præsentés,
quos unà ex Parnasso attulit *Mer-*
curius, versus tibi communicandos:

Pixis, quæ tabacum servas, immenda cloaca.

Vas diris dignum, sorditieque scatens.

Quod genus omne hominum stolido sectatur a-
more,

Quas in eo quærens nescio delicias.

Vellem centenis, si sim potis, ipse figuris,

Sexcentis vellem te lacerare modis.

Nil præter fæces putenti cordis in alvo.

Quas naso quivis gestit habere suo.

Sit procul à nobis pixis tabacaria, virus

Ne nos inficiat caputula fæda tuum.

Quod uxor filiæque tuæ me inter-
prete sic intelligent:

Ad Imit.
Madr. Ri-
dicule.

Tabaciére cloaque d'immondices!

Vaisseau detestable & puant!

Dont toutes les sortes des gens,

Font aujourd'huy ses delices.

Je voudrois par cent traits divers

Te tympaniser dans mes vers.

On ne hume de toi, que poussière,

Que.

VIII
*Que chacun veut avoir sous le nez,
Chassés loing la tabatière,
Pour n'être pas empoisonné.*

*Natos decori desipientia est
Fædare nasos. Tollite barbarum
Morem Verecundasque pares
Merdisfluo prohibete pæto.*

Ad Imit.
Horatii.

Cætera novellæ dabunt. Vale
Illustre Nasatorum decus, & æqui
bonique consule

Musæ dona pusilla meæ.

Ego non desisto esse tuus usque ad
cinerès, (non tamen tabacarios) &
ad urnam usque (non tamen Nico-
tianæ capsulam)

Famulus obsequiosus.

J. H. C.

PRÆ-

PRÆFATIO

Ad Pætophilum

L E C T O R E M.

Ecce iterum nunc nasus adest iterumque vocandus

Ad partes : Nasus lege modoque carens.

MEmbrum illud bifore, capax, rapax,
& vorax pulveris ferini foetidissimi.
Castigatus nuper pervicax nasus auribus caruit, neque argumentis aut documentis, imò nec sale licet acriori defricatus voluit resipiscere. Legerunt *Picam nasi* Poeticapiones, & interim *datatim ludunt* & agunt ex *pixide*. Agnovère nasi sui speciem & insolentiam, inde tamen non plus moti,

Quàm si dura flix aut stet marpesia cautes.

Imò fuère, qui injuriâ nescio quâ oblæsi eam naso adunco suspenderunt. Quo circa dum vulnus est recens, dum nasus bile calet, cogitanti mihi de remedio efficaciori, fortè occurrit *Fabius Planciades Fulgentius*, & auri insusurrat illum suum Mythologicum: *Licet mulierum verbalibus*

libr. 1.

P R Æ F A T I O.

us undis & Confidici cedant, nec grammatici mutiant, Rhetor taceat, & clamorem præco compefcat, sola est Satyra, quæ modum imponit furentibus.

Arrifit medicamento genus, ut mulieribus præfcriptum, fic nec viris incommodum, & non minùs his quàm illis adhibendum, cùm eorum naſos par ſentina hodie infecerit. Aduit mihi quoque opportunè Hippocrates meus, qui in extremis morbis extrema laudans remedia monēbar, ubi non iuvat lenire, ad ignem & ferrum eſſe progrediendum, nempe eſſe ecandum ad vivum, ne vulnus immedicabile reddatur; optimum verò aptumque ſectioni inſtrumentum offerebat Cæſaris Auguſti vates aulicus:

Ridiculum acri plenius & melius

Plerumque ſecat res.

Quorum trium inſignium virorum adhortatione firmatus concluſi tandem hoc remedii genus adhibere, & ad vivum ſecare; ſecare inquam naſos, naſos coprophoros, naſos rhinocerotes, naſos tam pumilos quàm gigantes,

Naſos ſive breves Batavos, longosve Batavos.

* *

Id.

Κίτρος.
Unde naſus tabace-
prophorus
eſt naſus
ferens
ſtercus
tabaci.

P R Æ F A T I O.

Idque audacter & strenuè, ut profecto-
rem decet, & satis quidem profundè, ci-
tra omne adulationis artificium, quod ho-
die mihi adhuc minùs quàm olim notif-
fimo illi Saxonum morioni esset profu-
turum. Si namque cum eodem nasi gran-
dioris alumno & tabaci Helluoni dicerem,
ô quantum nasum habes! sive verbis sua-
vioribus: *Herculè nasum habes perpufil-
lum*, sive erroris veniam deprecans tan-
dem reponerem, *nullum omnino nasum
habes*, certè non majorem quàm ille gra-
tiam à nasis balatris essem habiturus. De
ipso autem secandi modo sollicitus cogi-
tavi mihi haud satis fore gloriosum, si
ipse manum applicarem tot nasis foedissi-
mis & foetidissimis, sed satius esse, si
committantur secandi Satyris, magè fun-
ditùs vetustam camarinam expurgaturis -
quòd scopas habeant acriores:

*Neque enim hanc emungere Myxon
Doctius ulla potest manus.*

Hos sanè nullius terret reverentia nasi. Hi
eluvium omnem profundissimè abstergent.

Notat. de
Ars. Poët. *Atque ita risores nasum purgare dicacem
Conveniet Satyros, ita vertere seria ludo.*

Scd

P R Æ F A T I O.

Sed quia fortè nonnullis grvphos loquor.
 explicabo clariùs. Grandem adornabo fa-
 bulam historiæ similem, in qua sub lepi-
 diffimo commento & docens & oblectans
 rursus ostendam pulveris tabacini in na-
 ribus fæditatem. Nasos tabacopropho-
 ros quadam veluti in tabella ita deformes
 ostendam, ut ad horum conspectum vel
 ipsa rideat, vel stupeat, indigetes saltem
 fordes miretur tabacaria turba. Narium

*Sepia in alveolis nans, & loliginis atræ
 Qualiscunque humor.*

Aptissimus penicillo & calamo est color,
 quo graphicè adumbrentur istæ nasorum
 exorbitantiæ. Res igitur sub lusu hoc
 seria agetur. Non enim fingimus omnia,
 neque *Satyram inflamus inanem*. Fortas-
 sis de lectore ipso mutato nomine fabula
 narrabitur, qui dum de alienis cogitabit
 nasus, præcipuas in illa partesaget. Oc-
 cultabitur sub festivo tegmine Veritas,
 nil autem patefcet clariùs, quàm insita
 naribus insulsa vanitas. Satyri nostri nul-
 li parcent, sive sit *Menelaus an Ajax,*
Brutus an Augustus

*Tros Rutulusve fuat, nullo discrimine habe-
 bunt.* ** 2 Imò

P R Æ F A T I O.

Imò ne ipsis foeminis multo aliàs privilegio gaudentibus parcent. Nam ut ait Romanus Sapiens, cùm harum non mutata sit natura, sed vita, & virorum licentiam æquent, merito & illorum poenam debent æquare, & ad Apollinis tribunal lascivientis-nasi reddere rationes. Sive sit imperiosa *Tanaquil*, jurgiosa *Xantippe*, insulsa *Acco*, lasciiva *Pàsiphaë*, temulenta *Myrtale*, nihil morabuntur. Forsitan aliquando illas pudebit eas partes diutius in scena vitæ agere, quas ex merito egisse intelligent in hac fabula. Nulla autem se apertè læsam conqueri poterit, nisi demonstratam nasi fæditatem turpi confessione in se receperit.

Verùm quid longa præfatio lectorem detinet? Ipsa scena reos sistet.

*Adeste risus & cachinni concutientes
Præcordia. Pone quisquis es lector curas
Severiores, & frontis abjice nubem.*

Vel ipsi catones posito supercilio hîc rideant. Capripedes Satyri jocosum dabunt nascidium, & quidem absque cruore. *Quid non dant Satyri, dabit histrio.* Tu igitur, nunc

Fa-

P R Æ F A T I O.

XI

*Fabula nasutis, stultisque tarantula nasus,
Ludibrium Satyris Nicotiana veni.*

Et tu Intabacatorum petita convitiis inno-
cens proles mea

*Nasi pica novis prodi defensa camænis,
Vosque tabacophili risuque jocisque notandi.
Existe in scenam rursus, Musæque facetæ,
Infantesque sales, Satyri Satyræque venite.*

*Disposui foetentem secare Nasum,
Timeat, qui strumofus est.*

S. Hieron.

A R G U M E N T U M

Fabulæ.

Heus lector habeo, quam narrem tibi
rem lepidam & hilarem, quam licuit vi-
dere sub Raptu Ecstatico in montem
Parnassum,

Maxima de minimo nascitur historia.

Pica nasi (hunc titulum præ se fert tracta-
tus Satyricus in modernum tabaci stertu-
tatorii abusum, paucos ante annos in lu-
cem

P R Æ F A T I O.

cem emissus) acri stylo ita pupugerat sexus utriusque nares tabacoprophoras, ut bilis intra illas exæstuantis incitante stimulo ingens illius turba ad montem Parnassum provolaret coram *Apolline* & musis ejusdem Autori de illata naribus, inculparâ hætenus libertate gavisis, enormi injuria litem intentans, supplicansque, ut non modo ille de *Picanasi* libellus ex omni librorum censu ipsaque Parnassi Bibliotheca publica proscribatur, sed & Bibliographus ob violatam natorum immunitatem debitâ pœnâ afficiatur.

Collecta igitur ad Montis Parnassi pedem magna intabacatorum multitudo cum ob festivitatem in Parnasso anniversariam ad affatum *Apollinis* admitti haud posset, *Mercurio* ad compescendos tumultus ablegato latè exponit adventus sui turbarumque causas, *Apolline* pro administranda justitia referendas. Qui ab eodem ad Parnassum reduce de causæ statu sufficienter informatus pro exactiore veritatis indagine jubet omnium sub colle præsentium nâlos recisos ad autopsiæ & experientiæ tribunal coram se in pleno mufarum & eruditorum confessu sisti, ut à Satyris probè excutiantur examinenturque

P R Æ F A T I O.

que singuli, an jactitata à *Pica nasi* auctore tabacalis foeditas in naribus revera deprehendatur.

Instituitur scrutinium, & ad omnium stuporem varia & horrenda incunctorum nasus deprehensa colluvies accusatores poenæ reos evincit. Quocirca in utramque partem causâ diligenter excusâ trium judicum audiuntur sententiæ, quibus tamen non nihil severioribus per musarum intercessionem rejectis ab *Apolline* concluditur: nasos ad Parnassi pedem à Satyris rursus deportandos esse, ut quilibet naso vel suo vel ad lubitum alieno recepto ocyùs & longissimè à monte abeat, graviore aliàs poenâ ob excitatos tumultus castigandus.

Sed en *mira fides novitasque rerum!*

Effusis per Satyros è sportula omnium nasus in unum cumulum, quilibet illum, quem casus & fortuna dabat, in tumultuaria ista confusione sibi vendicat, qui à celeberrimo nasorum restauratore *Tagliocoteo* mox agglutinatur propitio *Æsculapio*. Unde contingebat, ut nulli pristinus rediret natus, sed huic minor, illi major, nulli certè conveniens aut proportionatus. Ita ut cunctorum facies non

P R Æ F A T I O.

tantum maximè deformaretur, sed & red-
deretur omnibus planè ignota.

Cum nasus hisce insulsis, peregrinis at-
que ascititiis quilibet ad patriam, & ad
suos redire cogitur, sed jam à nemine,
& ne à marito quidem uxor, non mater
à filia, non amicus ab amico agnoscitur.
Unde querelæ & lamenta privata, & pu-
blica, communisque omnium anxia soli-
citus, de recipiendis nasus pristinis.
Consuluntur itaque Medici, Agyræ,
Medicasteri imò & sagæ, sed nullus nasi
alieni turpitudinem tollere, & pristini
nativam pulchritudinem reddere potuit.
Picographus tamen illorum sortem mi-
sertus, pluribus, à quibus consulitur, ad-
est consilio & solatio, neminemque sine
novo naso dimittit. Tandem, ut exci-
tatos in infanienti popello tumultus cautè
compesceret, suggerit expeditam metho-
dum, novos & sagaciores nasos recipien-
di è fonte *Heliconia*. Cui consilio dum
unanimes parent, & supplicii libello *A-*
pollini porrecto illi nasos immergere per-
mittuntur, nullus non de novo naso pro-
videtur.

Nasi vera redit forma, putata perit.

Quo

P R Æ F A T I O.

XIII

Quo feliciter recepto an imposterum sobriior saniorque futura sit ista bene nascata tabacophilorum turba, tempus docebit.

Ego dedi fabulam, Vos date obulum.

*Utile sit faustumque precor, quod imagine
somni
Vidimus. Ast somno clarius illud erat.*

Ovid. 3.
Fast. Eleg.
14.



E P I S T O L A
CONGRATULATORIA

Cl. D.

PÆTHOLDI NARENBERGII,

J. C. & Prætoris Rhinopolitani

ad

Satyricon Autorem.

M*Issus mihi tuus de Pica nasi libellus
Donum fuit gratissimum.
Vix eam perlegi, & ecce abjeci
Nasifarætricem, odorat perdam, & Muciparam
Nicotianam.
De quo ne ullum tibi restet dubium,
En veritatis tecum mirion
Hæc mea, quem tibi redono, pætotheca,
Ex argento licet inaurato conflata,
Tot tamen olim spurcitiarum proma conda.
Evanuit pridem ex illa incola pessimus
Pulvis fetidus & ater.
Qui toties in naribus excitavit cloacam.
Pudet referre, sed tamen refert.
Comes illa mihi erat indivulsa,
Ad mensam, ad lectum, imò vel ad sellam
Patrocli,
Vah pudor!*

Cum

*Cum naso intabacato processi in sanatum;
 Cum tali naso scandi tribunal,
 Cum tali naso frequentavi aulam, imò &
 templa*

*Accessi Principes, imò & ipsum Deum.
 Agnosco culpam, detestor fæditatem.*

ô Tempora! ô nares

Idolo Stercutio sacras!

Hanc nasi merdisflui insolentiam

Dum iterum nunc generosè perstringis

Sub ingeniosa fabula.

*Meritò tibi applaudit, quisquis emunctæ na-
 ris est.*

Prò quàm acri rursus sale defricuisti

Nares sine fine prurientes!

Defricuisti multos nasos nimis, satis nullum.

Non igitur erro,

Si Satyricon hoc Nariscalpium dixero.

*Inveniunt hic pætophili, etiam aliàs
 prudentes,*

Stultitiæ documenta suæ.

Inveniunt Germanæ Batavæque nurus,

Nec noc puellæ nobiles, & nobiles

Vultus opprobrium sui.

Invenit Momus Batavus Picomastix

*Promerita nasi rhinocerotis ludi-
 bria.*

*Invenit lector sub ludicris seria mo-
 rum documenta*

Na-

*Nempe ut proſis, delectas.
Sed delectando etiam naſutiſſimis dextrè
naſos apponis.
Stupidæ Orbiliï ignorantie dicam ſcribis.
Phantaſiæ ludentiſ miras oſtendis nœnias.
Plures Artis mediæ proſers abuſus.
Et ſimul tamen omnibus applicas reme-
dia convenientia,
Medicus Phyſicus & moralis.
A mundo condito nunquam ita cura-
ratus eſt naſus.
Meritò igitur tibi gratulor de ingenii
acumine,
Cujus ſat teſtis eſt hæc Satyra.
Naſus Nicotianæ fœce repurgatus
Novæ tibi famæ gloriam pariet in orbe
literato.
Utinam ſæpius talis te rapiat ecſtaſis,
Quid ex Parnaſſo novellas nobis recenſeas,
Alter Boccalinus.
Saltem diutius publico noli invidere
Rariſſimum artis Chymiatricæ opus
Helmontium tuum Ecſtaticum,
Non ſub Virgula Morphei ſoporifera,
Sed Vulcani candente tibi enatum.
Ex quo Reſpublica cognoscet literaria,
Te in perveſtigandis artis, & naturæ arca-
nis*

Ar-

XV
Argum esse, non Emdymionem.
Vale Vir doctissime,
Meum Musarumque delictum,
Tui nunquam non memor Narenbergii

Sub nomine latitantis
Amici.

N. N.



A D

AD ZOILUM.

Zoile si tibi volupe est Satyrorum corpore
lusus,

Fac modò. Nasçidii necdum finita scena
est.

Adhuc parati sunt & tibi nasur ab-
scindere aduncum,

Illiusque Atrabiliosam expurgare
amurcam.

Prò quis tum eris sine naso zoilus!
Nil nisi ridiculi sine nare larva Pasquini.

Noli igitur irritare Satyrorum ungues,
Nimiùm acutæ sunt.

Non tantùm pungunt, sed & lacerant.
Caveto, si sapis, istos vindices.

Fidem negas?

Attenta, si lubet, laceesse,
Naso privatus abibis.

Canam tum ego ridens:

Ad Imit. Zoile habes nasum quondam, scio: non ne-
Marr. l. go. Sed jam

12. Epigr.
90.

Amplius haud nasum Zoile turpis ha-
bes.

ERRATA TYPOGRAPHICA

Quæ absente Autore irrepserunt, Lector benevolus
sic corriget:

19.	1	lin. 21	<i>ruminabat</i>	<i>lege</i>	<i>ruminabat</i>
	3	— 10	<i>ex</i>	—	<i>est</i>
	4	— 3	<i>ex</i>	—	<i>est</i>
		— 23	<i>tadas</i>	—	<i>ladas</i>
	5	— 6	<i>Co spicio</i>	—	<i>Conspicio</i>
		— 13	<i>volatis</i>	—	<i>volutis</i>
	6	— 24	<i>laurus</i>	—	<i>laurus</i>
	7	— 12	<i>justequo</i>	—	<i>justoque</i>
	8	— 8	<i>alicarias</i>	—	<i>alicarias</i>
	9	— 31	<i>Bibliothecam</i>	—	<i>Bibliothecam</i>
	10	— 12	<i>mangonizatique</i>	—	<i>mangonizatique</i>
	17	— 10	<i>nafi</i>	—	<i>nafis</i>
		<i>In nota marginali leg. Sybilla ad Æneam.</i>			
	19	lin. 8	<i>leg. Complexionis cholerice indicia.</i>		
		— 31	— nullumque dubium vel ob hanc causam hunc hominem &c		
	20	— 5	<i>setocis</i>	—	<i>lectosis</i>
		lin. ultima	<i>laxario</i>	—	<i>larario</i>
	21	— 23	<i>Oenopona</i>	—	<i>Oenoposia</i>
	23	— 26	<i>deleatur punctum</i>		
	24	— 27	<i>regione</i>	—	<i>regione</i>
	25	— 6	<i>opponere</i>	—	<i>apponere</i>
		— 10	<i>mucorum</i>	—	<i>mucorum</i>
	26	linea ultima	<i>leg. fulget ut</i>		
	29	— 5	<i>faucarii</i>	—	<i>foricarii</i>
	30	— 3	<i>prophylacticon</i>	—	<i>Prophylacticon</i>
	31	— 16	<i>ecchymoma</i>	—	<i>ecchymoma</i>
	32	— 13	<i>tamarinaque</i>	—	<i>Camarinaque</i>
	34	— 4	<i>lege nasos. cur?</i>		
	35	— 6	<i>fictitium</i>	—	<i>fictilium</i>
	39	— 11	<i>lanta</i>	—	<i>lauta</i>
		— 23	<i>rostris</i>	—	<i>rastris</i>
		— 26	<i>sed quis</i>	—	<i>sed quid</i>
	40	— 13	<i>nuncia</i>	—	<i>mumia</i>
		— 22	<i>squallidi</i>	—	<i>squallidi</i>
	41	— 3	<i>unetus</i>	—	<i>unctus</i>
	43	— 14	<i>habet</i>	—	<i>habeat</i>
	45	— 30	<i>mima</i>	—	<i>mima</i>
	47	— 19	<i>congere</i>	—	<i>congerere</i>
		— 21	<i>Terp-Syshore</i>	—	<i>Terpsychore</i>
	48	— 6	<i>dicere</i>	—	<i>ducere</i>
		— 13	<i>tam</i>	—	<i>jam</i>
		— 26	<i>pica</i>	—	<i>picæ</i>
	49	— 25	<i>Neroly</i>	—	<i>Neroly</i>
	50	— 16	<i>d'orine</i>	—	<i>de l'orine</i>
	52	— 28	<i>audri</i>	—	<i>audire</i>
	53	— 7	<i>devolorum</i>	—	<i>Devotarum</i>

Pag. 53	lin. 9	<i>instante</i>	<i>lege</i>	<i>instante</i>
54	— 22	<i>hamophte</i>	—	<i>hzmopthoë</i>
	— 28	<i>aptius</i>	—	<i>istius</i>
	— 32	<i>Credant</i>	—	<i>Credunt</i>
55	— 8	<i>indolta</i>	—	<i>inductæ</i>
	— 13	<i>usurpate</i>	—	<i>usurpato</i>
59	— 14	<i>vium</i>	—	<i>virum</i>
63	lin. ultima	<i>ipse</i>	—	<i>iste</i>
64	— 7	<i>elasticum</i>	—	<i>classicum.</i>
68	— 16	<i>gessu</i>	—	<i>gressu</i>
71	— 17	<i>se porte</i>	—	<i>le porte</i>
73	— 1	<i>cum medicamento</i>	—	<i>cum in medicamento.</i>
74	— 3	<i>submissima</i>	—	<i>submississime</i>
76	— 20	<i>reddet</i>	—	<i>reddit</i>
78	— 23	<i>leg. res nota urbi</i>		
80	— 27	<i>mon in sitione</i>	—	<i>nasi insitione</i>
81	— 21	<i>lyci</i>	—	<i>lyxi</i>
84	— 28	<i>brevi</i>	—	<i>brevis</i>
85	— 6	<i>leg. non humillimæ scientiæ.</i>		
86	— 17	<i>genus</i>	—	<i>genas</i>
87	— 5	<i>proaro fuerat</i>	—	<i>proaro non fuerat.</i>
91	— 12	<i>recipies</i>	—	<i>recipiet.</i>
92	— 15	<i>leg. id quod</i>		
	— 25	<i>obiis</i>	—	<i>abiit</i>
93	— 14	<i>gessari</i>	—	<i>grassari</i>
95	— 3	<i>utrumque</i>	—	<i>utriusque</i>
99	<i>ad marginem deleatur Virgilius</i>			
102	— 14	<i>gloriosam</i>	—	<i>gloriolam</i>
	— 23	<i>lectum</i>	—	<i>lectum</i>
103	— 1	<i>Bereventanus</i>	—	<i>Beneventanus.</i>
104	— 13	<i>artificiose</i>	—	<i>artificiose</i>
106	— 5	<i>cujus</i>	—	<i>cujas</i>
	— 19	<i>ultra</i>	—	<i>uliro</i>
108	— 13	<i>jam</i>	—	<i>tam</i>
109	— 12	<i>Consultum</i>	—	<i>consuetus.</i>
111	— 5	<i>Delphica</i>	—	<i>Delphico</i>
	— 24	<i>lege ad omnem limam perpolitum</i>		
	— 30	<i>an illa</i>	—	<i>at illa</i>
112	— 12	<i>adde omiffa: præpotentem, quæ brevi tempore nasi fax-</i> <i>ditatem & magnitudinem</i>		
115	— 1	<i>excludenda</i>	<i>lege</i>	<i>excudenda</i>
118	— 27	<i>apotemata</i>	—	<i>Apozemata</i>
119	— 6	<i>Confiliis</i>	—	<i>Confilio</i>
	— 30	<i>fi</i>	—	<i>fi!</i>
122	— 18	<i>are</i>	—	<i>aëre</i>
124	— 27	<i>Medicis</i>	—	<i>Medicus</i>

In appendice Verbo nares lin. 26. *lege*: Aurigine tinctæ galbulli conspec-
tum exigunt.

Ibidem. lin. 29 Satyri. *leg.* Latini.

Vocabula noviter inventa lusus Satyricus excusabit.

RAP.

RAPTUS ECSTATICI

IN

MONTEM PARNASSUM,

SIVE

Lusus in nasos Tabaco propho-
ros Satyrici

P A R S P R I M A.



Onsidebam in Musæi solitudine
junctus sapientibus, qui suavissimi
contubernii necessitate adstricti ha-
bitant mecum, & muti rerum ma-
gistri audiunt. Loquebatur me-
cum, ut sæpius solet, ore stoico Romanus Sa-
piens, & profundiori meditationi suggerèbat
suos olim ad *Lucilium* conceptus, *quomodo ex* Epist. 8c.
primendus sit humanæ vitæ mimus. Revocabat
unà in memoriam illud ex *Anthologio* Lipsia-
num:

*Scena est hæc vitæ & mimus, vel ludere disce;
Seria postponens, vel Cruciare miser.*

Prolixiori cogitatione ruminabat mecum quæsti-
tum illud Cæsaris *Augusti* morituri: *Ecquid
hunc mimum vitæ satis commodè egisse viderer?*
Inprimis cùm mundus omnis juxta *Petronium*
A agat

2 RAPTUS ECSTATICI

agat histrioniam. Apprehenderam jam calamum hoc super argumento quidpiam chartæ commissurus, tametsi adhuc ambigens, quænam mihi modò esset accipienda & sustinenda persona, num scriptoris Physico-Medici num verò Historico-Politici. Utriusque enim partes aliquando, si vita suppetat, adhuc mihi vel ex promissis publico factis absolvendas esse recordabar. Et ecce in summo silentio constitutum turbat ad fores manu impulsas sonitus. Jubeo elatâ voce intrare, si quis affatum peteret. Ingreditur *Mercurius Apollinis* & *Musarum Nuncius* Virgunculam eleganti indumento, & quidem candidissimo auro intertexto vestitam manuducens, quæ me vix visum hisce verbis blandulè compellat:

Salve mi Pater,

aDsVM nVnC pICa gnata tVa.

Quid præ mei Westphalis inusitato nitore & fulgore obstupescis?

Redeo ex thule Batavica

Abs Amico tibi charissimo.

Tuique amantissimo

Henrico Parlherbeo,

Qui in aeternum tui Mnemosynon

Hac me tam Variegatâ veste donavit.

*Teque millies salvere, & Pancraticè valere jussit.**

Agnosco statim vel ex fronte gnatam, nuper ad Batavos à me missam, & typi nitidissimi veste

* Verba sunt, *Pica nati* tum primùm editæ, Exemplari elegantissimè Amstelodami compacto, & ad auctorem missò, amicitiz testificandæ ergo abs amico inscripta.

veste nunc indutam. Dudum expectata venit, nec paternis displicet oculis, tametsi non paucis eam hinc inde nãvis (menda typographica intelligo) prater spem fœdatam non sine displicentia animadverterem. Compellavi humanissimo affatu *Mercurium*, & sollicitè indagavi, quæ prolis hujusce meæ apud Batavos facta extitissent. Num apud Eruditos in gratiam venisset, & an non amasios ibi nacta fuisset? Nacta & inquit *Mercurius*, sed nec minus inimicos atque persecutores numero longè plures, eò quòd teutonico nata sanguine oras subiens Batavas morem tabaci nasalis prensandi hodie gratissimum, & civitate ubique donatum audacius perstringere non reformidãrit. Novum quod illi imposuisti *Picæ Nasi* nomen criticis non æquè omnibus arrisit: Inprimis stupidis & semiliteratis visum est subobscurum. Scribendi ista libertas nasus tabacosorbis, maximè fœminarum, nequaquam placuit. Fortassis harum sensus subtilior læsus excitabit nonnullas, quæ te ad Apollinis tribunal evocabunt, & ex Eruditorum albo, *Picam* verò tuam ex Parnassi bibliotheca publica proscribi postulabunt. sic fert fama. fides sit penes referentes. Tute autem scies, quid hoc negotium à te exigit. Hæc *Mercurius*. A quo porrò percunctabar, quid in Parnasso novi contigisset, quanto tempore jam ab eo abesset, potissimum autem, quodnam ibi de *Picæ nasi* fuisset Criterium, curiosiùs fiscitabar. Eximium sanè, ait *Mercurius*. Non ita pridem in ipso Musarum omniumque Montis Aonii domesticorum amplissimo confessu eam publicâ lectione honorari

4 RAPTUS ECSTATICI

fecit *Apollo*. fortassis quòd suspicaretur etiam it-
lorum nonnullos gestare Pixidem tabacariam.
Inserta deinde & Bibliothecæ Parnassi publicæ
loco non postremo. Bene hæc habent, in-
quam, nec leviter animum erigunt adversus
casum litis ab insana *Intabaccatorum* turba in-
tentandæ. Nullus dubita, reponit *Mercurius*.
Habes tibi Apollinem & musas faventes. Ille
nuper cum his convivando lætior non semel
inter jocos eam honorifico laudis thyrsos per-
cussit. Titillabat animum hæc *Mercurii* rela-
tio, quem aliò festinantem cum gratiarum
actione plurima, & exemplarium aliquot in-
ter Parnassi amicos distribuendorum dono di-
mittebam.

Jam verò intensa mentem subibat cogitatio,
quomodo ipse ad Parnassum iter facerem, &
accusatorum impetus præsens expectarem at-
que eliderem; verum non patebat itineris lon-
gioris conficiendi ratio, eò quòd non nisi per
ardua eò via duceret. Suspirans ingemina-
bam:

*O si tadas Ego, pennipesve Perseus,
Aut si Pegaseo ferar volatu.*

Joël 2.

Quam celeri alâ ad montem bicipitem provo-
larem! Ingens igitur animum distrahebat solli-
citus. Et ecce tandem me curis cogitationi-
busque fessum sive somnus sive Ecstasis corri-
pit, (*Seniores somnia somniaverunt, juniores
autem visiones viderunt*) & omnem rerum per
sensus externos perceptionem suspendit.

Ce-

IN MONTEM PARNASSUM. 5

*Celer per auras Mercurio duce
 Excelsa cursu nubila permeo,
 Terrasque despectans, relinquo
 Westphalicos Batavosque fines.
 Jam jamque retro Carpaton, & procul
 Frontem, petiti conspicio jugi,
 Præterque spem jam tango præsens
 Aonii juga bina collis.*

Quis tum mihi subitæ lætitiæ impetus? Admit-
 tor haud mora in intimus Parnassi Palatium
 acceptus hospes, ubi Virorum Eruditissimorum
 olim ex imaginibus notas facies offendo, quos
 huc illucque volatis oculis avidissimè observare
 summa erat voluptas.

*Dum feror in somnos, meque alta Poëtica nubes
 Obsepit, vidi mira, aut vidisse putavi,
 Fas vidisse fuit: fas sit mihi visa referre.*

Iac. Bald.
 in Anta-
 gath.
 n. 23

Fecerat Parnasso solennes annuasque ferias ab-
 solutus labor. Librorum namque inmensâ co-
 piâ recenter è prælo exeuntium censura &
 scriptorum Parnassi albo inferi & immortalitati
 consecrari postulantium examen *Appollinem* per
 plures dies fatigaverat. Quippe in epidemica
 hodie scribendi cacoëthe, & ex ea indies na-
 scente Voluminum inexhausta voragine (nam

*Facile est componere versus,
 Difficile est libros aequali volvere rhombo.)*

nisi penes Parnassi Principem staret arbitrandi
 authoritas, libri spurii parente plagio leviter
 A 3 nati,

6 RAPTURE ECSTATICI

nati, seu potius adoptati cum libris ex cerebro Eruditorum operosè & quasi cum Pallade non sine tormento enixis parem Dignitatis & meriti sortem subirent. Hisce negotiis tantisper exemptus *Apollo*, ut animum sibi musisque relaxaret (*amant alterna camænæ*) imperat barbita tendere, & festivâ ode rovis in Parnassum adscitis applaudere.

Pandite, ait, nunc Heliconæ Deæ, cantusque movete.

Polibymnia igitur & *Clio* junctis cum voce suavissima barbitis in gratissimum conspirabant melos, & inter alios hosce à Lyrico celeberrimo olim compositos versus concinebant, quos paucos memoria rerum in Parnasso observatarum multitudine tantùm non obruta adhuc fugerit :

*Turpe est perire in otio. Fortes amat
Apollo mentes, desides odit manus
Emarcidasque gratias. Cedant croci,
Cyparissulique, liliorum & nectaris
Lacte educati. Palladis præda est honor.
Honor teneri dexterâ imbelli nequit.
Nec dormienti taurus in frontem venit,
Nec honesta fama languido. Si cui labor.
In pertinaci plurimus calle sedet,
Socius Minervæ laudis in partem venit.*

Dulcedo tam vocalis quàm Instrumentalis Mûsicæ miro temperamento inixtæ universum implebat collem, quam Echo non ingrâtâ recipro-

IN MONTEM PARNASSUM. 7

ciprocatione geminabat. Summè attentos reddiderat omnes Harmoniæ suavitas, ecce repente in valle Parnassi oriri tempestas, audiri tumultus, reboare fragor, & incertis vocibus multiplicari clamor inconditus,

Ac veluti magno in populo cum soepe coorta est Seditio, sævitque animis ignobile vulgus, Jamque faces & saxa volant, furor arma ministrat. Virg. I. Æncid.

Credidisses præsentem militum legionem armatâ manu jam jam incurfuram Parnassum. Apollo improvisâ hac maleferiatorum insolentiâ tantum non exterritus, justeque furore exandescens (*non semper ridet Apollo*) sic musas affatur:

*Quis furor ô musæ, quæ tanta licentia genti
Hactenus invise, nostros turbare penates,
Impiaque in medio meditari bella triumpho?
Furo Jovem lapidem, me nemo impune lacesset.
Mercuri ades, subito explora, qualisne popellus
Has moveat turbas.*

Mercurius jussa excipiens citato pede Parnassum descendit, ubi variæ conditionis, statûs, sexûs, ætatisque multitudinem congregatam infanoque tumultu frementem offendit.

Dant fremitum furiuntque omnes, hic andique clamor Adimit. Virgil. I. Æncid.

*Consensu magnus miro se tollit ad auras.
Haud secus atque alto in luco, cum fortè catervæ
Consedère avium, piscosove amne Padusæ
Dant sonitum rauci per stagna loquacia cygni.*

8 RAPTUS ECSTATICI

Plaut.
Scen. 2.
Act. 1.
Panul.

Mercurius curiosè circumspiciens non tantùm Domicillas & splendidioris fortis viragines *Nezulam*, *Petillam*, *Pætoabarbam*, *Beccabellam*, *Galantbeam*, pluresque alias omnes capsulis Nicotianæ promicondis instructas, & strenuissimè naso litantes, sed inter illas quoque non sine stupore observat *Prosedas*, *pistorum amicas*, *reliquias alciarias miseras*, *scæno delibutas servolicolas*, *sordidas corpore & naribus*. Hæ namque non minùs atque illæ de nasibus offensis queritaturæ venerant, & cum ingenti virorum turba istam *Intabaccatorum* synodum constituebant.

Virg. 2.
Panul.

Mercurius mox ferventi turbæ silentia facit majestate manûs, & tantitumultûs causam exigit. Ad Apollinis solium admitti omni & unâ voce postulant, sic maximi momenti causâ urgente. *Mercurius* annuæ in Parnasso festivitatis solennia aditum haudquaquam concedere reponit. Oretenus sibi quid peterent, referri, aut scripto etiam consignatum exhiberi mandat, ut *Apollini* musisque tantæ seditionis & æqua causâ & excusatio pateat, aliàs futurum, ut debitâ pœnâ severè in singulos animadvertatur. Tum omnes spreto gubernatorum imperio majore rabie fervere (laxatas à lupatis tygrides dixisses) & justissimam tumultûs causam proclamare. *Idem omnes simul ardor habet*. Nonnemo & staturâ speciosior & naso obesior, qui cæterorum antesignanus, & jurgiorum Procurator audiebat, sic incipit effari. Magna Deûm progenies & Apollinis legate *Mercuri*, non nostra, sed Medici Germano-Saxonis temeritas huc ad Parnassum nos compulit, justâ

re-

IN MONTEM PARNASSUM. 9

recentis indignatione facinoris permotos. Hic non ita pridem Commento planè Satyrico sub insolenti Dissertationis de *Pica nasi* inscriptione nasi nostri hætenus ex legis illibatam libertatem inceslere est ausus; neque tantum nos viros pulvere tabaci nasalis sine cujuscunque hætenus interdicto & calumnia usos acri sarcasmo pertrinxit, sed & sexum longè nobilissimum, delicatas nostras fæmellas & filias, veras nostras, & orbis Batavi delicias, eodem nasi privilegio nobiscum jure gaudentes, publico ludibrio exposuit, ut nunc passim apud cujuscunque gentis Lectores indignissimo risu traducantur. Primam lucem libellus aspexit Amstelodami obstetricante Ostervicio bibliopolâ, & quidem, ut suspicamur absque licentia & approbatione summi *Apollinis*. Omnium jam teritur manibus, in ore versatur, legitur in curiis, hospitiiis, symposiis, in urbibus & oppidis, in navibus. Undique per universas Belgii Provincias volitat, imò ad exteras jamtum nationes, in Germaniam, Galliam, Angliam, & quod certis relationibus novimus, ad utramque Indiam celerissimis itineribus provolavit. Ubique gentium & locorum, ut olim *Auris*, sic nunc *nasus Batavorum* indignâ satyra proscinditur. Imò quod majus est. Ut non literatis dumtaxat, sed & indoctis hæc in nasum convitia innotescerent, alius longioris nasi excerptor picâ loquacior confarcinatum ex libello compendium idiomate vernaculo Librorum Syllogi (Biblothe-Bockzaal cam appellant) pari protervia inseruit, suasque der Ge- nugas attexuit, ut jam non nostræ modò leerdeWe- reft Jan. omnisque nationis literatis, sed & rudi in Bata-1717.

10 RAPTUS ECSTATICI

via popello, imò vel ipsis Agrestibus ad stivam (nam & his sua sunt tabacophylacia) nasus noster fabula fiat atque ludibrium.

Plura ore spumante dicere parantem interrompebat homo conditionis, ut videbatur, proletariæ. Quid? ait, non hoc unicum, quod inde emergit damnum est. Ego meæque tribus spectatissimi sodales, tot jam lustris pulverum nasalium institores à paucò tempore ingentem quæstus jacturam fecimus. Non amplius in pretio apud nostrates sunt isti, tanto ingenii labore à nobis conflati margonifatique Nasorum pulveres. Innumeri de horum in sanitatem damnis per scriptoris rationes moniti, & tantum non persuasi jam moderatiùs imò rariùs iis utuntur, ut metus sit, ne tandem penitus desuescant. Novit ille Microcosinus Urbs nostra *Amsterdam*, novit *Harlemia*, *Haga Comitum*, *Alcmaria*, novit universus orbis Batavus quantas hætenus gratias apud utrumque sexum obtinuerit pulvis meus nasalis, publico præconio in foro, plateis, in ædibus tam nobilium quàm civium divenditus, quas fere penitus illi detraxit imò, quod rei caput est, etiam ipsum mei meæque simiolæ *Ætypon* libelli frontispicio sculptor præfixit, ut major ludibrio ansa daretur. pro Jovem! Mecultor jam

Perfius. *Calido sub pectore mascula bilis
Intumuit, quam non extinxerit urna cicuta.*

Univerſus cruor ebullit in vindictam ſi illum hîc præſentem..... Hoc dicto vox faucibus hærebat, iracundiâ linguam ſtringente & ſpiritus com-

comprimente piscis instar obmutefcebat.

Quod silentium mox Amazoni Batavæ. Juvenal.
Sat. 3.
Notæque per Oppida buccæ, os apprimè facun-
dum laxabat in has voces: Habes *Mercuri æ-* l. 1.
quissimam querelarum rationem, quarum ma-
gnitudinem porrò auget etiam, sexui nostro il-
lata injuria. Dii Deæque! Hæc ne est illa no-
bis debita reverentia? non nescis, quàm, deli-
catus fæmellis Batavis sit sensus, & qui proin
illis respectus ac veneratio à maritis deferatur,
ne animus noster eo rapiatur impetû, cui pa-
cando tota domus vix sufficit, ita ut furor nobis
non rarò audaciam & subitas pugnas inspiret,
nam

Quæ Hollanda velit mulièr submittere fascēs?

Non ignota hæc sexûs nostri indoles fuit Scrip-
tori, & tamen hunc audaci calamo non est ve-
ritus laceffere. Sed an impunè? Herculè non
impunè. Utinam hîc coram foret, unguibus
hisce meis oculos illi eruerem, aut saltem ejus
togam hac meâ forfice in mille frustra discissam
& discerptam justo furori consecrarem. Barbu-
las & Mystacem nobis affinxit, fætorem nescio
quem Leoninum, & ferinum naribus subdidit,
innocentissimasque nostras *tabatierculas* falsissi-
mè perfricuit. Ô temeritatem non nisi seriâ ul-
tione vindicandam! Dii me! nisi Exemplaria
Dissertationis de *Pica nafi*, quotquot in nostris
Bibliopoliis extant, meis nummis coëmpta
piscibus coquendis destinavero, & ex glorioso
hoc busto nomini meo æternitatem fuero fœ-
nerata. Longiùs protervæ linguæ volubilitate
accu-

Juvenalis. *dictâ nemo magis gaudet quàm semina*) nisi *Mercurius* jam satis esse querelarum innuens, utut plurimis adhuc reclamantibus, & omnibus vago murmure adfrementibus, celerrimis talaribus Parnassi verticem repetiisset.

Palatium vix ingressus præmissâ pro more reverentiâ tumultûs tam intempestivi & insolentis causam *Apollini* atque Musis longâ expectatione suspensis hac oratione exponit. Magne Musarum pater & vos generosissimæ *Pierides* nescio me herculè an præsentis diei solennitas permittat, eum vobis querelarum cumulum & convitiolorum molem exponere, quibus me ad vos reducem gravavit ista tumultuantium, imò fere insanientium multitudo, & quidem ob negotium risu potius quàm indignatione dignum. Ad nasum enim tota spectat contentio, in uasum Virilem, Juvenilem, sæmineum, virgineum ascendit effervens bilis. *Gryphos*, *Apollo* ait, *Mercuri* loqueris. Citra ambages brevissimis rem totam exponere, ut lite quantocyus compositâ insani popelli turba à limitibus nostris procul abigatur. Res hæc non adeo facilis est componi, inquit *Mercurius*, nam & de tuo ipsius honore agitur. Nosti *Cobausenum* Medicum Germanum jam dudum à te annuente Musarum Choro Eruditorum albo insertum, diversa varii argumenti scripta orbi literato communicasse, quæ à te approbata dignaque æstimata sunt, ut non tantum lucem, sed & æviternitatem videant. Neque etiam tibi non notum est, ejusdem publicæ hic nuper censuræ subjectum opusculum de tabaci sternutatorii moderno abu-

IN MONTEM PARNASSUM. 13

abusu, cui *Pica nasi* titulum præfixit, quo pessimum istum pulveris nasalis prensandi morem utrique sexui hodiè communem acri stylo transfixit, in nullius tamen famam injurius. Non fert hæc æquo animo tabaci nasalis tam institorum quàm amatorum turba, de damno & injuria pari contentione conquerens, atque in Autorem arma movens & vindictam; ita ut vel contra ipsum Parnassum in arenam descendere minitetur, nisi jussu tuo tractatus iste ex librorum numero, ex omni bibliotheca & bibliopolio perpetuâ relegatione faceßat. Querelas hæc multis convitiis accumulans, & nescio quid insani furoris spirant, ut nisi maturè hunc æstus tuâ autoritate compresseris, in manifestam flammam sit erupturus. Hic rei cardo est Auguste *Apollo*. Cœteras maleferiatæ multitudinis Næcias hîc ad longum retexere operæ pretio haud dignum videtur. Tu expeditum noveris remedium.

Apollo throno exiliens & præ indignatione abjiciens *Cytharam* radiosque à fronte retundens sic fatur. Libellus de *Pica nasi* bono publico apprimè utilis & nostrâ autoritate approbatus perpetim maneat in literarum imperio. Quod Decretum est non immutandum. Quidni autem importunæ & insanienti catervæ meritò succensemus, & quantocyus aut jovis postulam fulmina in eam vibranda, aut ipsi arcum, quo olim serpentem *Pythium* transfiximus, in eorum capita tendimus. Peccavit & adhuc indies peccat nasus, quidni promerita fatyrâ strenuè defricetur, imò vel ob hanc temeritatem novis stimulis pungatur? Debetur
ho-

hodiernæ lûcis festivitati publica hilaritas, & Mûsis coeterisque amicis præsentibus animi relaxatio, quam nolumus litigantium jurgiis turbari. Ideo tametsi justâ vindictâ in vesanâ multitudinem grassari possemus, decernimus tamen motos componere fluctus, & Comædiam ludicrâ scenâ claudere. Explorandum erit, num nasi fontis aut infontis æquæ aut iniquæ sint querelæ. Narium inquirendus est status, an sit quem nobis graphicè depinxit autor ut in re maximè intricata justam feramus sententiam, & hunc, si falsi crimen nasus affinxerit, aut etiam illos, si rei fuerint comperti, dignâ pœnâ castigemus. Nolumus igitur tumultuantem turbam ad nostrum tribunal admitti. Sed tu *Mercuri*, fac actutum hic præsto sint omnium sub monte præsentium ferocientes nasi, quò eorum examen & viva Anatome sicque exactissimum causæ fiat scrutinium. Duos tibi adjungi volumus satyros (hoc dicto hi subfultim tripudiantes ganniebant) qui omnium nasos tam pumiliones quam gigantes cujuscunque demum fortis huc ocijus asportent.

Haud mora *Mercurius* comitantibus satyris montem descendit, ubi subito interquievit tumultuantium clamor; magnâ enim jam expectatione suspensi Decretum *Apollinis* favens sibi pollicebantur. Quod *Mercurius* paucis indicabat hoc esse, ut pro judicio æquiùs ferendo omnium nasi satyris tradantur, & ad *Apollinis* tribunal sistantur. prò quæ mox consternatio! cohorrere omnes, & nasi aliquo saltem tempore privatione inconditam vultûs formam meritò metuere. Verùm sententiæ triumphantis
spe

spe rursùm erecti lubenter nasos offerebant. *Mercurius* Satyrorum grandævo Nasidii officium demandabat. Dii immortales! sic hic ait, *ut ego nasos prætruncabo novaculâ! quanta istis pestis veniet? quanta labes vultui? quanta formæ absumedo? quanta genis calamitas? quanta mihi lassitudo? quanta meæ æfixæ?* Satyrus itaque gestans novaculam retusam (qualis pueris discipulis audaciâ tonsoris dari solet) semel iterumque nasos percutit, qui ante pedes collabuntur.

Ad Imit.
Plaut. in
Carr.

Tum jurgia prima sonare

*Incipiunt animis ardentibus, & tuba rixæ
Dèbinc clamore pari concurritur. In facie omnis
Sævit jussû manus Satyri. Sine vulnere malæ
Vix cuiquam. Nulli nasi sua forma superstes
Integra. Conspiceres jam cuncta per agmina vultus
Ridiculos, alias facies, & biantia demptis
Naribus ossa, duo saltem nasi antra relicta.
Ludere se incipiunt ipsi tamen, atque protervos
Exercere jocos, hic quòd sive ille sit autor,
Quòd nasus spoliata suis sit tota caterva.*

Ad Imit.
Juvenal.
Satyr. 15.

Observasses lepidum spectaculum. Videbantur omnes quasi apud Scythas pernoctasse, quorum erat improbitas, ut cunctis ad se divertentibus nares præscinderent. Si fœminas istas naso sic spoliatas *Locrensis* Græciæ populus spectasset, nulla adulterii notam fugisset. Lex enim *Zalenci* erat, fœminis adulteris nasum amputare. Imprimis verò risum movebat singulorum mira sollicitudo, quomodo nasum notarent, ut dein proprium reciperent. Nemo non trepidabat

bat, ne suppositus veniret. Erant qui extremo poppismo naso litabant, eique pulveris sternu-
torii peculiaris portionem ingerebant, ut hoc
indicio in ejus pristinam pervenirent notitiam.
Erant inter mulieres quæ certum Emplastro-
rum ex nigro serico (mouches vocant) nu-
merum nasus futurum discrimen agglutinabant.
Aliis fat manifesta vel à variolarum stigmate
relicta vestigia, vel impressi à Baccho in uvas
nasales regerminante botri facilem agnitionem
spondebant. Aliis fætor *madidique infantia nasi*
signum promittebat. Nonnulli abjectioris animi
naso extremum vale non sine ejulatu dicebant.
Qui pervicaciores erant, non nasos dumtaxat,
sed & ora & linguam unà in Parnassum depor-
tanda offerebant, ut hæc illorum patrocinium
coram *Apolline* agerent. *Honorio* fæminarum
delicatissima clamabat: *Salva sit huic naso reve-*
rentia. alias *Nænias* tacemus.

Adduxerant Satyri claudam *Sileni* asellam,
cui utrimquæ ad latus pendeat sportula can-
cellata, in quam nasos omnes collectabant,
atque ita disponebant, ut eorum apices per
foramina foras prospectarent. ô curiosissi-
mum spectaculum! ô corbem nasutissimam!
Satyri prædâ læti, salientes & ludicrè moti-
tantes *sequacis pendula caudæ* petebant Parnassi
culmen, in via tamen nasus fumum tabaci-
num sacrificantes.

Corbibus impositam prædam vectabat asel-
la. Currebant circum satyri. Unus tympana
pulsat: alii buccas alter mirè inflat & intonat
altè:

Nasi,

Nasi, nasi, nasi,
Nasi magni, breves, longi,
*Simi, alti, & diphthongi, **
Varii, omnigeni,
Nasi, nasi, nasi.

Ipse *Mercurius* non tardè movebat alipedes, Sparsa subito fama totum occupabat Parnassum. Accurrunt sub æstu novitatis, nunc stupore nunc risu reciprocante montis incolæ, & *Apollini* denunciato *Mercurii* cum nasi reditu, mox ordinariæ campanulæ signo ad confessum & spectaculum Musæ cæterique Eruditi convocantur. *Apolline* in tribunali confidente istorumque quolibet suum occupante locum jubetur intrare *Mercurius*, qui sic fatur. En illustrissime Parnassi Præses præsto, quos jussisti afferre, turbæ tabacariæ nasos. Expectamus quid iis fieri jubeas. O quis inter omnes titillanti de pectore risus! quæ lætitia, talem præsentis festo spectaculi occasionem dari, quod inprimis novitate & rei insolentiâ omnium oculos & animos pascere quasi natum esset. *Est sanè lepor ista tueri.*

Bene est ait *Apollo*. Et hoc ista sibi tempus *spectacula* poscit. Volo te *Mercuri* tuosque Dixit olim Sytilla Æneam. Satellites Satyros, quibus apparitorum officium hodiè committo, hac curâ defungi, ut in nostro omnium conspectu nasos singulos ordine extrahatis, eorum interiora perlustretis, excu-

B

tia-

* Sic dicti, quod ex duabus naribus stertendo vocalibus componantur. Vid. Diff. de Pica Nasi p. 81.

18 RAPTUS ECSTATICI

tiatis, & publicè ad oculum demonstratis, num
in iis jactitata ab Authore *pica nasi* fœditas Sta-
buletur, quòd æquitati sententiam conformare
liceat. Et vos Assessores vestri muneris erit
cuilibet naso debitam crisin adjungere. De-
nominabat autem *Rhinocritum* Jurisconsultum,
Dietetum Medicum & *Peticasten* Poëtam, ut
judicum partes agerent. Ipsi quoque Parnassi
Morosopho, cui cultissimi erat ingenii amœni-
tas, dabatur licentia, ut ore liberiori suas de-
promeret facetias. Qui profundissimâ reveren-
tiâ id muneris acceptans, exequar, ait, quod præ-
cipis, diligenter, Putabo enim me

Parnassi
Schalks-
Narr.

Germano-Batavos pretio purgare caminos.

Mox variè gesticulans faceto cantu hoc prælu-
dium adornabat:

*Nunc adeste rursus nasi,
Emungemus vos vel quasi
Ab antiquis sordibus.
Hæc lux dabit novum lusum
Nicotianæ in abusum
Scenis jocularibus.
Satyri purgabunt nares
Vobis Bertæ, vobis mares
A tabaci spurcitia.
Nasos, cœni qui capaces
Nasos, pæti qui rapaces
Scena sistet ludicra.
His vos visis & ridete,
Et excussis, obstupete,
Quanta insit fœditas.*

Plura

IN MONTEM PARNASSUM. 19

Plura meditabatur Archimimus. Sed expeditus ad jussa *Mercurius* è sportula nasum educit primæ magnitudinis, cui rubeus color erat

*Mediisque in naribus ingens
Gibbus, & acre malum stillans Ozæna.*

Hem videamus, ait *Dietetus*. Huic naso insunt complexionēs cholericæ, à quo utique reliqua faciei forma non abludet. Nam ex nasi figura, optima est complexionum inventio, ut *Physiognomiæ* præcepta nos docent. Dubito sanè, respondet *Apollo*, an de nasorum signaturis vera & comperta nobis referat ista scientia certè ait *Peticaster*:

*Isthæc an nescis? quot non facit omina nasus?
Simus amat. Pandus fallit. Suspectat acutus.
Magnanimum longo dignoscas, flante ferocem.
Præsignat Crassus stupidum, timidumque rotundus.*

Et mihi hoc verisimile est ait *Rhinocritus*, nullumque dubium, vel video hunc hominem in lites & contentiones ita maximè propendere, ut etiam de pulvisculo intra nares tantos tumultus ad Parnassum fuscitare non sit veritus. Sed interiora scrutemini, ait *Apollo*, in iis enim quæstionis cardo versatur. *Morosophus* nasum manu elevans, *Vah* ait *nares speluncis similes latebrisque ferarum*. En in extremis antri nasalis cubat camarina. Quæ non fœces hærebunt in intimo lazario? *Satyrus* piloso caudæ

20. RAPTUS ECSTATICI

apice scalpit nares, & en ingens mox quantitas tabaci aterrimi provolvitur. Pergit altiùs ruminari, & pulveris colore multiformi non minor portio sequitur. Erat enim nasus quodlibeticus. Intrufis adhuc profundius fetocis scopulis etiam induratæ tabaci crustæ confertim expelluntur.

*Vix risum Clio tenebat
Musa leporis amans, & Sannio naribus uncis.*

Prò nasi heteroclita ait! *limaces calidis naribus excoquit.*

J. Balde.

*Serpens reptaret pulvere in isto,
Spirasque occuleret, nova colligeretque venena.*

P. 51.

Hic nasus helluo, *evacuat modios atomisque torremata plena.* Næ hic ipsissimus ille est triplicis contignationis nasus, nuper à *Picae nasi* autore Satyrâ, nunc reapse à Satyro perstrictus.

Satis est, inquit *Apollo*, nasus hic investigatus. Faceffat hinc olidissimi hominis insaturabile frustum. Natura paucis contenta, non hodie nasus. Qui veluti parasitus omnibus inhiat capsulis. Alium in medium producas *Mercuri*, ne in primo nimium temporis consumamus.

Mercurius alium extrahit vultûs torosi gnomonem. Directus erat, obesus, tumidus, & eximiè rubicundus. *Morio* ait:

Balde.

*Non est tumor iste pudori
Martius est, quaritque viros, uritque decorè.*
Hic

Hic complexionis est sanguineæ, inquit *Dietetus*. Quicumque talem nasi dispositionem obtinet, eum lasciviæ addictum de voluptate melius quàm de virtute judicare fanciunt Physionomiæ leges. Unde haud dubium est, eum pulvere nasali omnium hodie conversationum condimento gaudere. Tu Satyre cape experimentum. Hic stylo setoso verrit abstrusos recessus. Ha! ha! exclamat *Morosophos*. Hic lepus in nido. Ingens tabaci Hispanici moles educitur. Et hic inquit *Apollo* se ipsum sat prodit forex. Non opus est ulteriori testimonio. Erat autem *Suillii Gastrimargi* nasus.

Mercurius è sportula ceu quadam fortis urna pergit nasum educere, seu potius nasos; nasum puta decumanum, multis parvis undique excretis nasulis foetum. Ab eo enim quasi trunco plures nasorum stolones luxuriabant. Hi soboles sunt ait *Dietetus* uvarum novâ palingenesiâ regerminantium. *Nasus vite satus gemmante*. Reliqua botrata facies dubio procul non abludet. Est hoc non tam nativæ constitutionis quàm intemperantiæ & enormis Oenopotiae tecmirion. Nasus ille tuburcinantis Bacchi popæ est. Nempe depicti in *Pica nasi Schnargutii Muffonis*,

*Cui polypus ingens
Auctus vi lunæ nasum facit esse trabalem.*

Nasi color, inquit *Morio*, evidens præbet testimonium perfectæ in viro scientiæ, quis sit potus optimus. Non necessum est peregrinis in urbem advenis, si virum hunc in plateis obvium

22. RAPTUS ECSTATICI

habent, suspensam vino hederam quærere. Hoc naso duce aberrare non possunt ab optimo Oenopolio. Non est excocto cancro tam eximius color quàm fervente Sirio huic naso. Rigente brumâ instar non cocti plumbeis lituris distinguitur. Mirabantur omnes nasi coccineam tincturam, ad quem facile vel lychnum accendere possis, ut jocatur *Theocritus*. Faceffant ambages, inquit *Apollo*. Interiora pervestigent Satyri. Mox factum puta. Hic nil nisi ex Hispania

Lucret.
l. 4.

Tentia frusta, minuta, croci contincta colore.

Nasus multa pulsatus manuum vi

Lucian.
l. 5.

Pulveris exhalat nebulam nubesque volantes.

P. 54.

Ingens fulvi pulveris prorumpit cumulus, qui non unam pixidem implevisset. Næ hic, *Morio* inquit, dignus est servari, siccari rursum, & inter Satyros divendi, juxta stratagemâ illius à cubiculis Duci *Megelandro* in *Pica nasi* allatum. Apage sæditatem, ait *Apollo* vel ipsis Satyris indignam. Alius nasus in conspectum veniat.

Exibat in scenam alius nasorum Coryphæus, cujus adhuc in facie sua existentis magnitudo notata erat stupenti *Mercurio*.

Hic me herculè ait *Morio*, latitant crabrones. Nolite irritare. Immaniter nasus hic Sternuit. Domum tremore, in templis fornicem fragore concutit, & in angustiori cubiculo vel ipsas frangit fenestras.

Qua-

*Quovis momento nubem attrahit in cerebellum.
Intonuère poli, & crebris micat ignibus æther.*

Tales tempestates atque procellas excitat irritatus. Cavete stimulare. Nemo impune laceffet.

Sternuit ingeminans decies ter & amplius. Ohe! Jac. Balde
in Sat de
Tab.

Non ista terrent è pelvi fulgura, respondit *Mercurius*. Nullum præ cœteris huic privilegium dabit nasi insolentia. Sternuat ut potest, & quæcunque rapida strideant de nare procellæ, tamen excutiendus est. Sic me Phœbus puniat, reponit *Morio*, nisi hic oleat latrinam & laternam. Etiam pulvis hodie nasi datur alveolis, quem & lotium infecit vetus, & rancescens oleum. Talc divenditur *Tonamersii* sub titulo *Vetularum*. Excute Sodes Satyre, quod intus est.

Satyrus dicto obsequens absque mora concutit, excutit. Sed quid? viam ascaridum sobolem aterrimæ & foetidissimæ colluviei involutam. *Vab*, clamat *Morio*, *nasum padorem canis illuviemque professum!* Sed eheu! etiam miseram hominis conditionem, ait *Dietetus*. Hic ex illorum classe est, in quorum cerebro vermibus hospitatur, quem Nicotianæ pulvisculis fortè eliminare conantur. Quid ni igitur sub hoc prætextu dispensatione gaudeat. Vir iste bonus quisquis est, reponit *Rhinocritus*? fas est redire nasum ad suam radicem. Admodum enim fœcundus novos quotannis nasulos & animatam vermium progeniem excludet.

24 RAPTUS ECSTATICI

Incessebat *Apollinem* cupiditas intelligendi, quodnam illud genus vermium, & unde natum esset, cujus decisionem à *Dieteto*, medicus enim id præ cœteris novisse poterat, exigebat. *Ascarides* inquit *Dietetus*, vermiculi sunt in intestino recto stabulantes, & ab excrementis diutius inhærentibus & putrescentibus (recentiores peculiaria ovula sui generis malunt) generati, ubi motu suo perpetuam titillationis & pruritûs molestiam inferunt. Similis & hisce est in narium camarina genesis. Belgis dicuntur *aars-mayen neers-mayen*. Hi picam excitant, naresque titillant, ut continuò pruriant in nicotianam. Et inde insatiabilis illa nasi orexis.

*Tanta fames fuerit fortasse Erisichtonis olim
Sacrilegi, cui causa cibi cibus extitit ipse.*

Vermis vermem, pica picam, & pulveris pæ-tacei prensatio perpetuam ejus bulimiam producit.

Non displicebat *Apollini* hoc qualecunque ratiocinium. Sed præter hosce stabularios narium vermiculos, quis ille grandior in Ejusdem Encephalo sit, non explicavit *Dietetus*, inquit *Morosophus*. Egò dicam. Herculanae & perverustæ, nescio cujus, vel ex ipso equo Trojano derivatæ nobilitatis vermis cerebri Menynge & meditullium eâ regione, ubi phantasiæ sedes est, continuò pungit. Nasus est cujusdam multum Reverendi Abbatis Domini *Vermelii de Ciconia* Qui non digitis, ne eos fortè sacros defædet, sed parvo cochleari aureo adæquatam nasi alveis pulveris tabacini portio-

tionem totâ die admetitur. Vera narro. Stupescite præpinguis ingenii indomitique nasi inventionem.

Privilegio igitur gaudeat, ait *Rhinocritus*, vir tantæ abollæ. Hoc statui & dignitati debetur. Absit inquit *Apollo*, & *hic nasus se ulciscitur ipsum*. Non tua, quâ legibus vales nasum opponere dexteritas, hujus nasi insolentiam tutari poterit.

Interim jam *Mercurius* alium ex sportulis nasum deprompserat infulsissimum. Fluebant naribus mucorum rivi, & extus inter rugas porosque tantum jacebat cerussæ, ut parietis de albi compagem putâsses. Papæ! ait *Morio*, *nasum simul intus & in cute fœdum*. Cretata ambitio *Persei* hæc est, ait *Peticastes* & larva nasi, de quo dici potest illud Poëtæ *Venusini* in *Epod.*

*Manat humida creta colorque
Stercore fucatus.*

Tentabat interiora *Satyrus*. Ha! ha! clamabat. Nasi paries intus & extus incrustatus, extus tectorio albo, intus nigro. Hic nasus pertinet ad *Costam* anum se fucantem, quæ facie pulchritudinem mentiri, naso galanteriam, ut vocat, præferre gessit. Illa *Morio* ait, sibi fucum facit, non faciet *Parcis*, quas istâ larvâ non deludet. Ostendit se esse terram & pulverem in quem brevi stolidi resolvetur. Hæc jure potest dicere cum *Flacco* *pulvis & umbra sumus*. incidit hic mihi cujusdam *Seplasiæ* fraus, qui pulveri sternutatorio ad augendum pondus nunc cretam, nunc cariosum pulverem ex antiquis


26 RAPTUS ECSTATICI

arboribus erosis collectum adjicit. Isto fortassis nares suffarcivit vetula, nam sentina refert mixturam.

Non inficetè judicas *Morosophæ*, ait *Apollo*, sed fodes *Mercuri*, quis iste in sportula nasus candidus, politus ac tersus, cui coruscus auro fulget apex? Novitas omnium eò convertebat oculos, & nemo non mirabatur hætenus non visum nasi splendorem. Ita me musæ amant, ait *Peticastes*, lepida hæc nasi est species. *Hætenus in sordibus*, inquit Cicero, *veniamus ad splendida*. Antiquitas quidem affinxit *Pythagoræ* ut & *Herculi* femur aureum, *Auroræ* capillos aureos, *Æsculapio* barbam auream, imò & cujusdam è Silesia pueri ori astus humanus priori seculo inseruit dentem aureum, qui tamen non nisi tenui auri lamellâ affabre tectus naturæ simulabat prodigium, verùm nullibi monumenta veterum produnt nasum aureum. Filiis Mahometanis, dum sponsæ sunt, digitorum inaurantur ungues, & Indiæ domicellis quoque dentes, sed unde huic naso aurea fulget cuspis? Permittes Augustissimè *Apollo*, ut satyrus ex narium fodinis hanc auri evacuet balucam. Placebat omnibus eruditus Poëtæ discursus, qui pari aviditate quid intus lateret, videre anhelabant, grande operæ pretium, atque cum Poëtarum principe in obsoleti *Ennii* lectione occupatissimo *aurum ex stercore* colligere sperantes. *Morio* fixis oculis quasi stupens herculè ait hic nasus fulget.

In fimo malè scintillans scarabæus equino.


Emun-



Plautus.

Juvenal.

I -



117

Erungite, strophiiis excipite. Fortè tantum
lucri inde resultabit, ut hodie Baccho *ludum*,
jocum, *festivitatem*, *serias*, *pompam*, *penum*,
potationes, *saturitatem*, *gaudium* faciamus. Ca-
vete ne quid maneat altâ hâre repôstum. Satyri
spe lucri tripudiantes prò ut excutiant! sed Plautus.
quid? speciem pulveris tabacini subviridiuscu-
li atomis aureis eleganter radiantis. *Peticastes*
subridens ait: *hic aliquid plus quam satis est*. Na-
sus pulcher, sed non sine fœce. Nares auriferæ
plus suppeditantes auri

Quàm Tagus & rutilâ voluit Pactolus arenâ. Juvenal.

Mysterium non capiebant omnes. *Rhinocritus*
itaque sic incipiebat fari: Quid non lucelli ex-
cogitat cupiditas? quò insana pergit nasi ore-
xis? jam tandem & nasos aureos videt hæc æ-
tas. Vænit hodie in Anglia & Batavia pulvis
nasalis sub titulo: *The True Golden snuff sive*
snoff. & sub sigillo & ectypo Elephantis cum
epigraphe: *Floribus & herbis inest dignissima*
virtus. Nempe propolæ hi emptoribus optarent
proboscidem, quo pulveris tabacini modios ca-
perent. Ô grandem stoliditatem!

Quis furor est, etiâ pretio duplicare Mephitim?

Humilem nasi fœcem aureo fucò velare, &
pulveri tabaci abjectissimi, imò potiùs *omnium*
florum, id est, stercoreis vaccini mense Majo
in boum pascuis collecti & exsiccati (quod in-
dicat signatura) miscere foliatis auri seu po-
tius orichalci atomos, quibus nares resplen-
deant

28 RAPTUS ECSTATICI

deant iis, qui recenti artificio vetustæ formæ novam quærunt elegantiam, nova species dementiæ est. Ô lucri odor & auri color, quàm multas habetis illecebras! Dixerat *Rhinocritus*. *Apollo* ipse novitate attonitus sciscitabatur, num novissent, ad quem hic nasus spectaret. *Mercurius* reponit, nasus *Calospudiae* est virginis Batavæ nam &

Incipiunt matres naribus esse mares.

Quæ ut instar *Harmoniae* apud *Martianum Capellam* capite aureis undique bracteis compto superbientis, inter cœteras sui statûs effulgeat, aureis scintillis implere nares & nasi inaurare apicem consuevit. Cujus exemplum hodie non paucae inter Anglas & Batavas sequuntur. *Non est hæc fabula tantum.* Illa satyro nasum tam comptulum secanti illud fere Horatianum lacrymando ingeminabat.

*Nasum finibus
Reddas incolumem precor,
Et serves vultus dimidium mei.*

Enterpe frequentius sueta exhilarare jocis agebat. Talis nasus est *Tithoniae* conjugis croceum linquentis cubile, & per purpureas fores mane prospectantis. Nares hæ aurigine tinctæ Galbuli conspectum exigunt. *Terpsichore* famellæ miseratione tacta rogabat *Apollinem*, ut nasus inauratus *Mercurii* committeretur custodiæ, quod suæ faciei illæsus restituatur. Apage
na-

nasum longè stolidissimum ait *Apollo*. Cœteros ocijus expedite.

Satyrus mox extrahebat nasum immanè fætidum, quasi è cloaca emergentem. Næ, ait, ille est *Struntocerpi* foucarii. Hinc igitur abfit, respondet *Dietetus*, nam iis, qui in latrinis versantur, debetur privilegium nares pulvere tabacino opplendi, ne expirans Mephitis misellis animam extorqueat. Sequebatur hunc proximè nasus *Dianli* Vespillonis. *Nobile par fratrum*. Et ille inquit *Dietetus* exemptione gaudeat, in antra enim fætidissima cadaveribus plena descendentes pestilentem sæpe auram inspirare coguntur, contra quam tabaco se munire fas esto. Quod edè magis illis favemus quod hoc genus hominum cum mortuorum exuviis medicorum errores unà soleat contumulare.

Par hoc nasorum putidissimorum quasi è vestigio premebat nasus tuberosissimus. Percunctatur *Apollo*, cujus professionis esset istius possessor; nihil enim huic deficere, nisi in apice oculum, ita videri esse hominis perfectè lyncei. Rem acu tangis Numen Parnassii ait *Mercurius*. Est *Grannazii Copriani* polypragmonis ex *Ambubajarum* Collegio qui egregius cluit Nugi- & Pœtivendus, ut & ano- & nasocurus. Quem *Patinus* descripsit *Fourbissimum animal faciens bene partes & lucrans mirabiliter*. Ex herba *Ulmariæ* passim ubique crescente conficit nasales pulveres, quos ex planta in campis Elysiis nata compositos jactitat. Utrique in urbe amplissima sexui præstat operam in ejiciendis inferiori gutturi everriculis (clysteres vocant) unde non raro ex occidente halitus
mi-

30 RAPTUS ECSTATICI

minùs gratos, & siquid aliquando non rarò comitatur graveolentius, in faciem excipere miser cogitur. Prophylacticon ergo ait *Dietetus*, ex nulla pixide illi paratius erit, quàm ex tabacaria, & hinc æquissima usûs causa. Hic igitur, ait *Apollo*, pari passu cum foricarii & Vespillonis nasus ambulet. Nam opere, *ex istoc spurcatur nasum odore ineluibili*. Aliùm satyri producant.

Plaut. in
Menz-
chm.

Mart 1. 6. Jam erat in promptu nasus non aliter fætens
Epigt. 93. ac *Fullonis avari testa vetus*. Morio crispato naso inquit: hic Dea habitat *Cloacina*. Lustremus, & hospitem videbimus. *Naripandi* est Pætopolæ, qui præ aliis castigari meretur, quòd innumeris artibus & Mangoniis fucatum tabaci pulverem, & quidem cuique, ut lubet, modo tenuem, modò in granulis crassiozem, modò bene olentem, modò fætidum obtrudat, sicque omnes naso balatro suspendat. Satyrus nares ruminans non semel nasum pulsat resonante talitro. En hìc, ait, duas tabaci ferini inexplébiles voragines. Phui! ut fætent commotæ cloacæ; pejus sanè, quàm nobis satyris aut hirco cauda. Excedat, faceßat, abeat, exclamat Morio, hæc *ollapodrigo* olla putrida putidaque.

Nase- flu-
bet Chi-
quenaude
sur le nez.

Pulveris excussi subtilissimus halitus *Rhinocriti* nasum ita feriebat, ut in crebras lternutationes erumperet, quibus Musæ omnes solenne illud: *Salus*, acclamabant. Movebatur ergo quæstio: Quare istè apprecandi mos obtineret. Respondebat *Dietetus* Michaëlis *de Montagne* scriptoris galli verbis: Tres dantur in homine species flatuum. Ille qui exit per guttur infe-

rine.

rius, & fætidus putidusque est. Ille qui exit per os & exprobrat gulositatem, ille denique qui sternuendo è naribus exploditur. Hic è capite oritur & est absque vituperio. Ergo illi soli præstatur honor & reverentia. Ridebant omnes subtilitatem Aristotelicam.

Paulatim, subjicit *Apollo*, à fœculentis spectaculis nauseamus. Saltem nunc aliquem gratioris odoris protrahite, ne tenerrimis filiabus nostris *Pieridibus* ex putore animus deficiat. Jube igitur *Mercuri*, ait satyrus, quem nunc in medium producam. At hic: Omnes ejusdem turfuris sunt. Non optimus erit qui primus. Sit penes te electio. Satyrus sportulam concutiens, & susque deque nasos emovens pluribus insigne dabat Euhymoma. Tandem extrahit nasum ævi, ni fallor, antiquissimi, qualem *Diogenes* gessit aut *Cleanthes*. Videbatur enim quasi alpersa rubigo venerabilis ævi. Sylva pilorum canescentium & pendens ex naribus stiria silicernii esse satis indicabant. Dii! Clamabat *Morio*, quales nasi ex sportula veluti ex Equo Trojano egrediuntur? Edepol hic antiqui stoici nasus est. *Detriovit multa vetustas*. En verum nasi sceleton, procul dubio recissum ex facie, quam si inspicias, videbitur

Aratro

Procissa, inque cavas jam velle debiscere valles.

Prò quàm graciles alæ! quàm acutus apex!
quàm horridus in nare pilus! quàm buxea &
strigosa cutis! macra necesse sit radix, cui tam
arescens truncus succrevit. Nil nisi *pellis* & *ossa* Plautus,

32 RAPTUS ECSTATICI

ossa miserâ macritudine. Placuit omnibus *Morosophi* non inficeta parenthesis. Nasus iste, ait *Dietetus*, cum sit senex, procul dubio redolebit Sapientiam, nam & hæc cana esse consuevit. Vos apparitores explore: Vah stupor! quis exspectâset ex pumice flumina tanta?

*Fæces mox viscusque fluens, & fascia longum
Dependens, madidumque gelu.*

Et (nares claudite) immanis foetor ex colluvie scorbutica emanant. *Nasi hirsutis cubat hircus in alis.*

Non pigra Mæoris, lamarinaque & ima pro-
fundi.

Tetrius exhalant ejectamenta Pelori.

Nasus filicernii verè infans & multo mucidus imbri intoleranda mephiti omnem Parnassum inficiebat. Delicioribus musis jam instabat Syncope. Ipse *Morio*, me perturbatio, ait, sicut avem circuitus facientem præ vertigine jubet abire, vacillo pedibus totumque cælum gyra-
tur. Hic narium hircus vel *filices* mactet & *Indos*. Apage ocyus hunc foetorem, clamat *Apollo*. Foras nasum. Exspectabamus lulum, & omnes fere intolerabili foetore occidimur. Ocyus, ocyus crudelem nasorum pestem remove. Satyrus nasum vibrissis apprehendens confestim extra conclave projiciebat. Nisi quilibet admotis manibus clypeum naribus opposuisset, & *Thalia* haustu *Hippocrenis* recreata fuisset, certè lypothimias non effugissent.

Hem

Hem ut nunc paulatim respiro elatâ hac peste, ait *Morio*, & nunc nescio quàm gratus odor vicissim naribus afflatur meis. Eduxerat Satyrus nasum pulverem egregiè odoriferum spirantem. Mirabantur omnes inexpectatam odoris mutationem, cupientes rescire, cujus esset. *Adonasi* est, reponit *Mercurius*, *Cyparissi* ex gente *Nepotuli* & *Sponsi Penelopes*, qui pærum exquisitè odorum nunquam non secum gellat in sacculo (nam hic jam loco pixidis passim novi moris est. Olim non sic in nasus, non sic in faccis) subditque naribus, quando *Phyllidem* aut *Calistam* salutaturus accedit. Approximat *Morio*, & nares contrahens tantam, ait, vim balsami spirat hic nasus, quantum non redolent duo funera. Sed dic sodes, cui hoc fini? Curiosæ, inquit *Dietetus*, sunt puellæ, ut explorent eximii suffitus scaturiginem, quare non raro in illius currunt odorem *Adonasi* intendit illarum delectare nares, quarum aures ineptioribus verbis non satis permulsi.

Non illa ratio est, reponit *Morio*. Nasus hic sinus est, qui plerumque est Cimex. Hunc igitur condit balsamo. Ne ut vates canit,

Manum puella suavio oppenat suo.

Audite ut de tali naso cantillet Anonymus Gallus.

*Un nez, le fleau de tous les nez
Ecrasé, creux à la racine
Par une Camarde narine
Soufite un parsum d'œufs surannez.*

C

Quod

34 RAPTUS ECSTATICI

Quod me quidem promptiùs Latino versu reddet *Peticastes*. Hic unguis non nihil præmonens sic ex tempore:

*Depressus planâ nasus radice flagellat
Nasos cur! Ovi putentis spirat odorem.*

Eleganter quidem vos ista ait *Apollo*. Nihilominus hic nasus cœteris jungatur fœtidissimis, Turpe namque est adolescentem bene olere.

Balde En-
com. *Quid potius cerebrum an nasus? Sapere an bene
olere?*

Torv.n.5. *Librum olere bene est: sapere ac sapuisse neces-
se est.*

Ita est ait *Dietetus*. Qui alienis repletur odoribus fœtet. Qui ex ulcere capræ exoticæ rupto expressam saniem, & peregrinæ felis odorem spirat, hirco pejùs olet. Verè *Martialis*:

Non bene olet, qui bene semper olet.

Jure igitur ad putidissimorum societatem damnatur.

Junxerat se proximè huic naso, solo utique casu, alius non minùs delicatus *Boccabella* mulieris Batavæ, noti in urbe nominis. Mirari licet hanc ita splendidas ac nitidas servare ædes. Plus quàm mundicies simplex illas habitat. Non est atomorum pulverulentorum hostis atrocior. Mensa & tota supellex omnipulvisculo est vacua. Si quis deprehenditur continuo variis everriculis in auras mittitur. Supel-

pellex stannea cupreaque argento auroque contra renitet. Abusum putaret maximum, si illam unquam necessario usui destinaret. Visui saltem servatur & illorum recreationi, qui talium spectaculo delectantur. Sed quis nitor in tabulis? quæ raritas & quod pretium est fictitium è China & remotis Indiis petitorum, quæ per anabathra quasi in Theatro surgunt, in quibus *Boccabella* quærit gloriolam? Sed quod magè mireris pavementum domûs nitore speculum refert quotidianis lævigatum frictionibus. Nemini intrare licet triclinium, nisi vel calceos ante januam mundet vel exuat instar *Muselmanorum* sua *Moschea* ingredientium. Vera dicit, interruptit *Morosophus*. Si quis ædes intrat, illa acclamat: *faites decroter vos Souliers Monsieur*. Amice abjice vel deterge calceamenta. Domus, quam intras, tota munda est.

Mercurius pergebat. Splendet focus. Caminum habet, sed absit in eo ignem struere, ne fuligo insertos porcellanos rhombos defœdet. Verbo Horatii: *Domus hæc nec purior ulla est*. L. I. Sat. In mundissima domo habitat, à qua sordities omnis ambitiosè est exempta. Unde ab ejus hoc naso dubio procul omnis quoque aberit fœditas.

Noli decipi, clamat Satyrus, & ante autopsiam iudicare. *Boccabella* tota curiosa, nitida, & munda in laribus. Puniat me *Pan*, nisi incuria, putida, & fœtida sit in naribus. En ut sordes Nicotianæ quam *Knafter* vocant, hærent in alveolis. Atræ loliginis pulvis ex naribus deciduus labia, mentum, & colliculos sororiantes infectat: an enim quid fluxum &

36 RAPTUS ECSTATICI

caducum magis quam pulvis nasalis. *Multa cadunt inter nasum supremæque labra.* Mecastor madido res digna cachinno est. *Diogenes* olim similis elegantiae domum intrans in hospitæ os sputa conjecit, dicens deponendis excrementis locum in tota domo non esse aptiorem. Si *Boccabella* plurimumque aliarum tecta hodie subiret idem Philosophus, nunquid naso inspuaret?

Sed excusetur bona fœmina, reponit *Dietetus*. Nulli rei magis studet quàm Novitati. Novi mores arrident. Tabacum preusat nasale non tam voluptatis quàm novi hodie moris gratiâ. Sic fert seculum. Quanta autem mulieres Batavæ præ nitore nasi domûs faciant elegantiam, hæc probat Historiola. Infans forte casu in cubiculo bene terso ac polito lapsus nasum humo allisum frangit. Mater plus turbata & consternata à macula ex infantis sanguine pavimento impressa, quàm plaga naso inflictâ, citiùs ac priùs laborat ex illo cruorem multis frictionibus detergere, quam huic sistendo applicare remedium. Hic Batavarum mos est, hæc voluptas, ut omni

Juvenalis. *Aspiciant sine labe domum vitioque carentem,*

ô ridiculam vanitatem, mundare limen, ne perfusa luto sit porticus, & in naso vultus vestibulo fœdissimas sordes datâ operâ congerere. Hujus commatis mulierculas meritò mulctâ dignas censemus.

Non judicarem, respondet *Peticastes*, si modò eâ dexteritate, quâ Hispanæ solent *Madríti-*

driti, tabaci pulverem naribus ingererent. Hæ in templis humi confidentes singulis fere momentis eundem naso insinuant tam dextrâ enchirefi, ut ne minimam quidem barbulæ lanuginem illi suffigant. Quæ manipulatio fæminis nostratibus nondum nota est, sed paulatim credo innotescet.

Crediderim ait *Morio*, si primum & aliud nasus suis decus addiderint, quò magis evadant perspicaces. Grandes in Hispania Dominæ in tricliniis vel templis morantes, aut etiam Comœdias spectantes ingentes nasus gestant perspicilliorum orbes, authoritatis & decoris gratia. Quos & nostrates *Al-Modiffas* nondum gestare non semel miratus sum. Si gallia morem reciperet, certè & Germaniæ simiolis statim foret acceptus.

Prolixior hic fuit discursus, ait *Apollo*, tempus paulatim monet, ut sordibus finem imponamus. Quid enim opus argumentis quid testimoniis, cum nasi omnes semetipsos satis condemnent? *Habent alaudæ omnes suam cristam, & nasi omnes suam sæcem.* Quare permitto, ut saltem adhuc pauci scrutinio subjiciantur. Quotquot tumultûs & accusationis sint complices, eâdem procul dubio farinâ erunt aspersi.

Nihilominus erunt singuli inspicendi ait *Rhinocritus*, ne fortè quis insons damnetur. Bene monuit *Juvenalis*:

Respice primum & scrutare viros.

Plures namque restant *Vervecum in patria crasseque*

38 RAPTUS ECSTATICI

foque sub aëre nati (Bœoticus aër omnes per-
meat regiones) quos priùs re ipsâ convincere,
quàm supplicio addicere oportet, ne major in
populo fervor ex-æstuet. Jube igitur Satyrum
pergere in officio.

Annuit *Apollo*. Et ecce tandem protrahitur
narus umbratilis Andabatæ Alcmariensis, qui
magno minatus hiatu in *Pica* autorem ensem
stringere, qui tamen nimium brevis, repertus
est. *Morio* vix eo viso variè gesticulans, ex-
clamat. Vah narum hiantem! quem

Juvenal.
Sat. 3. l. I.

In gremio matris formidat rusticus infans.

Mirabantur omnes nari magnitudinem ex capi-
te tantilli cerebri, ut *Melpomenam* invaderet cu-
riositas rescindi illius pondus. Suspenditur ju-
bente *Apolline* ad bilancem, & libræ dimidiæ,
& quod excedit, comperitur. Rem inter mi-
randa nari referendam dicit *Dietetus*, nisi pul-
vis in eo residuus pondus excellenter augeat.
Excutitur, lance examinatur, & plures reperiun-
tur unciae. Utinam inquit Satyrus, integrum
thraſonis caput hîc haberemus, prò quales in
eo crabronum & gryllorum nidos deprehende-
remus! Admodum herculè obesus est hic lon-
gurio, ait *Rhinocritus*, & dubioprocul appen-
dix cerebri non bene detœcati, in quo sedem
fixit fastuosa Autophilia. Jubebat *Apollo*, ut
virum ad omnium notitiam magis graphicè de-
scriberent. Hic est ait *Dietetus*, natus in *Pi-
cam nari* crispatus thraſonis Aristarchi, quieam
nil contineri scientifici solus enunciavit. Ille-
pidus hîc fungus pauci est judicii, paucis in-
genii

genii bonis dives, paucò honore gloriosus, paucà scientiâ sapiens, & tamen de Doctorum scriptis liberam ferre censuram præsumit. Plura non addo. Nasus virum sat prodit, mittatur ad reliquos, parem sortem subiturus.

Sequebatur hunc nasus alius, de quo sic verba faciebat *Mercurius*: spectavimus antea nasi sceleton, nunc cum contraria juxta se posita magis soleant dilucescere, in conspectum produco nasum felicioris saginæ. Crediderim esse *Marci crassi* viventis tantâ paropside cui *venter* qualem *bos ipse timeret* Quid tibi *Morosophæ* videtur? non dubitarem ait hunc magno illi *Westphalorum Duci Sarboldo*, si viveret, asserere. Erat enim si *Picardo* fides, verè carneus colossus, quem imprimis decuisset hic apex. *Forma Virum nasusque decet.* Sed hic propior est monstro quàm naso. Stupebant omnes nasi duritiem, & mirum dicebant, quod conus ille perpetuo tabaci affricu non deteratur. Non est periculum ait *Morio* Callum obduxit, *ne rostro verris cedit adulti*, quod licet continuo terram subigat, constans est, & *rostris quoque firmitus uncis.* Hæc patent. Quid intus sit feralis catharmatis, Satyri viderint. Excutitur protinus. Sed quis?

Terribiles visu formæ tabacumque caprosque.

Phui! gannit Satyrus. Nasus est obesi hospitis *Trimalcionis*, qui ad signum porci habitat. Ventris ille & nasi est mancipium, iners & ignavum,

Gracatur, potat, fetetque Trimalcio, fumat,
C 4 Fi.

40 RAPTUS ECSTATICI

Fimatque narium loculos identidem stercore tabacino. Nuper inquit *Morosophus* apud eum hospitabar, sed totâ nocte somni nescius, siquidem

Gazzus
in Pils
Hilar.

*Dormibat altum facilè tricenot pedes
Miraris? arctâ nare tam graves trabens
Retrahensque ronchos, omnis ut viciniae
Tecta tremebunda dicerent: furit Africanus.
Sit venia fandi.*

Delectabat omnes *Morosophi* hyperbole. Pergebat hic loqui, cernens alium nasum prioris focium, nasi potiùs rudem indigestamque molem.

Prò quæ ista Phariæ regionis nuncia?

Balde.

*Mus an equus, lupus an lepore, lepore an
lagopus?*

An nasus an suis rostrum? Dii me! Dii omnes! quàm fætens hoc spurcæ carnis frustum! *Toto Amsactum spirat ab antro.* Herculè vel Verpi est, vel Caci, vel Afri, Arabisve nigri. Vah cani projicite.

Noctes atque dies patet atri janua Ditis,

Et hujus quoque sqallidi antri. Inexplebilis Pæti vorago est. Absit, ait *Mercurius*, nasi carnificina Absit hominis reliquias cani dare, sed cujus sit inquire. Puto, inquit *Morosophus*, me ejus possessorem nōsse.

Est

Est Paulus Nasomon Petro Nasomone creatus.

Apud
Bald. l. a.
n. XV.

Nasus hic probè est

Unitus & illothus, lantusque & pinguis ut octo.

Culinam olet. Lixæ seu potiùs coqui pinguis est. Adipe oblito favillæ Turffatum & carbonum adhuc aspersæ hærent. Fortassis culinæ fumus hanc illi atredinem induxit, ut potius frustum laridi infumati quàm nasum præ se ferat. Non bene ille caminum suum purgavit. Angustior est quàm ut eum intrare potuerit *spesso camino*, nasipurgus. Hallucinaris, *Dietetus* ait, nigredo à tabaci fumo est, quem per os attractum naribus totâ die remittit, licet quoque transeunti ejusdem pulvere non minimum ponat obstaculum. En Augiæ stabulum, quis Hercules repurget? transeat ad cœteros atræ fuliginis nasos. Scrutinio non dignatus ad plures abibat.

Jubebat *Apollo* unicum adhuc nasum scrutinio subicere, atque sic finire. Jamenim omnes nauscabant à fœtore, & hora instabat urgens sententiam, quâ turba tumultuosa à limine Parnassi fugaretur. Agmen igitur claudebatur (cœteros namque fere innumeros tædebat inspicere) nasus finis repandusque asper & psoricus. *Rarum ac memorabile nasi exemplum.* Juvenalis. Næ ille inquit Satyrus noster confrater est facie, quid ni & moribus? talem speciem medici tribuunt illis, qui Elephantiasi laborant. Non putem ait *Dietetus* tali lue eum infestari.

42 RAPTUS ECSTATICI

Certum tamen est esse magnum Rhinocerotem, cui medicina audit Empyria *, cui viri docti sunt nil scientes †. Cui Pica nasi sordet vitiis profodiciis ‡. Remittatur ad cœteros nasus *Archipedantici*. Non, non, ait *Morio*, donetur meo lusui,

Scaron. *C'est grand nez digne d'un Camouflet,
Belle au poil de couleur d'Orange,
Machoire à recevoir soufflet,
Portrait de quelque Mauvais ange. **

Hic dictis accensâ chartâ fumos naribus insufflabat, quod Galli *Camouflet* dicunt. *Tu veux donc* ait *plaider contre les Scavans?* Sic igne & fumo purgandæ sunt nares, quibus cauda Satyri non sufficit. Ridebant omnes *Morionis* lusum, qui tamen nonnullis durior videbatur. Quibus *Dietetus*: Nasus hic est *Torpei* Pyrgopolynicis, cui quidem, quod de *Apollinis* alite dicebat vulpecula, pluma mollis & caput argutum est, sed rostrum durum. Hic *Picam* nasi eo ipso calamo, quo verborum prius, imò & laudum illecebris demulsit, mox sauciavit. Instar scorpionis visus est paululum ludere, tandem ferit caudâ obliquâ. Excerptis *Picam* præferens amicum, aspersit sub finem calumnias stylo inimico juxta dictum polyhistoris politici: *Pessimum inimicorum genus laudantes.* Fortassis

* Quakzalvery.

† Weernieten.

‡ Poëzy fouten.

• Calumniator.

tassis solum se credit *Phæbi* delictum & *Minnervæ* amorem, quem propriis manibus effinxit *Titan*, ut cœteri ipsi videantur spurii. Amici literis non semel sarcasmi causam rogatus subtrixit, unde nunc merito *Satyris* & *Morioni* factus est ludibrium. Responsum ad suas nugas infra pluribus à *Peticaste* habebit. Credat *Pica nasi* autorem & de se dicere posse illud Poëtæ:

*Et mihi sunt hastæ, mihi sunt quoque scuta
rotunda.*

Sed parcat hac saltem ultione contentus quod nunc risui in Parnasso exponatur.

Hoc habet Satyræ ludibundis victima.

Plura volentem dicere interpellabat ruffis à fumo accensæ chartæ densâ nube per totum conclave volitante excitata. Recreabat omnes hanc cum naso *Torpei* (per anagramma *Protei*) Comædia, cui jam finem facturus *Apollo* in hæc verba erumpebat. Satis lusum est. Satis spectata sordities. Sat fœtoris toleratum. Manum de nasus. Quis enim reliqua Cerdonum, fullonum, vetularum, lixarum, calorumque plûs quàm charonia nasorum antra tam patiens sit ut investiget?

Uterius spectare piget, quia tædia crescunt.

Actutum vos Satyri. nasos teterrimos & putidissimos extra atrum Parnassi deponite. Applica-

44 RAPTUS ECSTATICI

plicabant hi jam manum operi, & ecce nifu audaciori ultro in medium se ingerebat nasus imaginariâ authoritate suffenus, quasi poscens sui examen. Nasus hic ait *Mercurius est Don Jani ab Aquapendente*, medici æstimatione propriâ prò quanti! hic dum curæ suæ commissos nasi servitute liberare deberet, ipsummet se fecit ejus mancipium, eò majori cum dedecore. Cùm turpe sit Doctori si culpa redarguat ipsum. Semper naribus ejus stilla dependet, ut ab illa nomen videatur derivâsse. Aptè refert, inquit *Morio*, nasus hic saxea illa culinarum aquaria, quæ semper aquam & sordes stillant. Dominus hic de *Aqua*- seu potius *Vino pendente*, Etsi apud suos cives magni nominis medicus, in sanguinis missione & cacatione potissima artis suæ ponit mysteria, ut phlebotomo & ani siphone ipsi ablatis in morborum debellatione planè sit inermis futurus. Ad propriam igitur methodum hîc erit tractandus. Donabo ego ejus naso pro defæcatione magistrale clysterium. Ad manus namque est *Rhinenchytum* perelegans *Parisiis* paratum, quo omnes eluam fœculentias, dein Lancetâ ita dexterè ejus feriam nasales arterias, ut impolterum hellevatorismo non indigeat. Hoc pacto & novâ hac arte clysmaticâ Doctorem cluam expertissimus, modo mihi ab universitate aliqua conferatur Bulla publicè ostentanda. Hæc enim magnam Doctorculorum nominalium, qui hodie velocius quàm asparagi elixantur & citiùs quàm fungi nascuntur, partem constituit. Juxta illud Hippocratis: *Multi quidem nomine medici, re autem pauci.*

Verè tu ista & non sine bile regerit *Apollo*.
Pi.

Syringa
nasalis.

Pileus Doctoralis non rarò ornat fratres ignorantia. Sed cùm tempus non sit cum illa Vespertilionum turba, quæ in *Æsculapii* templo circumvolat, velitari, nasum idiotæ mittimus, qui in frequenti per fumos exspuitione & emunctione narium quærit morborum Prophylacticon: Sanior vel ipsis gentilibus Persis mens erat, qui referente *Xenophonte* turpe intemperantiæ argumentum habebant, sæpe spuere & nares emungere, quod tamen hodie pro sanitatis studio habent qui nicotianæ fumo, masticatione, & pulvere nares & fauces continuò provocant ad congestas impuritates excernendas, quæ non cumlarentur, si vitam magis frugalem & minùs desidiosam agerent. Natura equidem commodis nostris satis intenta alibi quàm in facie aptis emissariis nos instruxit ad excrementa tum crassa tum tenuia egerenda, sed nos organa odoratùs & gustùs ad foeda ministeria traduximus. Contra hujusmodi Hippocratis præceptum vel à Principibus frequentissime hodie peccatur, archiattrorum suorum exemplo deceptis, ut non rarò hanc ob causam à sanitatis statu facilè decident. ut summo jure conqueritur Excell. noster *Ramazzinus*.

In Pzd.
Cyr. l. 1.

L. d.
Princ. Val.
tuenda
c. 6.

Audiverant omnes *Apollinis* lectionem quasi Professoralem magnâ attentione, quam tamen interrompebat palatium ingrediens Satyrus, Simiam adducens. Hæc, ait *Morosophus*, est illius Nicotianæ propolæ theatralis, mimia pararia, quâ popellum ad merces tabacarias cœmendas allicit. Exhibuit hujus ectypon *Picae nasi* frontispicium. igitur & viva, quia herum suum,

fuam huc comitata, nostris est sistenda oculis,
ut pateat,

Simia quàm similis nequissima bestia nobis.

En ut pedibus, dicamne manibus, gestet non inficetam *tabatierculam*, ex qua vix interpolatim miras inter gesticulationes deformi naso exigit pulverem tabacinum. Stupebant omnes lepidissimi bruti docilem solertiam, habitu ita confirmatam, ut pixidunculæ jam apertione, jam occlusione, jam pulveris ad nares intrusionem magistro suo non cederet.

Quis jam dubitet, afferchat *Dietetus*, sensum & quandam rationem inesse bestiis, neque ea mera esse automata. quamvis vana sit nonnullorum Indiæ Orientalis populorum opinio, existimantium simias & cercopithecus, qui apud eos in magno sunt numero, intellectu valere, atque etiam loqui posse, sed nolle, ne ab Hispanis occupentur & ad laborem operasque adigantur. Quod hæc simia heri sui, quem toties totiesque tabaci pulvere naso litare vider, imitatione idem agat, an merus sit mechanismus à nasi organica dispositione dependens, moderni viderint Philosophi.

Conf. le
Grand de
Sens. &
Cogn.
Brut. p. 49.

Mulierculæ nostræ tamen, reponit *Morosophus*, verè hodie sunt rationales simiolæ maritos ore & naso imitantes, non sunt dentibus & ore & ventre contentæ ad saginam. Naribus quoque gulosæ sunt. Ô fatuam necessitatem! Fæmina, nisi Deus ipse vultum illi formâset, pridem invenisset methodum mutandæ eum in aliam formam. Testes tot fuci & artificia-

ficiales maculæ, quibus faciem distinguit. Tandem deventum est ad nasum. Quem atro, flavo variique coloris & fœtoris pulvere deturpat. Nonnullæ, si possent brutorum induerent naturam, unde non ineptè Eruditus Gallus fæminas novis moribus studentes appellat de *Bêtes masquées, des animaux humanisez, les monstres à la mode*: personatas bestias, animalia humanitate induta, novi modi monstra.

Sufficit iste hoc super bruto commentarius, concludit *Apollo*. Apage foras insulsam bestiam; & vos Satyri nasos reliquos. Vos verè Assessores æquam depromite sententiam ex juris & justitiæ scriniis. Ad quam dum vos præparatis, Musæ interim melos accinant.

Cântandum, res vera agitur. Cantate puellæ. Juvén.
Sat. 4.
l. 1.

Vix dixerat *Apollo*, Satyri nasos parvos, magnos, viles, nobiles, viriles, fæmineos congere, susque deque in sportulas, ut fors casusque ferebat, rejicere, & extra limina palatii deportare, *Terp-Sychore* autem & *Urania* tensis fidibus sic acciungere:

Nasos canamus. Deditum

Pato genus recede.

Abhorret istam corporis

Mens alta vilitatem.

Praeteris cûi nasus est

Sat indolis domatæ,

Non huic tyrannidi subest.

Istud jugum recusat.

Dic cui repletus nasus est,

Quas

*Quas ille captat auras?
 Qui turget totus facibus,
 Quas ille sentit auras?
 Qui non habet spiraculum,
 Quas ille spirat auras?
 Prudens potest ne d cere
 Quas ille ducit auras?*

Hic musæ pauco tempore pausam faciebant. *Morosophus* jam cantûs finem ratus *Cytharam* tangens ex tempore sic cantillabat :

*Purgatæ sunt nares Rebetite lares
 Vos Bertæ, vos mares,
 Tam sorte equali.
 Et nasos obesos, jam tandem pertæsos,
 Servate illæsos
 à pulvere tali.
 Purgavimus gratis. Pro cura nil datis,
 Si mox emendatis
 Nasorum facinus.
 Si necdum tacetis, & novas movetis
 Querelas, debetis
 Ludibrium grandius.*

*Plaudite vos Satyri, Satyræque applaudite nasos,
 Lusibus hæc esto tota sacrata dies.*

Non sic ait *Rhinocritus*. Sat lusum est. Veritatis inquisitioni, num ab Autore *Pica nasi* jactitata noxa insit tabaco nasalî, quod de præsentî luce restat, destinandum est. Rogamus te magne præses *Apollo*, ut priusquam sententiam feramus & *Nicotianæ* nasalî nigrum theta

ponamus, aliqua dubia inter nos ventilare liceat. Objectiones namque habeo, quibus velim prius satisfieri.

Placet, inquit *Apollo*, ut omni conatu veritatem pervestigetis, ne nasis fiat injuria. Quos quidem factâ nunc inspectione de Nicotianæ abusu & intrinseca fœditate sat convictos vidimus, necdum tamen idcirco reos, nisi vos pluribus ejusdem noxam edoceatis.

Rhinocritus profundâ reverentiâ acceptans loquendi licentiam, video, inquit, & animadverto Assessores & Confratres optimi sub isto nasorum examine nil vobis magis displicuisse, quàm tetrum nasorum fœtorem, & istas quasi

Ex ipso sumptas Phlegetontide sordes.

Quas propterea tam emphaticâ paraphrasi & *Dietetus* & *Morosophus* exaggerârunt. Quasi verò prætensâ hæc noxa præcaveri, & grato infectus odore Nicotianæ pulvis in usum vocari nequeat. Cùm vobis ignotum non sit, eò jam maximè & dudum præsertim in Galliis collimâsse artem seplasiariam, quò ista narium mephitis præpediatur. Ortum enim hinc suum sumpserunt *le tabac de millefleurs*, *tabac de cèdro* ou *Bergamotte*, *tabac de Noroly*, *tabac de Pongibon*, *tabac Musqué*, *tabac à la pointe d'Espagne*, *tabac ambré*, *tabac en odeur de Rome*, *tabac en odeur de Malthe*; & quis omnes fortes enumeret? nempe *varie queruntur artes rei faciendæ*. Saltem nasi, qui hisce utuntur ab omni fœtore & noxâ erunt liberi, adeoque à pœna absolvendi.

D

Cui

Cui *Dietetus*. Diverſa & varia ſunt fateor naſorum irritamina. Odorifera tamen iſta tabaci genera a delicatioribus uſurpata ſuffitus non corrigit, ſed eorum noxam potiùs auget, ut in *Pica naſi* author oſtendit, demonſtrans ſummè odorifera tollere odoratum. Ut tabacophili mihi videantur ſe gentium ſimulacris ſimiles reddere, de quibus Vates Regius: *Nares habent & non odorabunt*, ut alias noxas fuſiùs ibi deductas taceam. Mulierculæ, quæ iſtis pulveribus deliciantur, cum inſipientibus apud Sap. 2. v. 2. Sapientem dicere poſſunt: *Fumus, ſtatus eſt in naribus noſtris*. Enumerâſti varii nominis & odoris tabacarios pulveres, ſed hi apud noſtrates rarioris ſunt uſûs, & potiùs paſſim arrident *tabac en odeur de Bouc*, *tabac en odeur d’Lorine*, quæ virgineis etiam conſecrantur naribus. Ô noxiam vanitatem!

Objicit *Rhinocritus*. Subſannavit *Pica naſi* autor Dorontam, quod tabaci Hiſpanici continuo affriçtu flavum quaſi barbulæ lanuginem naſo ſuffigeret, & ſe tacitè deridendam omnibus propinaret. Sed nunquid hodie ſingulari ornamento hæc eſſe poterit, ſi ex pulviſculo aureo, qualem ex *Caloſpudiæ* naribus excuſſum vidimus, componatur? Si aureis atomis nares fulgurent, & apex naſi pretioſo metallo coruſcet

Ridiculus me herculè hic prætextus eſt, reſpondet, *Dietetus*, cui jocoſeritè ſatisfaciendûm. Rem acu non tetigit, quiſquis iſtius tabaci aurei inventor & propola eſt.

Juv. Sat.
14. l. 5.
n. 265.

Perditus ac vilis tabaci mercator olentis.

Lu-

IN MONTEM PARNASSUM. 51

Luna, id est argentum à Chymico-Medicis
dicatum est cerebro. Nunquid ergo major ex
hoc quàm auro in illud virtutum foret irradia-
tio? Nunquid *concisum* argentum *in partes fa-* id. l. i.
ciesque minutas, naso foret convenientius, n. 290.
cùm genis aut naturâ aut fucò rubicundulis de-
centior esset nasus deargenteatus? Arrideat
sibi ipsi *Doronta* aut *Calospydia* naribus inaura-
tis, digna tamen manet prædicato Sapientis:
Circulus aureus in naribus suis mulier pulchra Proverb.
& fatua. Utinam illis aliisque applicari non c. 11. v.
possent Francisci *Balduccæ*, quem *Pindarum* 22.
Italicum & *Horatium* Panormitanum appellat
Doctissimus *Velschins* Eruditi versus: *Tum di-*
xi, ut aurum nare gerat Phryne in circulis,
quo depereuntium infausta se turba perdat,
fausta tamen cupiat videri. Quota hodie non
amat

*Facie florere venustâ,
Purpureisque genis.*

Quibus malâ mixtura sociant nares atratas,
flavatas, imò vel auratas? videas etiam

Imbelles veluti pupas & eburnea monstra.

Quæ illud inter nares supremaque labra spacio-
lum (philtrum vocant) tabacinis pulvisculis
distinguunt, philtrum id fortassis putantes quo
Gynæcandrum quendam alliciant. Ô consuetu-
dinem dignam confodi mille Satyris!

Hercule materiam præbet causasque jocorum Ad Imis.
omnibus hic sexus, si nasus foedus, & ipsum Juvenal.

sordidulum flavet pœti lanugine labrum nil habet incautus tabaci usus durius in se, quàm quodd ridiculas faciat.

Amici, interloquitur *Peticastes*, quid longos teximus discursus de istis barbatulis? quin eas remittimus in Cyprum ad simulacrum barbatae Veneris, ut habitu, ore, & naso virili illi sacrificent. Verba & operam perdimus. Etiam si argumentis vel ingesto in nares probro convictae fuerint, tandem illius avari vocem emittent. *Populus me sibilat, ast mihi plaudo ipsa domi. Doronta Boccabella & Calospudia* suas basiabunt & rebasiabunt pixides. Basient, & tandem desistant Calendis græcis, quid moramur? utiliora prosequamur.

Neutiquam sanè ait *Dietetus* in sexu fæmineo toleranda est tanta fæditas. *Jam didicit fœtere, pudor! patoque marinos fœmina cruda mares vitiisque virilibus æquat.* Pulverulenta isthæc nasi voluptas vultuosæ in stoico aut Palladis armifonæ filio torvitatis insigne sit, non istarum, quæ se reputant humani generis delicias. Et nunquid merito exæstuat & flava bilis & atra, quod etiam passim inter Virgines, quæ se nomine *Devotas* profitentur, & ore ac habitu modestiam & famam sanctitatis affectant, hodie reperiatis naso lascivientes *tabatiercularum* promas condas? causam ignoras? etiam hæ *Galantes*, vel ut *Varro* habet, *Gallantes* audiri volunt. Nam & inter illas Virgunculæ sunt suavissimæ & in conversationibus prò quàm jucundæ!

Nulla Venus, multæ veneres & gratia multa.

Etiam

IN MONTEM PARNASSUM. 53

Etiā *Piæ in naso Harpyæ*. Hæ suis curionibus seu conscientiarum directoribus ad captandam benevolentiam frequenter nasales pulvisculos singulari manu & oculorum gratia & saliente animo offerunt, & ab his vicissim non sine gelasino recipiunt: *Tanta est dulcedo placendi*. Crede Autoptæ. O Curionum & Devotorum nasi! vobis certè si aliis aliquando morte instanter opus erit sacro unguine, ut vobis Deus remittat, quidquid peccavistis per odoratum.

ô Curvas animas & vel Cœlestium inanes!

Discursum hunc moralem potius quàm physicum his dictis rescindebat *Apol'o*. Vidimus obesi *Trimalcionis* nasum, & *Maraconæ* nasi skeleton, judicium vestrum expectamus, an macilentis an vero pinguibus magis profit tabacum nasale? *Dietetus* hæc decidere sui fori judicans reponit. Verum est, sumunt hodie tabacum strigosè macilenti, sumunt porcine pingues. *Albumacer Maracona* horribilis macer est. Arescit corpus totum jam exsuccum. Tussit, spuit, exscreat, & tamen nullas naso concedit inducias. Tremulis vix ossibus hæret, & tamen mediante tabaco cum *Hygiææ* sperat redire in gratiam. O stolidum caput! in tabe pulmonali tabaco sternutatorio nil nocentius. Fugite hanc pestem,

Cui putri fixa in pulmone teredo est.

Sequimini monitum *Buchanani Magni Mero* non *Pæto*bibuli; canentis:

*A tabaco Cohibete manus, os claudite, nares
à peste tetra occludite.*

Etiam in tabe dorsali extremam adfert perniciem. Audite testimonium magni Batavorum
Exerc. pr. P. 36. *Æsculapii Friderici Deckeri: Nil perniciosius
tabaco sternutatorio vel in tabe confecta vel fieri, imprimis si ex defluxione in medullam spinalem, ut magnus senex L. de Glandulis textu
10 memoriae reliquit, labes illa sit producta. Hac enim viâ nonnisi catharri plures imò nunquam graviores excitarentur corpusque illorum jam arescens aridius adhuc totumque exsiccum redderetur. Quod obesos plethoricosque attinet, ejusdem celeberrimi Viri judicio merito acquiescendum est, cujus propria verba ex Exercitationum Practicarum Volumine, quod nunc ad manus est, publicè prælegam. Nil minus tolerare possunt carnosiori corpore onusti homines, quàm ptarmica, quod vehementer illorum corpora hisce concutiuntur, facileque inde respiratio carnosiorum difficilior redditur, & hæmopthe inde sequitur, quæ nisi venæ sectione & opiatīs statim & subito curetur, incurabilem imò lethalem ipsam judicato. Pluribus observationibus dicta comprobare possem, sed tantum rem verbo, non verbis aperio.*

Bene judicavit Vir præstantissimus, ait Apollo. Merito igitur castigandi sunt aptius tam Trimalcionis, quàm Albumacri petulantes nasi. Quid verò, edic Dietete medici sentiant de pulveris sternutatorii usu in oculorum affectibus. Plurimi enim hodie cum vulgo credant lite-

literati, quibus ad lucernam faciendæ sunt elucubrationes, visum à tabaco veluti cote acui, & catharros hebetudinis & cœcitatæ causas ab oculis diverti. Pessimum *Dietetes* refert, hoc præjudicium est, quod etiam viros aliàs Sapientes traxit in perniciem. Apud prælaudatum Lugdunensem in Batavis professorem nonnulla hinc indoctæ Cœcitatæ recensentur exempla. Cavere igitur jubet, quibus debiliior est visus, & diu noctuque incumbit labor legendi, scribendi, aut minutissima quæque accuratè videndi. Ex talibus quempiam levi tantum usurpate sternutatorio bis terve intra horam assumpto planè esse glaucum redditum, ut nec legere nec accurata videre potuerit, idem testatur adjecto épiphonemate: *Felices aliorum periculo qui cauti.* Cum viro hoc Experientissimo Præcipui quoque ex antiquioribus Practicis *Joubertus*, *Sennertus*, *Heurnius*, *Hildanus* consentiunt, qui observationibus & exemplis confirmant, in imbecillitate oculorum pulveres nasales summè esse noxios, utpote quam humoribus in fluorem concitis ad eos deturbatis augent. Facit experientia mecum.

Quod juvat exiguum est, plus est quod lœdit amantes

Nicotiana tuos.

Sunt plures hodie ita stolidi, ut nares putent duos vitæ fontes, in quorum blenna strenuè exhaurienda longævitatæ versetur cardo, quasi verò hæc aut intra cerebrum aut sanguinis massam latuisset, & non à succo nutritio potius

per tabaci virulentiam corrupto producta fuisset.

Satisfecisti mihi *Dietete* ait *Apollo*, sed num aliæ etiam noxæ ex eo in cerebrum resultant, quod *Pica nasi* autor docere voluit. Magnæ utique respondet *Dietetus* Quod non tam meo quàm famigeratissimi Germanorum Hippocratis Michaëlis *Ettmulleri* testimonio comprobatum volo. Hic emphaticè monet, ejus abusu cerebrum contabescere & arescere, indeque functionibus animalibus, præsertim memoriæ valde obesse. Propter successivam enim Lymphæ exhaustionem tandem nutrimentum cerebri roridum colliquefacit, & sub forma feri evacuat nicotiana tam in fumis quàm pulveribus nasalibus excessivè usurpata. Ita Vir expertissimus. Inspiciantur tabaco-prophorum crania & cerebra. Et noxa impressa ad oculum patefcet. Quoniam verò solenni hac die in Parnasso demonstrationi Anatomicæ non est locus, suffecerit ex *Boneti sepulcreto* unum alterumve demortui tabacophili caput in medium producere, omniumque sistere conspectui, ut *Rhinocritus* alique contradicentes de tabaci nasalîs noxa ad oculum convincantur.

Credimus jam tibi ait *Apollo*. Aliâ occasio plus temporis suppeditabit ad ista inspiciendum. Nunc tandem indagine longiori missâ ad decisionem est progrediendum. Tu *Dietete*, qui ultimus desisti loqui, primus tuam profer sententiam. Non sic, interrumpit *Morosophus*. Etiam mea de Tabaci noxa alleganda est experientia. Pixîs tabacaria innumeros mihi similes, idest, stultos reddit, unde ingeniosissimus
scrip-

scriptor modernus in suo *Centifolio stultorum in quarto*, seu *extremè delirantium in folio*, non postremum locum concessit istis nasorum amanuensibus, qui totos dies in iis tabaco perfricandis occupantur. Horum enim nares sicuti repræsentant Cornua ista atra & fuliginosa, quibus in templis extinguuntur luminaria, ita eorum cerebra fumis ex pulvere tabaci obscurata ad rectæ rationis lumen adeo cœcutiunt, ut perspicere nesciant nil aliud *expicannasi* consequi, nisi cerebellum confusum, corrugatam frontem, lippientes oculos, aures surdas, nasos fætido fluore stillantes, collare defædatum, maculatam vestem, inquinatum strophium, & bursam numinis exinanitam. Novi enim, qui quotannis quinquaginta florenorum expensâ vix suo amicorumque nasus satisfaciunt. O Stolidos nasorum popas! dignos, qui cucullis bene nolis donati inter patres stultorum conscriptos primo loco sedeant.

Morosophi finitâ parenthesi ita loquebatur *Dietetus*: Quandoquidem sic jubes magne *Apollo*, breviter edisseram, quæ mea mens sit, & æquitati maxime consentaneum judicium. Nasorum Tabacoprophorum fæditas jamstat in aprico, eorumque contra *nasi picam* iniquè insurgentium injuriæ, nec non contra Parnasum ipsum & *Apollinis* Majestatem rebellio sole meridiano clarius dilucescunt. Edico igitur turbam istam tumultûs ream, nasus sic mutilatam in patriam & ad suos relegandam, nasos verò amputatos antiquo gentilium more bullo destinandos, eorumque collectos in urnam cineres ad Parnassi pedem tumulandos esse, impossi-

§8 RAPTUS ECSTATICI

posito ad perennem rei gestæ memoriam Cippo cum hac inscriptione.

Diis Manibus sacrum.
Sta, quicumque hac transis viator,
Et disce hominum sordes.
Isto sub tumultu jacent
Frusta mortalium ridicula in cinere.
Jacent magni nominis & Commatis nasi
Macrochini, Rhinarchi, Maraconæ,
Trimalcionis & affeclarum,
Jacent Boccabella, Rutilia, Nezilla, Calospudia
Nobilium feminarum;
Pulvere tabacino olim bene saginati.
Sed quod mirère,
Occubère nasi, supersunt vultus,
Orbis spectaculum & ludibrium.
Vos nasoprivi vestris parentate naribus
Anniversariâ solennitate
Inspersis flosculis tabacinis.
Tu autem viator
Fabulam hanc dignam memoriâ
Omnium gentium narra tabacophilis.
Intellexisti satis.
Cincribus insputa,
Et abi.

Invadebat omnes stupor inexpectatæ sententiæ, quam Musæ ad clementiam proniores justo rigidiorum censentes protestatione interpositâ moderatiorem exigebant. *Rhinocrito* igitur in lege magis versato demandabatur decidendi provincia. Hic antecederet Dissertationem de *Pica nasi* suo quidem judicio sat elegantem, &

ra-

rationi atque experientiae maximè congruam à tabacophilis iniquè injuriarum postulari ostendebat, cum de vitiis, abusibus & erroribus scribere liceat, si personis parcatur. Juxta illud Poëtae:

*Licuit semperque licebit
Parcere personis, dicere de vitiis.*

Deinde longè aliud de illa judicium esse Virorum Eruditissimorum referebat, in cujus confirmationem literas à judiciosissimo & doctissimo potentissimi Borussiae Regis Consiliario & Historico, D. *Hermannno Adolpho Meindervo*, Viro scriptis editis famigeratissimo ad Cl. & Amplissimum Vium, D. *Germanum Dono Hunnincinum* exaratas altà voce legebat hujusce tenoris:

Hic ille
est, quem
autor alias
Eudoxum
vocat in
Offilegio
suo Histo-
rico Phy-
sico.

Scriptum elegantissimum Doctissimi atque sagacissimi viri Cohausii nostri, sive coi nostratis de Pica nasi sive boaierno usu atque abusu Tabaci seu herbae Nicotianae, quod ad me gratis transmiseris, de eo, ingentes tibi vir Clarissime habeo atque debeo grates, nisi quod unicum illud desiderem, quod Auctor longè celeberrimus atque Nasutissimus id est odoratissimus, non ipsum hoc ipsemet longè dignissimum hoc nostro seculo nec non eruditissimum scriptum ad me transmiserit. Quia summam & egregiam eruditionem, & virtutes viri eximii & non vulgaris valde Veneror & aestimo, Et ut me in amicitiam & familiaritatem ipsius insinues, & literarum commercium cum eo concilies, maximopere rogo. Scriptum illud egregiè satyricum maximà animi

mei voluptate legi ac penitus devoravi. Et il-
 lud publicè asserere non vereor, mihi nullum
 scriptum satyricum inter tot Eruditorum viro-
 rum sarcasmata & lusus ingenii magis arris-
 sisse. Habemus sanè & habet Westphalia, nostra pa-
 tria ingenium, quod possit maximorum virorum
 etiam exterorum ingeniis & geniis si non ex-
 quare, saltem opponere & eodem loco reponere.
 Si enim aliorum scriptorum scripta satyrica v.g.
 Erasmi Moriam, Mori Utopiam, Heinssii asi-
 num &c. & aliorum Ejusmodi satyricorum
 sarcasmos justo calculo aestimes, ad hoc amici
 nostri scriptum nihil sunt. Quia is miscuit uti-
 le dulci, uti Hippocratem Coum, idest Cobau-
 sium decet, & valetudinem ac sanitatem mor-
 talium egregio ludendi & criticandi generi &
 operi sive emplastro commiscuit. Ego enim ut
 verum fatear, nescio quid magis mirer in Viro
 longè eruditissimo, utrum stylum & scribendi
 solertiam, ac omnium poëtarum atque celeberr-
 morum auctorum exactissimam cognitionem,
 utrum profundissimam in arte medica scientiam
 atque experientiam, nihil magis optans, quam
 ut mihi talis Æsculapins & Archiater continge-
 ret, si semel agrotare & mori necesse erit. Uti-
 nam felix illud & fecundum ingenium atque
 excellens judicium ad res serias & studia nostra
 antiquaria, sive Historico- Politico- Juridica se
 vellet applicare, & Historiam nostram patriam
 illam nihil r' magnum aliquid &
 ingei, ac à tali manu
 abit atque abri-
 suum cuique pul-
 est sed perjucun-
 dum

dum ac maximè gloriosum, quod nos in omni doctrinarum genere viros illustres atque excellentes in patria nostra Westphalia habeamus, & cum politissimis nationibus ingeniorum varietate & opusculorum literariorum gloriâ & præstantiâ certare, & palmam multis præripere queamus. Quare vir illustrissime etiam atque etiam te rogo, cures ut omnia illius Excellentissimi viri scripta hætenus edita, inprimis verò Neotheam quamprimum nanciscar, pretium quod pro me exposueris, lubens redditurus. Eum quoque incites velim, ut jocoseria de Westphalorum moribus, vitiis, & virtutibus, quam primum poterit, publico diutius invidere nolit, & me in numerum amicorum suorum recipere non dedignetur. Vale & fave tuo amico & cultori devoto

Hermanno Adolpho
Meindersio.

Absolutâ lectione, aliisque præcipuorum virorum testimoniis in laudem auctoris *pica nasi* adductis merito opusculum illud ab *Appolline* approbatum, in *Nasiones* verò istos, utpote quorum tumultus manifestam contra Remp. literariam rebellionem oleat, quæ tandem vel in ipsum Parnassum ejusque sacratissimum Principem ausus suos sit exertura, graviter animadvertendum esse censebat. Quoniam verò non omnes par criminis malitia obstrinxisset (à Vir-
que & fæminis sexûs imbecillitatem
tionem exigere) ideo in uno tan-
uaso Thraſonis, qui tumultuariæ
co-

62 RAPTUS ECSTATICI

cohorti vexillum erexisset, exemplum esse statuendum, & hunc quidem ad aram *Themidos* in templo *Apollinis* cum addita in perenne monimentum epigraphæ suspendendum, cœteros verò omnes suis vultibus restituendos esse iudicabat, nimium crudele asserens, si tot ventulæ facies deformatæ, totque egregii nasi detruncati restitarent. Epigraphen hanc adjiciendam volebat.

Divæ Themidi sacrum

Quicumque ad has aras vota facturus accedis,

Sta, & suspice suspensa ex tholo

Spolia Nicotianæ Proceribus erepta.

Nasi sunt Comitum Ferrini & Knastrî,

Seditiosæ intabaccatorum turbæ Ducum.

Quos in pœnam jussu Apollinis rescissos

In perpetuum rei monimentum

Hic satyri suspenderunt.

Discite sobrietatem moniti, Contemnere Pœtum.

Addebat porrò ex re ærarii publici fore, si tabacophilis & pro fumandi & per nares captandi licentia annuum tributum imponatur, quod utique ad multa florenorum millia esset ascensurum majori equidem cum inperantium laude, quàm quando Vespasianus lotio tributum imposuit.

Quæ quidem sententia multis more Juris Consultorum extensa periodis proferebatur, mitiòr tamen longè benigniorque, & inprimis sexui fæmineo favens plurium assensum eliciebat, nondum tamen executionem, nisi prius & tertius assessor suam sententiam declarasset.

Quo-

Quocirca finiente *Rhinocrito* sic fari incipiebat *Peticastes*.

Testor sacratissimum hunc musarum confes-
sum, severior nimis utraque & *Dieteti* & *Rhi-
nocriti* est sententia. Præmittam decidendi ra-
tiones. Non dissimulandum est *Nasones* quos-
dam convitia seu potius nugamenta in *Picam*
nasi eructasse, quibus quis prudens succenseat?
Ejus auctori plus est in cerebro salis, quam ut
vel minimùm bilis inde fuerit ei mota. Dixerit
scripseritve Bataviæ *Pedantarcha* ei contra re-
gulas prosodicas fortè verbuli quantitatem exci-
disse, & quod tamen non demonstravit, lon-
giori aut breviori pede voculam incedere, quid
scriptor physicus medicus & moralis istam di-
cam moretur? non affectavit author hoc scrip-
to laurum, aut equitare in Bellerophontis Ca-
ballo: neque eum

Fœcundi calices unquam fecere disertum.

Abusum rei utilis dum detexit, aptè satis ex
antiquissimis poëtis desumpto & ingeniosè ap-
plicato hinc inde versu non tam pedes pros-
dicos, quam veterum propria verba, eorum-
que nitorem & proprietates attendens & reti-
nens, illius futilitatem & vanitatem ostendit.
Unde meritò illi laus debetur, quod circa ra-
rum novumque argumentum stylo prosometri-
co doctè sit versatus. Sed quid mirum, hoc
Patonasis displicuisse? irritavit eos acriùs *pica*,
quid insolens, si vicissim ab iis, quibus in na-
res emota est bilis, dente mordaci sit petita?
ipsum hoc autor satis præviderat. Habuerit ip-
se

se Bataviæ Rhinoceros prolixiorē proboscidem, is ejusdem scientiæ aut experiētiæ nihilum detraxit. Noverat jam antequam calammum Chartæ admoveret, sibi cum tōrvis alitibus fore negōtium. *Orbilii* vulpem fœtentis virgulam non verebatur. Clamor momorum elasticum est, quo scriptores non moventur, nisi ad novos & præclariores conceptus. Dignus quidem censurâ est Aristarchus ille & lepidus dicam an illepidus interpres, sed & ipse Auctor prædixerat futurum, qui sexui formineo pulvisculos nasales depereunt aliquando vernaculâ *Picam nasi* exponeret. Quis igitur illi succenseat? Quis curet gemitus turturum aut moretur albas columbulas catulli? Quis in Virginum elegantes nasulos amet stringere mucronem? Absit in *Helicone* contra pulchrum sexum crudelem pronunciare sententiam. Et musæ sunt virgines licet admodum anus, quidni & tabacophilaram Virginum patronæ? Quis dixerit, an nulla harum *tabatierculam* quoque possideat, depereatve? illarum patrociniū certè non despiciet. *Apollo*. Animadvertitis procul dubio sacratissime *Aganippidis* Domine, & vos Augustissimæ sorores, quò mea sententia vergat. Infrâ ultionis dignitatem res posita est. Quilibet cum suo naso jam bene emunçto domum dimittatur, ne eorum reditus in patriam nasi mutilatione deformis sit.

Mirabantur omnes solidissimum *Peticastes* judicium. Et tu ait *Apollo* non ex *Hippocrene* tantùm, sed & ex ipso *Themidis* fonte videris potâsse. Nasum habet, quod dicis.

IN MONTEM PARNASSUM. 65

Est aliquid, quò tendis, & in quod dirigis arcum.

Hæc itaque definitiva nostra esto sententia. Non sic Augustissime *Apollo*, interrompebat *Morosophus*, hæc acceleranda est. Etenim cum mihi provinciam commiseris horum trium Affessorum judiciis & meam crisin addendi, mearum quoque nunc partium erit, illorum prolatis sententiis & meam subungere. Benè mones, inquit, *Apollo*, fas est & placet tuam quoque audire. Sed *Sophum* te nunc præsta, non *Morum*. De nasîs enim non magis quàm de corio humano est ludendum. Meo nomini ac Characteri, inquit *Morosophus*, me conformem exhibebo. Sapientiæ aliquid addendum est de mixtura dementiæ. Etiam sæpe opportunè verum locutus est ridens *Morio*. Præcedat Sapientia, stultitia sponte sequetur. Non enim mihi in cerebro ea est rationis machina, ut filum ratiocinationis omnino per omnia æquale in longum valeam protrudere. Conclusi itaque mecum in confratrum meorum jam prolatam sententiam neutiquam pedibus ire, sed aliam longè viam calcare. Politices regula est, ubi turba est peccantium & error publicus, iniquam esse & periculofam ultionem, ac pœnam. *Quidquid multis peccatur, inultum est*, canit *Lucanus*. Necessaria venia est, ubi totus deliquit exercitus. Ubi pauci peccant, meritò in singulos distringitur Imperatoris severitas. Cum igitur nasi Pica & tabacomania in omni nunc gente innumerorum sit vitium, insanum foret in iram aut ultionem erumpere. Integer fere hic

E

ad

ad Parnassum *Rhinophororum* est exercitus. Quid igitur aut novi hodie moris aut in altero sexu imbecillitatis obliti, in pœnam aut vindictam confurgemus? Nolo illos aut damno aut ignominia nâsi ablati afficere. Non exigit corporis supplicium culpa nâsi levior. Interim tamen nec sine multa dimittendi sunt, ut isto ad Parnassum tumultu peccasse saltem semper meminerint. Non luant in cute & naso, sed in ære, in suis puta capsulis & pixidibus tabacariis. Hisce nemo non ex tuo jussu priveretur, & mihi omnes tradantur. Non dubito quin ex auro argentoque plurima illarum pars conflata sit, & aliqua etiam insigni gemmarum opulentiâ tumeat, ex quibus à me sat carò divendendis pol! quæ accessio fiet ad ærarium Parnassî publicum? Ipse cluam tabatiercularum institor, & quod dici solet, in bursa mea stultus. Hæc enim mercatura nec principem dedecet. Princeps *Conti* ex Dania abiens in Poloniam coronæ futurus candidatus, se rhedæpostariæ commisit, in qua casu fractâ, quam secum adduxerat, cistâ insignis quantitas *tabatiercularum* effusa, & hinc inde per vias dispersa reperta est, quas in istam regionem deportare, & magnatibus donare destinaverat. Intentionem Principis nemo explicare potuit, nisi quidam Gasco hoc enunciato: *Ab Cadedis, il volût les prendre par le nez.* Ita ego decumanos istos tabacophororum nâsos traducam. Omnes quotquot sunt pixides suas ex auro, argento, chalybe, cupro, ebore, testudine, cornu, lignoque fabrefactas & tabaco Hispanico, Brasiliensi, Bononiensi, Imperiali, Triden-

Ita referunt
lêtres Ga-
lantes
tom. I. p.
217.

IN MONTEM PARNASSUM. 67

dentino, Colonienſi, Snebergenſi, Monafterienſi, Lovanienſi, Leodienſi & neſcio quâ non fœce repletas mihi extradant, aut triplo pretio redimant. Neminem namque futurum putem, qui famam ſeu potius infamiam ſubire volet pixidis in Parnaffo in pœnam naſi amiſſæ. Quod ſi fortè detreſcent, omnes collectas in Hollandiam deferam, ubi inter rerum curioſarum amatores eas ceu monumenta naſi mulctati rariffima, ingazophylaciis ſervanda, carè ſatis diſiraham, Batavisque in novitatem prurientibus novos naſos apponam. Et hæc mea eſt ſententia. Pervicaces naſi novis ſaltem naſis puniantur.

Benè, inquit *Apollo*, tu inſipientis ſapientiæ alumne munere tuo es functus. Magna ingenia mixturam dementiæ habent, ut Romanus ait ſapiens, quidni cum hanc tu habeas, ingenium quoque tuum magnum judicare fas eſt. Verùm nos, qui ad clementiam inclinamus, tuam hanc aliorumque ſententiam adhuc magis moderari conſtituimus. Decernimus itaque, ut ſine cunctatione per Satyros naſi omnes ad montis pedem rursus deferantur. Putamus enim ſat pœnæ eſſe, quòd tam diu iis carere, & multiplici ſpem inter & metum cogitatione ſuſpenſi eos ſibi reduces exſpectare fuerint coacti. Electio autem optioque, num quis ſuum aut alienum recipere malit, cuique libera eſto. Dein conſeſtim absque ulteriori tumultu ad ſuos lares regrediantur. Tu autem doctiſſime *Guido Patine* Profeſſor Medicinæ Regiæ (*Apollo* in eum inter Eruditos præſentem affabilem vultum dirigebat) *Mercurio* te dabis comitem, & turbam iis verbis, quibus

olim *Rhenanlotum* Medicum Monti-peffulanum contra te causâ cadentem allocutus es, dimittes.

Patinus, qui libentiùs id muneris rectissâset. Verbis *Marci Catonis*: *arduum est Quirites ad nasum* (ille ventrem habet) *verba facere, qui caret auribus*, non audens tamen jussis refragari, mox assurgebat, & *Mercurio*, *Satyris* & *Asellæ* sportularum nasutarum bajulæ sese comitem dabat. Haud mora descendebant unâ *Parnassum*, ubi inter sacrum saxumque stans turba,

Et satis ipsa luens pœnam formidine pœnæ.

Anxiè sententiam & nasos suos expectabat. Suspecta namque esse cœperat lenti judicii mora, ejusque anceps eventus metu suspenderat conscios animos. *Patinus* naso suo grandi & aquilino verendus, modello & gravi gessu accedens, & subridens itiomate patrio elatâ & forti voce sub altissimo omnium silentio & pavore turbam sic alloquitur: *Messieurs & Mesdames vous avez perdus, & pourtant vous avez gagnés, & ainsi tout le monde vous croira heureux. Sçavez vous comment? c'est, que quand vous êtes venus au Parnasse, la plus part de vous étoit camus, & vous en sortez à cette heure avec un bon pied de nez.* Domini & Dominae, vos perdidistis, & tamen vicistis, sicque totus mundus vos credet felices. Novistis quomodo? quando ad *Parnassum* venistis, plurima vestrum pars simis erat naribus, jam verò inde abitis omnes cum egregio naso pedem longo. Subjungit *Mercurius*, en vestros singulorum nasos. A pœnâ omnes absolvit

Apol-

IN MONTEM PARNASSUM. 69

Apollo, decernens tamen, ut cuius liberum sit, aut suum, aut si veteris fastidia nasi cui-
piam contigerint, alienum recipere. Quo vix
prolato *Satyr*i nasos ex sportulis in unum cu-
mulum excutiebant. Vah quis mox fremitus?
quis tumultus? quilibet præ altero citius suum
sibi quærere nasum, irruere omnes in acer-
vum, & cum in ista confusione nemo suum
aut dignosceret aut obtineret, quilibet saltem,
quem primò obvium casus dabat, lætus reci-
pere. Jusserat autem *Apollo*, ut celeberrimus
adesset *Tagliacorus* in appendis & resarciendis
nasis notissimâ per orbem dexteritate famigera-
tus, qui *Mumiali Balsamo* ex Parnassi pharma-
copolio secum allato illitos omnium nasos
quantocyùs assolidaret, quod *Æsculapio* pro-
pitio & *Mercurio* verbum illud fatale *Coniungo*
pronunciante dicto citius fiebat ad omnium
stuporem.

ô ridiculam metamorphosin quâvis

Ovidiana mirabiliorem! equidem

Optat, tangat ut à multis quolibet una suum. Ovid. de
Nuc.

Verum, ô fatalem catastrophem!

*Deteriorem omnis tulit illic femina nasum.
Nec Sthenobæa minùs, quam Cressa excan-
duit, & se
Concussère ambæ, litem de nare moventes
Altera de alterius. Mulier savissima tunc est,
Cum stimulos ira pudor admovet.*

Pætophilla Virgo patritia non proletaria formæ nasum *Macrorrhini* obtinuerat. *Magnus parvis sæpe jungitur*. Grandis ac rubicundus hic botriformisque gnomus in area faciei lacteolæ stabat ad vultûs attoniti spectaculum. Monstrum erat cum tanta specië nasum tam deformem convenisse. Heû! ingeminabat; nasus hic quàm fastigio meo indignus! quis ad pridem notos vultus, si domum rediero, non exhorrescet? quis eos, à quibus sæpissime iustissimâ veneratione pependit amplius colet? nil nisi oris argumentum & tenor restat, quibus me eandem probem & ad fidem incredulos cogam.

Nasulus *Pætophillæ* è contra cesserat *Macrorrhino*, cui intra extuberantes buccarum colles penitus immergebatur, ut potius jam sine naso, quam nasutum credidisses. Prò quàm ampla hic risûs materies! *Macrorrhinus* ad populares suos conversus nil magis querebatur, quàm jam deesse sat patula nasi foramina tabacco largiùs intrudendo.

Nemesis-
nus Ecl.

Nasus rapit. Usus in arcto est.

4.

Interim magna inter hunc & *Pætophillam* surgebat contentio de restituendo naso in integrum. Optima summi nunc via processûs, fortassis ad supremam curiam devolvenda *Macrorrhinus* de majori adhuc sibi quàm *Pætophillæ* illata injuria protestatus, etiam pueris inquit, notissima regula habet:

Quæ maribus solàm tribuuntur, mascula sunt.

Et

IN MONTEM PARNASSUM. 71

Et mihi nasus nunc est fæmineus. Non visum, si patiar ludibrium. Quotquot aderant, iocos & sarcasmos in nasum ingerebant, & eum à larido ad macrum, à sue ad capram, quod in proverbio est, devenisse jocabantur.

Amintho cesserat pro spolio nasus *Longurii*, cujus apex fere mentum attingens totum ostendebat. Jam nares pilosos notabat, & grandes mirabatur alas. Jam risus jam ejulatus reciprocabat. Ah quantam, ait, hic stylus projicit umbram ori mentoque! & quia linguam gallicam callebat, sequentes versus ingeminabat:

*Mes amis en quelle boutique
d'Une sottise façon antique
Ce malheureux nez fut il fait?
Quel nez de l'homme, qui se porte,
On n'en vit jamais de la sorte.
Hé! que j'en suis mal satisfait.*

Hæserè plures raptâ voce, mutuùm vultum inter se convertentes, id quisque miratus in alio, quo ipse vicissim mirantem rapiebat. Hi Deos invocabant. Alii mittebant lacrymas, & sublatis in altum manibus deplorabant fati malignitatem. *Boccabella* consternata vix retinuit fugientem spiritum instar lymphatæ in se ipsam sæviens. *Nezilla* direptum manu cultum capitis laceratis crinibus projiciebat in terram. Verbo nulli redierat pristinus nasus, sed ad aliorum vultus pervenerat. Unde nil nisi querelæ & lamenta. Fremere omnes, dentibus frendere, & diris devovere *picam nasi*, Parnas-

70 RAPTUS ECSTATICI

Pætophilla Virgo patritia non proletariæ formæ nasum *Macrorhini* obtinuerat. *Magnus parvis sæpe jungitur*. Grandis ac rubicundus hic botriformisque gnomo in area faciei lacteolæ stabat ad vultûs attoniti spectaculum. Monstrum erat cum tanta specie nasum tam deformem convenisse. Heu! ingeminabat; nasus hic quàm fastigio meo indignus! quis ad pridem notos vultus, si domum rediero, non exhorrescet? quis eos, à quibus sæpissime iustissimâ veneratione pependit amplius colet? nil nisi oris argumentum & tenor restat, quibus me eandem probem & ad fidem incredulos cogam.

Nasulus *Pætophillæ* è contra cesserat *Macrorhino*, cui intra extuberantes buccarum colles penitus immergebatur, ut potius jam sine naso, quam nasutum credidisses. Prò quàm ampla hic risûs materies! *Macrorhinus* ad populares suos conversus nil magis querebatur, quàm jam deesse sat patula nasi foramina tabacco largiùs intrudendo.

Nemefianus Ecl.

Nasus rapit. Usus in arcto est.

4. Interim magna inter huic & *Pætophillam* surgebat contentio de restituendo naso in integrum. *Optima summi nunc via processus*, fortassis ad supremam curiam devolvenda *Macrorhinus* de majori adhuc sibi quàm *Pætophillæ* illata injuria protestatus, etiam pueris inquit, notissima regula habet:

Quæ maribus solùm tribuuntur, mascula sunt.

Et

IN MONTEM PARNASSUM. 71

Et mihi nasus nunc est sœmineus. Non vir
 fim, si patiar ludibrium. Quotquot aderant,
 iocos & sarcasmos in nasum ingerebant, &
 eum à larido ad macrum, à *sue ad capram*,
 quod in proverbio est, devenisse jocabantur.

Amintho cesserat pro spolio nasus *Longurii*,
 cujus apex fere mentum attingens totum oste-
 gebat. Jam nares pilosos notabat, & grandes
 mirabatur alas. Jam risus jam ejulatus reci-
 procabat. Ah quantam, ait, hic stylus pro-
 jicit umbram ori mentoque! & quia linguam
 gallicam callebat, sequentes versus ingemina-
 bat:

*Mes amis en quelle boutique
 d'Une sotte façon antique
 Ce malheureux nez fut il fait?
 Quel nez de l'homme, qui se porte,
 On n'en vit jamais de la sorte.
 Ha! que j'en suis mal satisfait.*

Hæfere plures raptâ voce, mutuum vultum
 inter se convertentes, id quisque miratus in
 alio, quo ipse vicissim mirantem rapiebat. Hi
 Deos invocabant. Alii mittebant lacrymas,
 & sublatis in altum manibus deplorabant fati
 malignitatem. *Boccabella* consternata vix reti-
 nuit fugientem spiritum instar lymphatæ in se
 ipsam sæviens. *Nezilla* direptum manu cultum
 capitis laceratis crinibus projiciebat in terram.
 Verbo nulli redierat pristinus nasus, sed ad a-
 liorum vultus pervenerat. Unde nil nisi que-
 relæ & lamenta. Fremere omnes, dentibus
 frendere, & diris devovere *picam nasi*, Parnas-
 sum,

sum, Mufas, Satyros, totumque literatorum confessum. Verùm hæc omnia nonnisi ventis credebantur. Ferenda fors erat. Non magis angebat omnes, quàm quòd inter uxores & maritos domum redituros vix ad notitiam superesset indicium ob vultus à nasīs peregrinis alienatōs.

Mercurius ulteriorem tumultum indignè ferens monet confestim, nisi pejora exspectare velint, à limitibus Parnassi secedere, tum tandem omnes fugam capeffere

Virgilius. *Non secus ac fuso si quando grandine nimbi
Præcipitant, omnis campis diffugit arator,
Omnis & Agricola.*

Omnes cum egregio naso fat emundō atque à Satyris purgato vexatoque domum properabant. Ubi quid contigerit, à me postea ex Parnasso reduce intelligetis. Nempe non præviderat *Apollo* abstrusam in sua sententia absurditatem, & ex ea damna secutura. Si in partem judicii venissem, longè aliter decrevissem, & dumtaxat hoc: ut unus saltem sine naso domum remitteretur, qui coeteris Pætophilis exempli & remedii loco imposterum serviret. Declarabo ingenioso *Trajani Boccalini* commento.

Cent. I.

Relat. 81.

Joannes *Zecca* percelebris Bononiensium Medicus publicè in Parnasso affixerat Schedas, quibus notificabat, sibi notam esse artem & remedium probatissimum ad obscenæ impuræque veneris amafios à lue perpetim præservandos. Hujus revelationem divitibus digno pretio, egenis gratis offerebat. Nemo non hujusce

ar-

arcani desiderabat scientiam. Quod cùm medicamento quodam pretioso consistere judicarent, stupuere videntes, à Medico effigiem hominis pulcherrimi, cui venerea lues nasum absumpserat, in remedium produci. Addebat utendi methodum hanc esse, ut quoties quis ad illicitam venerem incitaretur, confestim inspectâ hac effigie perpenderet, quanta ex jactura nasi, qui faciei ornamentum est, infamia, quodque ex fœdissima voluptate corporis atque animæ periculum homini immineat. Tentârunt curiosi juvenes remedium, & probatum compererunt. *Unius pœna est aliorum metus.* Utinam damna ex abusu tabaci nasalis cerebro totique corpori obvenientia in pari ectypo ostendi possent, haud dubium est, quin plurimi abstinentiam ab eo perpetuam sibi imperarent. Unus itaque naso mutilatus innumeris in Exemplum suffecisset.

Redeo ad Parnassum, in quo adhuc me detinebat Ecstasis. Haud mora omnis turba evanuit ad suas festinans regiones. *Mercurius* cum *Patino* Satyrisque in Parnassum redux jussa *Apollinis* effectui data, & omnem populum jam excessisse & evasisse nunciat. Bonum est inquit *Apollo*, nos tandem istis crabronibus esse liberatos. Vos Musæ præparate Cytharas, ut festivo carmine actum hunc claudatis. Mox oculos per cuncta Eruditorum subsellia circumferens eos in me defigebat. An inquit jam tibi satisfactum est nasalî hac comœdiâ, aut num aliam satisfactionem ab adversariis postulas? Obstupefcens, quod *Apollini* præsentia mea innotuisset, actutum è sede arrecto & in

terram remisso corpore gratias humillimas agens
 nasorum audaciam sat castigatam respondeo,
 & proin mei in patriam dimissionem submissi-
 mè rogo. Notaveris utique, *Apollo* inquit,
 spectator præsens hodierni nascidii scenas om-
 nes, quas in acta annalesque relatas, nostris-
 que Archivis insertas volumus (*Res memoran-
 da novis annalibus*) tibi præcipientes, ut ex-
 acto quo potes calamo omnia, quæ hic vidisti
 & audivisti, describas, nobisque primùm, &
 dein Reip. literariæ communices, quò dispersis
 quaquaversum per orbem *pætonasis* comædia in-
 notescat. Et vos Satyri *Pegaso* ocyus ephip-
 pium phalerasque injicite, quò celeri vectore
 euro citiùs ad suos lares reducat.

Ego jussis executionem (quam hisce nunc
 facio) promittens, magnâ reverentiâ templo
Apollinis valedico, ante cujus fores me exspe-
 ctabat *Pegasus*, venienti, quasi agnosceret, ad-
 hinniens. Jam auribus.

Virg. II. *Emicat, arrectisque fremit cervicibus alte*
Æncid. Luxurians, luduntque juba per colla, per ar-
mos.

En ait *Mercurius Bellerephontis* equum sin-
 gulari sanè *Apollinis* favore tibi concessum,
 quem ascendens vel ipsas nubes vertice & plus
 ultra tanges: *Sic itur ad astra*. Quibus *Mer-*
curii verbis animatus (maluisssem enim ejus fra-
 tre *Arcadico Sileni* caballo vectus lares repe-
 re) in equum attollor. Tum ille hinnire, spu-
 mare, calcitrare, & jam alas ingenti mei suc-
 cussione quassans aëriam meditari fugam. Quo
 qui-

quidem motu, nec minus aërii itineris terro-
 re perculsus ex profunda ecstasi mihi videbar
 reddi, adhuc confidens in Musæo ad pluteum,
 ubi illa me apprehenderat. Arripio mox cala-
 mum, juxta *Apollinis* jussu, quæ videram, an-
 notaturus, & orbi literato recitaturus, *quod sic* Horat. l.
me servarit Apollo. Sed instar alto somno so- Sat. 9.
 piti, qui importunè molestatus oculos quidem
 aperit, innox tamen in somnum relabitur, sen-
 sibus nondum excitatis, in eadem mentis ab-
 stractione persevero. Ferri videbar vectore *Pe-*
gaso in celeberrimum orbis emporium urbem
Amstelodamum, ubi penes amicum *Parlher-*
beum descendebar petens hospitii favorem.
 Gratus advenio & bene acceptus. Quos hoc
 loco lusus fecerit nasus, jam pergam recensere.
 Incipit novum *Martyrologium nasorum.*



L U S Û S

In nasos tabacoprophoros

S A T Y R I C I

CONTINUATIO.

Sive

P A R S A L T E R A.

Favete Amici. *Nunc è diverticulo repetetur fabula.* Referebam amico integrum in Parnasso cum nasus institutum processum. Imprimis infelix sors *Patophille* nasum *Macrorrhini* infausto cambio adeptæ adhuc animum tangebat. Veniebat in miserationis consortium amicus, & ajebat se nōsse hanc Virginem; non potuisse autem infelicius fatum isti vultui, in quo veneres sedem fixisse videbantur, contingere. At illa, inquit, justa pœna est. More virili nares continuò farciens tabaco nasum sibi fingeat viri-em, quem nunc reapse obtinuit. Mulier nasum *Nicotianā*, ejusque fumis os pascens se similem reddet illi *Tartuffio*, quem sic graphicè depingit *Balsacius*. *Il sort de son nez & de sa bouche de Vapeurs, qui poisonnent. C'est le plus baïssable de tous les mortels. Un animal de cette odeur est à craindre. Son infirmité*

mité fait fuir ceux, qui l'approchent. Et l'on ne peut sans précaution tenir contre un punais si vain, & si insupportable. Reddam Latinè.

Vapor ex illius nāsō & ore exit intoxicans. Mortalis inter omnes maximè odio habendus. Tam putens animal meritò metuendum est. Ejus lues fugat approximantes. Nemo sine prophylactico apud cimicem tam vanam atque insupportabilem stare potest. Plura addebat vir præclarus, germinis Verginii eximius quoque si quis alius, in nare osor, quæ hîc referre non attinet. Discursum verò mox interrompebat Vir affatum petens, quem effusa in populo fama, quod me ex Parnasso reducem hæc amici domus teneret, nec minùs ipsa Curiositas aut potius necessitas ad hanc compulerat. Jubeo intrare, & en *Nasidienns* erat, qui quæ nova in Parnasso contigerant, expiscaturus accedebat, sive quod novellarum sedulus investigator, & ex illorum numero esset, qui nasum, ut dicitur, ubique habent, sive potius, quod ejus quoque uxorcula Turbae tantos ad Parnassum motus excitantis socia domum nondum redisset. Ego namque celerrimo Pegaso iter confeceram, illis per plura regionum interval-la absolvendum. Sollicitus de uxoris incolumitate; quis amice, ait, statim est processus nasalis in curia Apollinea? Uxor mea etiam ex illis est, quas tua *pica* mordaci nimium rostro (avem putabat) faucibus. Quocirca cæteris quoque Mulierculis, ut ut me dissuadente, se comitem dedit ad montem bicipitem, tum ut curiositati litaret; non nescis enim quantâ scæminæ Batavæ Malaciâ laborent loca
exte-

78 RAPTUS ECSTATICI

extera videndi, tum maximè, ut coram *Apol-
line* nasi offensi querelas deponeret. Os enim
habet, quod, uti quæ vult, comedit, sic &
quæ vult, loquitur. Jam verò nescio quis va-
gus rumor evulget fabulam de amputatis om-
nium naribus. Cui num quid veri subsit, à te
intellecturus venio, neque dubito, quin pro
veteri nostra amicitia id à te mihi candidè sit
aperiendum. Nam quod tibi non dissimulo,
ipse à tabaci nasalis usu aversus pessimam *Pæ-
ticipii* consuetudinem in uxore semper angue
pejus horruì. Sed quid remedii? imperium il-
la in me & affectat & obtinet, si pacem laribus
velim inquilinam. Nolim, velim, in omni-
bus ceu dominæ annuendum est. *Sic torquet
conjugis tormentum optabile.* Ô te, inquam,
herculè infelicem, cui dominatur mulier!

Stultus, scæmineo qui porrigit ora capistro.

Et infelicem mulierem, cui nasus imperat de-
spoticè, aut os, aliudve corporis membrum.
Si illam ad Parnassum turbæ levissimæ sociam
pertraxit animi impotentia, dabitur mora par-
vula, & res nota uti & populo tibi aures tan-
get. Non scies, quod contigit, ultimus. Sed
ne quid te præviè celem, tela enim prævisa mi-
nùs feriunt, omnibus recissi sunt nasi. Quid,
ait *Nasidiennus* recissi sunt nasi? in malam cru-
cem abeat mulier naso mutilata.

Juvenal. (*Si verum excutias facies non uxor amatur.*)

Nunquam ista meos subibit Lares. Imò in-
quam

quam subibit. Certè nasum referet, tamen si fortè non suum. Mira narras, ait ille, quæ ergo nasorum metamorphosis? brevibus expono fabulam, quomodo nasus omnibus jussu Apollineo amputatis & in unum acervum per Satyros abjectis turbâ magno undique impetu irruente nulli possibile fuerit proprium aut nôsse aut recipere. Nec sic ait cum naso alieno ad me redibit. Abeat ad Garamantas mulier nasatissima. Cui ego arridens paucis mutatis illud *Claudiani*:

*Est oculis placitura tuis, insignior auctis
Collibus accrevit nasus, majorque videndum
Se se offert.*

Vix dixeram, adest gnatus patri nuncians matrem rediisse, sed adeo ingenti naso deformem, ut vix agnosci potuerit.

Nasata per urbem ostentatur anus.

Utinam ait *Nasidiennus* omnibus mulierculis tabacantibus tam decumanus nasus accresceret, abjicerent dubio procul tandem theculas tabacarias. Vale amice. Ego domum propero, fuste uxorem, unde venit, remissurus. Parce inquam *Nasidiene*, parce, ne uxoris feriendo nasum proprium deturpes. Recordare dicti Italorum.

Chi si taglia il naso, si guasta il volto.

Abiit ille, quid domi contigerit nescio. Ipsi
vos

80 RAPTUS ECSTATICI

vos divinate. Apologum si putas, veritatem crede, quod nuper *Nicotandram* inter & *Brunum* tabaci nasalis hostem, atque ita discordes moribus conjuges de ejus abusu ortæ sint contentiones à verbis ad verbera mox devolutæ, ut maritus pugno refractariæ uxoris nasum in egregium cliyum elevârit, quo planè alia visa fuit. Hæc sit fabulæ nostræ Apodosis.

Juv. Sat.
2. lib. 1.

*Nec pueri credunt, sed tu vera puta.
Mulieres unde gaudent, inde tristantur.
Appositè dixit Oribasius.*

Trajecerat jam urbem universam de nasorum metamorphosi, & mei quoque adventus rumor, qui plures ad me alliciebat consultationis gratiâ, ut ut antea *pica nasi* infestos. Hos inter primus se fistebat *Macrorbinus*, cui *Pætophillæ* nasulus in prædam cesserat, jam tandem Stoliditatis poenientiâ ductus. Petir accedendi licentiam, quâ obtentâ intrans rogat humiliter (hic alias insolens medicorum osor nunc pronus genua libenter suavio strinxisset) an nullum præstare auxilium possit sacra ars medica naso pusillo, ut in pristinam virilis staturæ magnitudinem surgat. Respondeo huic fore remedium per prosthesis manu celeberrimi in urbe operatoris, ut vocant *Nasurgi*, novâ scilicet non insitione Methodo *Tagliacotiana*, quâ pluribus nasos restitutos esse fidem faciunt medicorum annales; curam palliativam fore, si naso artificiali è charta aut lamellis argenteis parato & depicto (quales larvas ars concinnat, ut nemo ascititiam formam deprehendere

Taglicot.
Chyr.
cutt.
Blegni
Obl. men-
str. ad an.
80. p. 121.
Hildan.
Cent. 3.
Obl. 31.

IN MONTEM PARNASSUM &c. 81

dere possit) truncum vestiatur, futurum sic, ut interim diligenti *Lyaci* culturâ paulatim nova nasorum germina ex tenello hoc implantato stipite succrescant.

(*Uno avulso non deficit alter.*)

Virgil.

Cui consilio acquiescens postremâ hac methodo, utpote non ingrata, magnum, *si qua est ea gloria*, nasum præstolans abiit soluto solstro. Ita vel ab inimicis non raro lucrum accedit medico propter necessitatem, quæ eum cogit honorari. *Jobus* quidem de equo: *gloria nasorum ejus terror*, sed an nasus *Cyclopicus*, qui vel ipsis pueris terrorem incuriat, tanto honorari sit aut decori, penes alios relinquimus judicium. C. 39. 20.

Dimissionem hujus impatienter ante fores expectabat Gallus *Monsieur de Courtnez*, non jam more suo cantillans, sed oculis continuo in nasum depressis suspirans, & miras garriens nœnias. Jubeo intrare, & luctûs rationes brevibus exponere. Quæ tibi amice inquam gemitûs & suspiriorum causa? is cum germanico idiomate eam reddere non posset, suo ait: *Ab pauvre, que je suis! mon nez est à cetheur sur un autre visage. Il pouvoit passer pour un maître nez. Tout le monde disoit, qu'il étoit bien placé au milieu de mes deux jouës, & qu'il y presida en nez de bonne mine. Je pouvois dire:*

*Il faut, que ce soit un beau nez,
Et qu'aux yeux de Camars il soit bien tourné.*

F

Car

Car j'en ay veu vingt en ma vie,
 Ou trente, si je compte bien,
 Qui temoignoient avoir envie
 De changer leur nez pour le miën.

Mais hélas ! sous un petit nez une grande bouche a mauvaise grace. La nature avoit été soigneuse de m'en donner aussi un grand & suffisamment large pour prendre du tabac. J'avois un nez bien blanc. Le présent, que j'ay reçu, est bordé de carboncles, & meublé de joyaux de Bacchus. Je crois, que c'est le nez d'un Allemand, qui aime boire Monsieur Docteur, n'ay je pas raison de me plaindre a'un si grand malheur ? Je passois toujours pour beau garçon, & j'avois dans le visage ce, je ne sçay quoy, de bonne rencontre, qui plaisoit d'abord, & qui faisoit, que le beau sexe me vouloit du bien. Je peu dire selon le Catulle :

*Multi illum pueri, multa optavère puella,
 Idem cum Satyri carptus defloruit ungui,
 Nulli illum pueri, nulla optavère puella.*

Mais voila à cetheur le miserable portrait de mon extérieur, si changé, sur lequel il sera malaisé de me connoître. Plura garrere & queri conantem interrompebam, & ultro concedebam, illa omnia sic se habere. Non ingratum erit, priusquam responsum subjiciam, ridiculas Galli nœnias Latinè reddere : Ah me misellum ! nasus meus jam locatus est in vultu alieno. Transire poterat pro naso principe. Nemo non dicebat aptè positum esse in medio genarum, ibi-

ibidemque præsidere instar nasi bonæ staturæ.

Poteram dicere : necesse est hunc bonum esse nasum, & judicio simorum bellissime formatum. Si rectè namque computo, viginti vel triginta meâ virâ vidi, qui contestati sunt se desiderio teneri suos nasos cum meo commutandi, sed eheu! sub parvo naso magnum os exiguum habet gratiam. Natura sollicita fuerat mihi largiri grandem, satisque largum captando tabaco. Nasum habebam probè candidum. Præsens, quem recepi, consitus est carbunculis & Bacchi gemmis. Nasum hunc credo esse Germani potatoris. Mi Domine Doctor, nunquid causam habeo conquerendi de tanto infortunio? semper elegans habebam juvenis, & in vultu se offerebat nescio quid, quod omnibus statim placebat, & ob quod pulcher sexus mihi benè volebat. Poteram juxta Catullum canere :

*Multi illum pueri, multæ optavere puellæ.
Idem cum Satyri carptus defloruit ungui,
Nulli illum pueri, nullæ optavere puellæ.*

Sed ecce jam miserandam mei sic mutati effigiem, ex qua difficile erit me dignoscere.

Cui ego : *Vous avez Monsieur bien du regret, & en la raison. Votre nez s'accorde mal à votre visage, qui est le véritable tableau d'un finge. Mais dites encore grace au Apollon, que vous n'êtes pas vous retourné sans nez. Ce seroit encore un plus grand dommage. De deux Maux le plus petit vous est arrivé. Il faut mieux un nez Camard, qu'en point. Id est :*

84 RAPTUS ECSTATICI

Dominatio vestra multum tædii, & ejus causam habet. Nasus malè vultui respondet, qui simiæ icon est. Sed redde grates Apollini, quod sine naso domum non redieris. Grandius id damnum fuisset. De duobus malis minimum obvenit. Præstat nasus simus quam nullus.

Turpe nasus duplex, nimirum quoque grandis; utroque

Turpius est omni sed sine nare caput.

Hoc meum erat solatium, & unà consilium, quale dederam antecendenti, ut chyrurgi *nasifici* operâ novum sibi nasum ex cujusdam sat carnosus brachiis inferi curaret (*inserta repullulat arbor*, quid nâ nasus?) hoc tamen observato, ut eligeret juvenem vegetiorem, qui longius ævum promitteret, ne moriente, ex cujus carne est nasus insititius, hic unà computresceret, quod confirmatum dicunt experimentis. Adbotros rubicundos fugandos linimentum Cosmeticum præscribebam, & unà votum addebam, ut cœlum ei conservaret visum, ne indigeret perspicilliis, quæ naso gestare non poterat. Quibus jam meliùs contentum, & secum rursus quid cantilenæ mussitantem dimittebam, ingratum tamen cuculum, pro consilio nil nisi verba civilia more gallico (complementa vocant) rependentem. Et sic Monsieur de Courtnez tam brevi nasi quàm scientiæ valedicebat.)

Vix homine phantastico liberatus eram, & ecce alius fores pulsât. Quibus reclusis conspicio *Rhinautum* Catoniani vultûs senem,

(Cri-

(Crine senex fanaticus albo.)

Juvenal.

Qui nescio, quid magnum videbatur promittere, sed cultu non proinde speciosus, ut faciliè appareret hac notâ eum literatum esse. Is ergo ad latus consistit meum. Ego inquit ludimagister sum, & ut spero humillimæ scientiæ.

Benè est, cogitabam, opportunè venis, ubi nasi distibuuntur. *Orbilus* ille, Eho! ait mi Domine, quid rei *pica nasi*? quid naso tabacophoro cum *pica* avi negotii? an & hæc tabacoutitur? nunquid elegantior titulus libro tuo *spica nasi* fuisset? Tabacum enim instar spicæ odoriferæ est, quod merito nos *Didasculi* inter foetores puerorum *Scholasticos* degentes pro summo mephitis remedio, & omni suffimento pretiosius habemus. Ingeniosè sanè ista, inquam, *Vulpinans Didascule*. Verùm non satis cum naso. Amice non ultra *Palamonem* aut *Donatum*.

Tecum habita, nōris, quam sit tibi curta supellex.

Næ malo es naso, quia malus es magister. Rationem confusus non capiebat. Statuit, peregebam, *Horatius* parum discriminis esse inter magistrum inexpertum, & inter eum, qui pravo est naso, sic canens:

De Art.
Poët.

*Infelix operis summa, quia ponere totum
Nesciet: hunc ego me, si quid componere currem,*

Non magis esse velim, quàm pravo vivere naso.

86 RAPTUS ECSTATICI

Hirnhaim
de typh.
gen. hum.
c. 19.

Legimus spicam farris è naso mulieris Aretinæ aliquandò prodiisse. Recede à me paululum. Etiam tibi ex naso spica prodit, sed profectò haud probi odoris (totus nicotianam ferinam olebat & non cessabat

In naso pressum digitis extendere patum.)

Quid verò Latinis *pica* sit, cùm nescias, in vernacula à carissima tua costa addiscas. Ita pudore suffusus, *ut iniqua mentis asellus*, auriculas dimisit, & ne verbum quidem amplius hiscens cum pravo & non parvo naso (*con un palmo di naso*, dicunt Itali) sese subduxit. Faciebat hic locum alii importunè intranti: Mendicum putabam, ita querelas movebat. Facie velatâ magni doloris speciem subibat. Ecquid inquam Vir bone mali te affligit? an dente doles, an gutture, quod genus habeas fasciatus? neutiquam, ait, mi Domine, *Doleo truncas inboneſto vulnere nares*, quas pudor jubet obvelare. Venio petiturus consilium. Sociis quotquot ad Parnassum comites fuere, nasus rediit, si non suus, tamen alienus, mihi heu dolor! nullus (*non cuicunque datum est habere nasum*) quia in nasorum à Satyris redditorum farragine fortè unus compertus est defuisse. Cœpi consolari hominem, & dixi, quod solatii causam non unam haberet in malo esse ipsam mœdelam mali, amisisse nasum non cervicem, potuisse fata pejora manere, recepisse alios quidem nasum, sed & quemlibet suos pati manes, satius esse nullum quàm pessimum, & ex privatione hac redundare quoque

que fructum non exiguum. *Nunc & damna* Martialis.
juvant. Narravi Imperatorem Tutcarum *Selimum* sibi fecisse refecari prolixiorē, quam
 gestabat Mystacem, id quod ejus Patri, &
 Proavo fuerat in more; rogatum à consiliariis
 facti causam respondisse, patrem suum instar
 fatui barbā pro lūbitu à suis ministris traductum
 fuisse, hoc, ne si sibi contingat impedire. Ve-
 rùm addebam, quia nasum quoque sibi rescin-
 di non fecit, postmodum adhuc pejùs naso
 ductus est, ut hodie pluribus maximè nasutis
 non rarò amat contingere. Vir bonè nasum
 non habes, nemo igitur imposterum te eo po-
 terit ducere. Memorant Chronica Anglica *Eb-
 bam* Abbatissam sibi suisque monialibus, nec
 non alias ipsius regionis honestiores Virgines
 nasum sibi decurtasse, Danis in Angliam ir-
 rumpentibus, ne pudicitiae facerent jacturam,
 quam & hoc stratagemate factam tectamque
 servarunt. Ita commodum est privari naso.
 Olim Iutetiae Parisiorum illis qui ad triremes
 damnabantur, abscindebatur nasus, & sic mu-
 tilati catenisque vincti per viarum compita du-
 cebantur in spectaculum. Meditare tibi adhuc
 constare libertatem, neque ad triremes esse dam-
 natum. Quibus quidem inductionibus haud
 acquiescens replicat: Juvenis sum, foeminam
 meditor. Et quæ mihi nubet sine naso? nosti
 enim quid dicatur de nasorum peculio. Res-
 pondi puellarum ubique immensam multitudi-
 nem, & in illa procul dubio innumeras esse,
 quæ & non nasato nubent, modo multa pos-
 sideat agri jugera, multā magnāque paropside

88 RAPTUS ECSTATICI

cœnet. nec non nummorum satis in arca servet. Tunc fane

Juvenal.
Sat. 6. l. 2.

Ocijus illud

Extorquebit, ut hæc oculo contenta sit uno.

Apud Eze-
chiel c.
23. v. 25.
Saxo Hi-
stor.

Joseph.
l. 24.

Et quidni facie sine naso? vidi cui in conflictu glans plumbea crus alterum, & cui ex intensiori frigore sphacelus utruinque pedem Abstulerat, & tamen *Hymenæum* habuere faventem. Nasum amisisti non in pœnam adulterii, quæ apud Ægyptios erat, & quam quoque Hierosolymitanis minatus est ipse DEUS. Neque pellicatus eum tibi sustulit sicuti *Hialto* nasi præcisione pellicem de amoris successore percunctantem mulcavit. Neque etiam, quod hodie non rarum est, cancer gallicus eum absumpsit, ut proin causa pudoris tibi haudquamquam superfit. Habuisti tui similes vel in regum familiis. Rex Judæorum *Hircanus* per proprium fratrem naso privatus est. *Leontius* & *Heracleon* Cæsaris *Heraclii* filii nasum amiserunt. Non est igitur, quod hanc jacturam admodum defleas. Adde quod perspiciliis tibi non sit futurum opus, siquidem ut Itali dicunt. *A naso tagliato non bisognano occhiali*

Verum enim verò discursus hic serio-jocosus non tam solari, quam irritare magis hominem videbatur. Rogavi igitur, num & prædestinationi fidem haberet? utique habeo, ait, & vel cum capitis mei periculo defendo. Crede, ajo, & cogita nasum tuum ab æterno ad recessionem esse prædestinatum, nec non, ut instar chelarum canceri novus tibi non succrescat.

IN MONTEM PARNASSUM &c. 89

cat. Hæc meditare in solatium. Quod nisi sufficiat, vade ad *Rhinotectum* magnum caufi- & naficum. Ille te sine naso non dimittet,

Artificique tuum ducet sub pollice nasum.

Abfit aut ille ad talem *nasifabrum* me convertere. Tibi assentior, & prædestinationi, quæ sufficiens mihi in adversis præbet solamen, plenissimè acquiesco, ita cum multa gratiarum actione discessit.

Gaudebam me importunis hisce Sociis jam liberatum, & concludebam mecum, neminem ex ista nasatorum turba deinceps ad meos affatus admittere. Et ecce magno impetu *Belalia* furore quasi abrepta in conclave irrumpit, imò ferè in faciem, ore spumante acclamans: Tolle mihi hunc nasum, redde meum, quem *pica* abstulit. Sit quæcunque velit novo naso contenta, minimè ego. Meum volo, aut tibi ex facie hisce unguibus discerpo tuum. Non patiar sic me ludi. Noveris me primari Viri esse filiam. Pater meus *NasICTus* ex iis est, qui rabiosa fori jurgia tractant. *Cerberum forensem* appellat *Petronius*. Ille nasi restitutionem in integrum te mox docebit mandato sine clausula. Lex enim est irrefragabilis, spoliatum ante omnia esse restituendum. Certè primò aliquantum turbatus metuebam, ne insana mulier in vultum involaret. Oculi namque ipsi scintillabant. Ad meam igitur defensionem me à sede erigens vultum cum voce severiorem formabam. Quis inquam furor te precipitem agit lymphata mulier, ut tam impuden-

ter os in me solvere ausis? quid ad me nasus tuus? hunc unde potes, repetas. Num verò illius me custodem fecisti, ut eâ audaciâ exigas? Nasum te habere video non inficetum, an alium desideras? illa subsidente jam primo æstu iram mutabat cum lacrymis, & excusato, ait, mi Domine hunc iracundiæ impetum, quem mulieris impotentia impatientiæ juncta extorsit. Videor tamen justâ querelarum causâ non carere. Pristinum nasum meum commendabat elegancia, benè factum, politum, & hætenus semper (cum pro Virginitatis jugo maritalè nunc nubilis ætas exigat) delicatè curatum. Solvebatur in lacrymas, & verba suffocabat singultus. Ita memoria expetiti, austeritate tamen Patris hætenus suspensi conubii conturbabat puellam. Nempe ut canit *Owenus Batavicus*.

*Virgo tribus lustris, ubi ires superaddidit annos
Nonne sat est? quid me dicere plura jubes?
Virgo licet taceat, pro virgine nubilis ætas
Exigit, & patrem vel sine voce monet.
Ora petunt, roseæque genæ, tumidaque papillæ,
Solvitur in tacitas tota puella preces.*

Tandem deservente mentis orgasmo vocem redditam in ulteriora de naso lamenta solvebat, quæ versu *Juvenalis* parum mutato non inelegans erit exprimere:

*Ast en deformem & tetrum ante omnia nasum,
Dissimilemque meo, deformem pro cute pellem,
Patentes nares, & tales aspice rugas*

Quæ

IN MONTEM PARNASSUM &c. 91

Quales in vetula sibi scalpit simia bucca.

*Quàm rudis & simplex, quàm carneus, & ma-
lè cultro*

Formatus, qualem donat natura Menalcæ.

Balde.

Apage hunc nasum, redde meum. Novus iræ redeuntis motus faciem rubore suffundebat. Tempus est inquam *Belalia* motus componere. Non mihi aut meæ *pice* sed tuæ, quæ Nico- tianam deperis, necesse est hanc nasi scditatem exprobres. Huic lis injicienda. Hæc tra- ctanda, ut ineretur. Hæc naribus expellenda, & nasus formam recipies novellam. Si verò refractaria eidem valedicere detrectes, quid na- si elegantioris doles jacturam? quid desles in eo rugas, quas & ætas ultro in eo exarabit? *Forma bonum fragile.* Quid iste nasi nitor, quem & ipsa atteret senectutis caries? *Non semper lilia candent.* Memento plures tuæ condi- tionis esse Virgines, quibus nasus modulo ad- huc longe deteriori formatus est. Verùm hæc dicta surdam non magis quàm caute move- bant, unde alio Achille meditabar expugnandam, ne sine solamine à me dimitteretur. Te- rebat *Belalia* non rarò horas in lectione libro- rum gallicorum, imprimis illorum, quos *lê- tres galantes* vocant. An non recordaris in- quam te in iis legisse, famosissimum in Gallis Ducem de *Roquelaure* nasi scditissimi & maxi- mè simi virum aliquando nactum esse in itine- re socium nobilem quendam ex *Averoia* nasi adhuc longè scdioris. Quibus proin mór sin- gularis amicitiae scdus conciliavit nasorum Sympathia, & huic in aula Regia hunc præsti- tit

Tom. 6.
p. 387.

Tom. I.
lett. 42.

tit favorem, ut quem liti gravissimæ hæctenus inter plures annos finem invenire non poterat, mox repperit. Talem relationem nasus habet ad nasum. *Patinus* grandi & aquilino naso insignitus fatebatur se singularem Sympathiam habere cum nasus grandioribus, & odisse simos, plerumque putentes & cimum instar foetidos. Tanta est concordia nasus. Jam igitur inferebam, cum passim major sit apud vestrates *Cyparissos* nasorum similis cum tuo conformationis numerus, major quoque illorum ad tuum erit sympathia & magnetismus, quo plures in tui venerationem pertrahes, & quæ cum naso pristino sponsum nacta non fuisti, cum isthoc brevi tempore fortieris, id quot, ut audio, tibi votum est unicum. Nunquid hoc grande ex naso beneficium? illa albos ostendens dentes blandulè subridebat. Si vera, inquit, narras, ut te narrare satis capio, valeat nasus pristinus; hunc quem habeo, retinebo. Utinam tantum eum à me nulla alia repetat! *pol! quid non persuadet Hymen?* Hisce dictis præviâ reverentiali corporis inclinatione, oblatoque more Bata-vorum osculo, quod tamen Germanus respuebam, lætior non sine naso obiit. Vos nobiles-nobiles que puellæ tabacalis aspergine thecæ

Eclipses vestræ nolite inducere formæ.

Bellaliæ exemplo bellæ aliæ sapient. Nemo Virginis nasum intabaccatum deperibit, nisi ipse sit intabaccatus, id est, ut Itali appellant, stolidus. An talis inter nasos tabacoprophoros sympathia & magnetismus sit, alii per experi-

perimenta scrutentur. Mihi *rem lepidam narrare libet.*

Sistet se nunc *pro vero conficta doloris imago.* *Mirbellæ* Virgini patritiæ debilioris texturæ est cerebrum, at præpotens phantasiæ dominium *Jatrophila* semper se ægram putat, nisi Medici sui utatur guttulis, semper Medicando & nunquam ad Sanitatem perveniendo. Semper habet, quod causetur. Si fuerit spaciata, de lassitudine conqueritur. Si plusculum ederit, de dolore stomachi, si longius dormierit, de gravitate capitis, si, quod sæpè fit, excanduerit, de totius corporis alteratione. Ubi morbum audit epidemicè gassari, jam se infectam putat. Ubi amicam fatis cessisse intelligit, se proximè secuturam ingeminat. Ad hanc cum forsitan rumor detulisset, virginibus, quæ à pixide capsulaque tabacaria pendent, nasos esse mutatos, jam & se, quod tabaco uteretur, nasum habere, qui pessimam cum sua forma faceret mixturam, mordicùs sibi persuadebat. Imprimis cum talem ipsi *Morpheus* sub turbulento prioris noctis insomnio ex ideis per diem fortius impressis affinxisset: identidem igitur speculo arbitro eum examinabat, & ultra mare Caspium devovebat. Miris lamentis & gesticulationibus horas perdebat. Veneri vota faciebat, & Domina inquit Venus, si pristinum nasum recepero, tibi Hecatombem donabo. Ita *quidquid queritur, optimum videtur.* Pergit querelis. Alia nunc, Dii noverint, quæ tralatitiâ pulchritudine & naso meo sibi fastum facit, hic mihi pudorem. Ah ut olim nasum meum conspexi lubens, sed hunc cum dolore!

quid

quid moras traho! quidni novaculam impono, & præscindo enorme nasi tuber? plura volebat proferre, & credo præteritis ineptiora, cum à domesticis consultationis causâ accitus conclave ingrederer. Hæc statim converso ad me vultu sic orsa est. Nasus meus mi Domine omnibus simulacris erat emendatior, qualis decuisset *Venerem Marti* blandientem, nares paululum erant inflexæ, quales *Dianam* habere credidit *Praxiteles* ejus statuam exsculpens. Quid est amica, inquam, quod cum proprio naso litiges, aut quid ei maledicas? non meo ait *Mirabella*, sed alieno id facio. Non quem vides meus, sed alienus nasus est. At ego. Mitte fabulas. Qui quem geris, alienus nasus esse potest, & quem gerit alia, tuus? lusus ille phantasiæ est. Neutiquam ait illa. En tabulam, in quam peritissimus Bataviæ Appelles *Vandyckius* olim vultum meum transtulit, in quo nasus à meo nunc omnino alius conspicitur; certè repetebam, phantasma illud est cerebri melancholiâ distorti. An prototypon serviet copiæ, an hæc illi? crediderim potius errasse penicillum, quàm ab antiqua formatum aberrare nasum. Et quæ amabo *Circe* nativo tuo nasum substituisset alienum? quæ fodes indicia? maxima sanè adsunt, ait *Mirabella*, nasus meus sanguine nobili erat ortus; Hic nescio quali, fortassis olitoris aut Cerdonis. Nasus meus tenerrimus erat, quem

Ex samia argilla genitrix formosa creavit.

Hic rudis ex vili luto fabricatus est. An ergo in-

IN MONTEM PARNASSUM &c. 95

inquam in sanguine ponis discrimen? an iste è vena foeminæ nobilis & rusticæ emissus disparitatem ostendit? aut num carnea utrumque nasi pulpa differt? concesserim tibi claro stemmate natæ eum fortè à perdicibus ac phasianis accepisse nutrimentum, illum autem è pulte ac fabis. Sed an proin naturâ & excellentiâ utrumque immensum discrepare putabis? uterque herculè inter pares uteri fœces olim suscepit prima sui stamina, & simile accrementum. Eundem aërem hætenus inspiravit, ut quid proin prærogativæ inde nasus nobilis susceperit, non capiam. Concesserim fortassis hoc unicum, quodd hætenus tabaci suffitu, ut putas tuus recreatus fuerit, rusticus verò ille auram stabulariam susceperit. Etiam non rarò nasus in casa educatus & à fortuna ad aulameductus æquè altè suum extulit apicem, quàm si in palatio natus fuisset. Attende quid dicat Romanus Sapiens: *Eadem omnibus principia, eademque origo. Nemo altero nobilior, nisi cui rectius ingenium & artibus bonis aptius. Unus omnium parens mundus est, siue per splendidos siue per sordidos gradus ad hunc prima cujusque origo perducitur.* Par igitur utriusque nasi origo. Quid est quod eum super alios fastuosè elevas? aut tuum melioris materiæ aut moduli æstimes? animus facit nobilem, non nasus, neque qui ante nos majorum fuit, noster est. Nemo in gloriam aut fastum nostri nasi vixit. Cujus nasum melioris conditionis putas, aquilæ an ciconiæ, quod illa in aulis principum sæpè educetur, hæc in tectis villarum rusticarum? stolidum est crispare nates aut attollere, quò

L. 3. de
Benef. c.
28.

96 RAPTUS ECSTATICI
quò alios despicias. Nasos servarum & Domi-
narum eâ lem.

*Materiâ constare puto paribusque elementis.
Neu credas ponendum aliquid discriminis inter
Et pellem atque cutim.*

Verùm non hæc dicta velim tibi, sed naso tuo, quem putas, alieno. Quamvis non dissimilem, querelas istas plus superbiæ, quàm rationis habere, & risu potius dignas quàm commiseratione. *Mirabella* rubore suffusa rationibus videbatur cedere. Unde relicto hoc nobilitatis themate ad aliud mox profiliebat.

(Nulla diu, quamvis præstans sibi fœmina constat)

Verùm, ait, nasi mei formula erat elegantior. An nescis à pulchro vestibulo ornari domum, & faciem à naso? hic mihi erat albicans, quali qui donantur, *Plato & Plutarchus* ceu Deorum filios honorabant, & jam me quoque veluti Deam colebat juvenus, quam nunc vix aspicere dignatur. Præterea & magnitudine speciosus erat, qualem decori esse puellæ nobili
Cant. 7.4. Sacræ litteræ fidem faciunt, nasum sponsæ turri *Libani* comparantes. Omnes majores mei naso verè *Maximiliano* se spectabiles præbuerunt, ut eorum in triclinio suspensæ monstrant effigies. Aluit familia mea

Stirpe Deas & fronte Deas, nasoque potentes.

Et ego sola paternæ gloriæ exsors humili naso
de-

degenerem? apage hoc nasi propudium.

Hæreat in stultis brevis ut semuncia nasi. Persius.

Sed ô dementiam! replico. Mors æquo pede pulsat pauperum regumque nâs. Inspiciamus non icones, sed avitas tumbas. & in eorum nâs oculos intendamus, an putas nos agnitu-
tuos, num simo an aquilino fuerint? Mortuorum Ossuaria curiosius perûstra, an nasi Sceleton nobilis ignobilisve discrimen faciet?

*Mors sola fatetur,
Quantula sint hominum corpuscula,*

Et multò magis quantuli nasi. Imò quod magis est.

*Quot statuas similes tibi continet urna feralis,
Quæ naso careant, quamvis venerabile fractum?*

Quæcunque naso sit forma, aliquando ejus cadaver nausea erit nariumque pestis. Mitte igitur inutiles nâias. *Non semper lamenta juvant.* Sive natura sive casus nâso impresserit formam, perinde est, modò à vitio non fuerit deturpatus. Si autem inhærens tabaci catharina cum tibi mutârit, illi renunciato. Non accepisti pravam formam, si quam habes fecisti. Et sanè nisi planè cœca es, natum sat ingentem obtines. nisi quæ nunc dixi, planè non intelligas. Vale. Aliò nunc me vocant negotia. Cras saniori mentè & naso te ostendere spero. Sic discedebam, *Mirabelle* relinquens solitudinem,
G. quæ

98 RAPTUS ECSTATICI

quæ melancholicorum paradifus eft. Illa tamen hæc altiùs ad animum revocans thecam abjecit tabacariam, & fic paulatim reflruit. *Tanti eft fapere & abftinere.*

Balde.

Vos moneo, quibus eft fervandi cura decoris, Perdendive metus, ne fit Nicotia cordi.

Graviffimus phantafie eft ictus, qui nafum percellit, nam

*Nihil eft, quod credere de fe
Non aliquis poffit.*

Mihi comperta referam. Novi ante plures annos juvenem bonis literis imbutum, inque omnibus fapientem, fed

Obftipo capite & figentem lumine terras. !

Sal. Muf.
l. 5. p.
265.

Quodd narès fibi immanè foetere crederet. Novit pariter Jurifconfultum fpectatiffimum eadem foetentis nafi (five vera five imaginaria fuerit mephitis) phantafia aliquot menfibus laborantem. Utrumque intra annum Libitina, illum contracta ex affectu melancholico tabes, hunc febris acuta è vivis fuftulit. Narrat *Bidermannus* quendam intempeftivâ phrenitide delufum fibi perfuafiffe, nafi promontorium ultra decem pedes procurrare, quare fi qui primum ædium limen tangerent, vociferatum, cautè accederent, ne immeritum nafum improvidi calcarent. Tantum virus habet phantafie ludentis impressio, cui nec tota fufficit

An-

IN MONTEM PARNASSUM &c. 99

Anticyra. An qui nasum se habere putat aliis magis nobilem & generosum, & delicatioris materiæ, & elegantioris moduli, non quoque insaniat, alii judicent. Tabaco saltem Helleborino hi uti poterunt non invito *Apolline*. Dico cum Baldeo.

*Nares hinc poterit, per me licet Olpa sagaces
Tendere vel sursum, vel versus labra deorsum,* *Virgilius.*
Posse dari doctos non credo Rhinocerotes.

Verùm jam à *mirabellæ* visitatione redeundum est domum, ubi ad fores me expectabat puella nubilis, & juvenis, cui *barba erat incipiens*. An fors illos junxerit, an notitia, aut familiaritas, non dixero. Non infrequens hic casus est, ut unà plures medicum accedant, consilium petitori. Loquebantur invicem & querelas reciprocabant. Hic illi ingeminabat illud *Maronis*:

ô Virgo nova mi facies, inopinaque venit.

Illa huic:

Nos quoque floruimus. Nasus fuit ille caducus.

Cesserat Virgini infelici cambio nasus aduñcus; Juveni autem pro statura corporis grandior longiorque, quo uterque liberari votis omnibus expetebat. Utriusque singulatim erant audienda verba. Illius primò locus dabatur. *Nezilla* igitur, (hoc nomen puellæ dabimus) tradis è pectore suspiriis sic ad me: Dederat na-

100 RAPTUS ECSTATICI

tura nares graciles atque pusillas, casus in Parnasso retribuit nasum aduncum, nasumpsit taci sive picæ exoticæ, felicioris connubii certo certius futurum Averruncum. Jam mihi facta prævideo iltius apud *Terentium Phanocratæ* filiæ, quam sibi à matre *Sofstrata* his quidem verbis recommendatam :

*Nate mi ego pol tibi dabo illam
Lepidam, quam tu facilè ames, filiam
Phanocratæ nostri.*

Renuebat *Clitipho* hoc ad Patrem *Chremem* responso :

*Rufamne illam Virginem Cæsam sparsa ore
Adunco naso? non possum pater.*

Rogo igitur & obtestor, ut qui variis nasus jam medicinam diceris fecisse meo etiam facias, ne sædita hæc fortunatis nuptiis ponat obstaculum.

Miratus *Nezillæ* candorem in detegendo cordis desiderio, quod aliàs sat astutè noverrunt velare puellæ. Non putem, inquam, virum prudentem propterea averfurum tuas nuptias. Profecto. qui sale non caret, dicet cum vate:

*Quenam est hic culpa puellæ,
Si tibi displiceat nasus?*

Juven. 1.
2. Sat. 6.

Sollicita es,

*Tanquam hic fame discrimen agatur
Aut*

IN MONTEM PARNASSUM &c. 101
Aut animæ. Tanta est quærendi cura decoris.

Verùm crede mihi, hujusce

*Nulla viro cura interea, nec mentio fiet
Damni.*

Modo aurum argentumque attuleris.

*6 Virgo, virgo, quærenda pecunia primùm,
Nasus post nummos.
Protinus ad censum. De naribus ultima fiet
Quæstio.*

Non ignoro, parentis tui arcam hisce refertam,
unde facilè in ampla domo nasus tuus locum
inveniet. Exspecta nonnihil, & consilium non
ingratum suggeram. Interim pro solatio sit ta-
lem nasum fuisse scæminis nobilissimis.

*Antoniaque, & Julia, & Calpurnia,
Cossutiaque, & cum Mamaa Octavia,
Etiam Sabina, & Arria, & Cornelia.*

Nasus venustus incurvus ait *sidonius*: qualem ^{1. 1. Ep.}
& *Elisabetham* magnæ Britanniaë reginam ha- ^{11.}
buisset referunt.

Tum conversus ad *Neorbinum* (sic juvenem
appellabimus) rogavi, quæ causâ ad me com-
pulisset. Ah inquit molesta vultui nasi moles,
quæ aut Deus capripedes aut horridum *Bru-
tærum*, non mei statûs adolescentem, dece-
ret. Vix per plateas audeo incedere, quin il-
lum

Extenti monstrent digiti, risusque sequantur.

Cui subridens ego. Iniquissime mi *Morbine* conquereris de naso, nunquid ut canit *Persius*.

Pulchrum est digito monstrarier, & dicier hic est?

Nasus iste non unum tibi tribuit beneficium, quod plurimi tali naso, si pretio vœniret, coëmpto libenter sibi vendicarent. Magnus nasus signat prudentiam, imò, ut *Barlaeus* canit, *demonstrat nasus vicinior ori magnanimum*. Unde Oneirocritæ eum, qui se magno naso per somnium viderit, magnâ in rebus agendis solertiâ & sagacitate fore promittunt. Nunquid hanc gloriosam affectas? Dicant te grandem possidere nasum, modò adjiciant eum esse sagacem. Longitudo nasi id prærogativæ habet, ut calices evacuando eum propius fortiusque odor vini feriat. Memorant notissimum Polihistorem & Poëtam Georgium *Buchananum* insignem Oenophilum meri intemperantiâ sibi accersivisse hydropem, quo ad extremum turgidus cum amplius bibere non posset, situlam vino plenam ad tectum poni jussit, ut ejus saltem odorem naso attraheret. Nunquid apud hunc prolixior nasus magnam gratiam habuisset?

Jac. Balde. *Magnas afflat gravis amphora nares.*

Talem singulari privilegio obtinuerat *Vatinius*
inter-

IN MONTEM PARNASSUM &c. 103.
futor Bereventanus, qui teste *Juvenali* Sat. 6. l. 8.

Siccavit calicem nasorum quatuor.

Verùm nondum tibi nasus est vatinianus. Ne-
que etiam *Silii* apud *Martialem* L. 2. Ep. 8.

Qui pene terram tangit, indecens nasus.

Neque Viri apud *Cl. Bartholinum*, qui adeo Cent. 2.
Hist. 41.
fuit protensus ac pendulus, ut instar proboscidis galli Africani hinc inde cum corporis motu commoveretur. Neque tibi tanta nasi magnitudo est, quanta in Æthiopia certæ genti, *Isidoro* teste, labii inferioris, quod ultra ulnæ mensuram ab ore propendet, ita ut ne putrescat, sale sit condiendum. Non est denique ea, quæ olim in Græcia *Proclo* nasi immanitas, qui neque nasum extensum digitis, ut emungeret, attingere, neque ejus sternuentis sonum auribus percipere potuit, quod ita reddidit Latinè Anglus acutissimus *Thomas Brownius*.

Pseudoc.
l. 4. c. 9.

*Non potis est Proclus digitis emungere nasum,
Namque est pro nasi mole pusilla manus.
Non vocat ille Jovem sternutans, quippe nec audit,
Sternutamentum tam procul aure sonat.*

Nulla itaque Tibi est querelarum causa. Sit

*Nasi rudis indigestaque moles,
Nec quidquam nisi pondus iners.*

Da operam, ut sale prudentiæ condidatur. An nescis nasum majorem esse nasum Basilicum seu regium, quem proin Itali appellant *Naso imperiale & Massimiliano*? Cujus appellationis tibi referam originem. Constat Glor. Memor. Imperatorem *Maximilianum* majore naso vultus augustissimi decore intignitum fuisse. Dum igitur aliquando liberam quandam Imperii Rom. urbem ingrederetur, incolæ artifices, quod scirent eum arte factis admodum delectari, cæsaris imaginem variis modis adornârunt. Alii Etthigiem ex ligno affabre excisam, alii encausto artificio pictam alii cerâ eductam, sed omnes cum decumano naso Cæsari præsentabant. Quod quidem prinitus non reprobabat, singulorum dexteritatem largiori dono remuneratus. Posteaquam verò quæstus causâ ejusmodi simulacra, effusâ nimirum copia indies magis magisque fingi, & importunè offerri animadverteret, ecce per Deum, inquit fatidians, quàm probos speculorum fabros urbs hæc alit! quilibet, qui ingentem novit fabricari nasum, eum vultui Cæsareo adaptat, & nobis eo cupit gratificari. Atque sic deinceps nemini permisit accessum.

Tu autem, pergebam, *Neorhine*, non indiges ejusmodi artillis nasificis, neque necessum est Norimbergam petas, talem primæ magnitudinis allaturus. Gratis tibi obtrigit nasalis Majestas. Nullo pretio cor stetit nasus Imperii. Habes igitur quod de nasi peculio potiùs gaudeas, quàm tristeris. Ego tibi congratulor.

Mutato naso crevit tibi, mascula forma.

Nasus hic esse viram te quoque testis eris

Par-

*Parvus erat, rediit magnus cum fœnore nasus.
Plaudite, dat nasos Nicotiana novos.*

Quibus dictis arridere *Neorbinus*, obtutos oculos in ingentem nasum deprimere, & in cute gaudere de nasi obtenti fortuna. Cui ego unâ in Virginem oculos dirigens. Hæc sanè adhuc tuis posteris major contingere poterit. Si enim quam tecum adduxisti naso aquilino dotatam nuptui duxeris, futurum polliceor, ut pater proles generes nasatissimas, quibus insit & nasi paterni longissimi & materni adunci perfectissima imago; imò spondeo adhuc major soboli accrescet. Neque dubito, quin singularis nasorum & naturæ convenientia vos unâ huc ad me duxerit. *Omen habet nasus.* Abierunt læti & jam abunde contenti naso duplicato. Ego verò cum amico gaudebam magis, quod tandem nasatissimorum importuno accessu essemus liberati. Cœtera turba ad alios medicos confugit. A quibus an felicius nasum obtinuerint, nunc intelligetis. Narrabo non inficetam comædiam, sub qua seculi mores, & turpissimas Medicaltrorum imposturas, nec non vulgi credulitatem veluti in scena repræsentata conspicietis.

Eugeria Menelai divitis in Batavia mercatoris uxor Parnassum quoque cum reliqua turba visitaverat. Longiori itinere lassata & quod potissimum, cum alieno naso domum redibat eo tempore, quo ancilla prandii officium exequabatur, jam jam reducem ex domo mercatoria Dominum prætolans. *Eugeria*

sine præfatione arripiens sedem ad focum se componit, adhuc tota anhelans. Ancilla fœminæ sibi ignotæ imaginem, & quod ita liberè intrâisset, mirata audaciam sciscitatur, quid peteret aut cujus esset. Cui hæc : num *Berta* dominam tuam non nōsti, aut num oblita es reverentiæ, quam debes, ut his verbis reducem ausis compellare? ancilla fatuam rata, quam vel fors eò deduxisset vel Bacchi impetus; Exi hinc, ait, vesana mulier, ne temetipsam verberibus victimam præbeas hero jam jam domum redituro. Quis ejusmodi larvam pro Domina agnoscat? quid, ait *Eugeria*, insolens bestia, heram tuam ex vultu ore & voce non agnoscas, & salvam advenisse gaudeas? actutum jubeo mihi assurgas, crepidas, & Japonicam abollam offeras, potumque Caffée lassatæ præpares. Interim vario & promiscuo clamore tota concita domus ultra advocârat accurrentes vicinos, qui omnes veluti quodam monstro confusi nil nisi mulieris nasum intuebantur, & in risum soluti fabulæ expectabant exitum. Nemo enim non mulierem hanc advenam pro delirante habebat, quamvis vox ipsa heram non obscurè præderet. Natu major filia ingenti stupore rigida stabat, quasi *medusam* vidisset. Alienus nasus non permittebat matris agnitionem. Attamen hæc paulò astutior suis non fidens oculis cœpit à muliere indagare nomen. At illa filiam exæstuantis vultu intuens, nescis, ait, & non nōscis me tuam matrem? necesse est vos cœcos esse redditos in hac domo & vicinia, ut vultum vobis tam familiaria-

miliarem non agnoscatis. Ipsamet autem nesciebat se alienum nasum præferre, eumque satis grandem, sub receptionis tumultu sorte oblatum, qui physionomiam penitus distorserat. Quid stolidissimâ inente, ait, detrectatis recipere vestram Dominam & matrem? Ego illa ipsa sum vestra *Eugeria* non ita pridem domo ad Parnassum profecta. Jam incidebat omnibus rumor de novis nasus ibidem receptis, unde non obscuris indiciis agnitam intenti aspiciebant omnes. Campanula foribus appensa sonitu nuntiabat venientem hospitem *Menelaum*, cui tumultus in ædibus orti jam perceptus rumor alas addiderat. Crederes *Persei* spectasse parmam, tam repentino frigore novus uxoris nasus viri vultum immutabat. Non ille more suo in amplexus conjugis ruebat, incertus eam pro sua recipere. Inspiciebat nunc in eam, cui longæ fidei experientiâ credebatur, nunc in filiam, & ipsam non minimâ perturbatione attonitam. Tandem non expectans stupentium voces & relationes (historiam enim rei in Parnasso actæ jam fama aliunde ad eum detulerat) sic ora solvit. Prò quæ *Circe* vultum uxori abstulit, & novam speciem induxit, ut nec liberi matrem, nec ancilla Dominam, nec maritus uxorem agnoscamus? ah sicine omne nasi pristini artificium cecidit? sed quid! fortassis & fallor, nec hæc mea uxor est. Imò sum ait *Eugeria* marite suavissime, non dubita meâ fidelitate fretus. Si es, ait, *Menelaus*, monstra signum meæ tibi olim datæ fidei annulum. En ait *Eugeria* ipsissimum, nisi & iste oculis vestris fascinatis fortasse illudat. Maritus
eam

eam jam conjugem agnoscens osculum ferebat. Unde mox altum silentium, & vicinorum turba ex ædibus musitans discessit. Jam soli stabant domestici animis adhuc suspensis; & ad se invicem converfis vultibus, tacitè secum quærentes, veròne casu an per insomnium ageretur. Cùm jam multa invicem disputassent, nullumque amplius de *Egeria* dubium restaret, hæc in profusissimum risum soluta causam quærit, quod speciem suam non novissent. Et quis ait *Menelaus* te agnoscat vultu tam deformi mutatam, ut *Tysiphone* sororem te potius crediderim, quam ineam uxoreculam, jam ingens & flammeus tibi nasus est. Eja secede mecum in triclinium & speculo indice disce veritatem. Illa actutum eò provolare, & vultum conspiciere. Ô quis derepente clamor? quis planctus! quis ejulatus! illa arripere cultrum, naso minitari novum casum, & extrema fata, detestari Apollinis sententiam, maledicere Satyris, execrari demum pixidem tabacariam, quod nasum ita transinuasent. Ad quem Diabolum aut ad quam furiam, ait, iste nasus pertinet? Ô me infelicem! non mirum, me à vobis agnitam non fuisse. Jam me ipsam non noscitur. Nasi novitas aliam vultui formam induxit. Morior nisi meum recepero, nasum tam bellulum, tam comptulum, ab omnibus ita cultum. Ô nasi monstrum! Ô vultus propudium, Ô Apollo! Ô Mercuri! Ô Satyri reddite mihi meum nasum. Maritus uxorem tantum non desperatione agi, & jam dolore elanguescere, jam quasi furiis lymphatam exagitari dolenter spectans (tænera namque passim Batavorum

IN MONTEM PARNASSUM &c. 109

erga uxores est devotio) jubet moderari animi impetus vitæ funestos Pacatiùs, ait, corculum meum, pacatiùs adhuc consilio est locus. Omnem admovebimus machinam naso isti novo evertendo, & restituendo, qualem desideras, elegantissimo. Novisti *Rosindæ* nasum, qui tibi talis formæ placet? aut quæ etiam *Callionie* nasus nitidissimi moduli? elige quem vis emendatissimum, reddemus. O quàm tum eris nasutula, quàm blandula, quàm bellula, tales, pluresque ineptias (etenim consultus erat uxorem salubus placare facietis) recitabat, verbis abblandiens, ut aliquo solamine mulceret tumultuantem *Egeriam*, interim more patriæ, & suo uxoris lepidissimæ labia aliquot basiolis compressit.

ô Demens! ita servus homo est!

Juvenal.
Sat. 6. l.
22.

Ita est. Inquit *Mantuanus*

Quisquis amat, servit:

Fert domita cervice jugum.

Fert stimulos, trahit & bovis instar aratrum.

Eclog. 1.

Verùm hæc suspirans, imòque trahens è pectore vocem, quis amabo, inquit, nasum restituet? cui *Menelaus*. Nihil est mea columbula ita grave, quod sit extra *Æsculapii* potestatem, qui etiam apud nos extra mœnia non habitat. Nosti amicū nostrū *Laophenacem*, urbis nostræ Podalirium, ut multos vel ab ipso orci limine quasi fugitivos revocârit. Ille levi operâ nasum aut tuum aut alium arte quâ pol-

110 RAPTUS ECSTATICI
pollet medico- magicâ tibi reducet.

Ad imit.
Juvenal.

*Egregium populus putat atque peritum
Artificem. Quippe hoc crescunt nasi atria fabro,
Et crescunt quocunque modo, majoraque fiunt
Incude assidua, semperque ardente camino
Pharmaca, quo parat.*

Præstitit ante paucos annos navi ad Gronlandos operam Chyrurgicam, quorum nasos aquilone gelatos corruptosque didicit restaurare, & novos condere (*credat Judæus Apella*) domum reversus bullâ universitatis admodum splendida (diploma vocant) quam ipse nuper inspexi, renunciatus est Artis *Asclepiadeæ* Doctor. Nasorum namque fabricâ multum sibi questum fecerat, ut facile istum titulum (alicubi vili ære venalem) carè satis emere potuerit. Jam autem prò quantus cluit inter Medicos nostrates Practicus! nam quod majus est, curas callet Sympatheticas & magneticas, quibus vel ipsius Turcarum Imperatricis nasum, si expetis, per transplantationem vultui tuo inseret. Prò qualis est Uromanta? Omnia ex lotio novit divinare. Mittemus ad illum tuam urinam. Certus sum mox edicturum radicem tuarum querelarum dumtaxat hæere circa nasum. Diceret præterea cujus ille sit, & ad quem tuus infelici cambio transferit. Illi loquebantur, & ecce domum ingreditur *Laophenax*, à filia, quæ hoc patris consilium auscultaverat, clam accersitus. *Laophenax* Salute præmissâ & pileo vix reddito, ô Domina inquit propensior *Hygiæ* digna, quam nunc auersari visa est, gaude à me sana-

IN MONTEM PARNASSUM &c. III

sanari. Novi vel primo intuitu (à filia jam omnia callidè expiscatus erat) & vel in ipso domus limine morbi rationem. Ostende sis matulam. Exhibe arteriam. Omnia veluti è tripode Delphica tibi edisseram. Nunquid hoc est, quod dixi mea agnella, ait *Menelaus*. Confide *Laophenaci*. Ille callet tot naturæ (etiam *Machiavelli medici*) secreta, quibus te promptè sanabit. *Laophenax* egregiè concusso & limis oculis inspecto lotio mira, inquit, hîc licet observare phænomena. Nasum in urina conspicio peregrinum, ex quo ista animi pathemata tibi certò oriuntur. Nasus ille cum tui circulatione sanguinis haud quaquam consentit, quod docet arteriæ pulsus (hunc interim pollice explorabat) sanguis tuus non novit istam nasi alieni pulpam, & proin erubescit ad illius præsentiam, idcirco tam est rubicundus. Ô quam bellè quam exactè ista omnia ad unguem naturæ! exclamat *Menelaus*. Novi quoque pergit *Laophenax* Domina mea, quid desideres, alium elegantioris formæ nasum expetis. Illum tibi intra mensem procurabo planissimè novum, & ad omnem perpolitum, quasi è pixide. Nasum meum in succidanum dabo, nisi tuus tibi ad vota responderit. Jam *Egeria* blandulo & parvo ore (cujus ad decumanum nasum mira erat species) arridere, & oculos implere animi lætioris indicii. Quæ enim Nasipeta ad talia promissa non exulter? An ille crede, inquit, Doctor (passim in Batavia Domini titulum vulgus non adjungit) Amplissima erit merces, mihi ita benefecisse. Neque solum pro meo, sed plutium aliarum hujusce urbis fœmina-

112 RAPTUS ECSTATICI

minarum nasus unâ laborabis. Multæ namque mecum in eadem navi versantur. Ad quas ubi mei curati fama pervolârit, pariter accerferis, & vel ex solius nasi Therapeja dives & admirabilis audies *Æsculapius*. Tum *Laophenax* de-
dejectis oculis paululum secum meditari, quod remedii genus proponeret, & cum *Egeria*, quæ pro more non paucis Bataviæ fœminis fuero, libenter de medicina & remediis discurrebat; argutè confabulari. Novi, demum inquit, medicinam Virtute magnetico-sympathetico-magica præpotentem & magnitudinem expugnabit. Novisti serpentem quotannis veteres ponere exuvias, & novâ pelle vestiri. Novisti cancrum brachia quoque innovare, nec minùs cervum abjicere cornua, & novos eorum frutices induere. Cur igitur de novi nasi succremento addubites? ex hoc fundamento instituenda erit cura. Recipiemus chelas cancrorum contusas, addemus Raspaturam Cornu cervi, & cum serpentis adipe remiscebimus in formam linimenti, quo si nasus tuus emplastratur, vim regenerativam induet, quasdam indies exuvias deponet, hisque abjectis necessariò novus repullulabit; planè iustus, tener, delicatus, qualis te decet tam divitis mercatoris conjugem, & alteram velut junonem. En schedulam, quam *Recipe* appellamus.

Accipe serpentem pinguem,

Cape brachia cancri,

Incoque cum cornu cervi,

Fiatque malagma,

Ni tollat nasum, nodos ac tubera saltem

Leniet impositam, vimque experiere. probatum est.

Hoc

Hoc præparari facies in officina pharmaceutica. Verùm etiam opus est exactâ Diætâ, aliàs nasi radices facile suffocabuntur, aut degeneris nasi stolone aberrabunt. Ovis recentibus (nam & iis vis inest ad novam generationem) indies vesceris. Potum Thee, Caffée, & Chocolate bibes, quantum libet (*ô grata feminis diætâ!*) deambulationes non raras facies, imprimis ad amicas, vicinasque, quas eadem premit nasi iniquitas. Socias namque in pœnis habere dulce erit. Manè autem proderit oscitantem ignaviam molli thoro ad meridiem usque fovere. Quæ omnia novo nasulo robur & vigorem addent. Benè est, ait *Egeria*. Placet hæc diætâ, quam ex amussim exequar. Verùm hæc nondum, inquit *Laophenax*, sufficient. Sumendum etiam intra corpus est medicamentum renovativum, & restaurativum, quale possideo maximum, (scilicet ut ille apud *Tacitum Eudomus specie artis frequens secretis*) quod vel ipsam corporis humani arborem, ubi ruinosa est, potest resarcire. Hoc indies in usum erit vocandum. Tale nulli nisi mihi soli medicorum pater *Apollo* ex naturæ Sanctuariis deprompsit. Propriis manibus id elaboro, ne arcana publicata vilescant. Quod verò quia pretiosum est, casibusque dumtaxat desperatis destinatum, nec non lautæ tantùm fortunæ hominibus, nunquam apud me paratum existat, sed necessitate exigente semper recens, quia sic efficacius, conficitur. Et isthoc, ait *Egeria*, libenter sumam, modò utendi methodum edocueris. Dixi, inquit *laophenax*, medicamentum esse pretiosum, & à me recenter paran-

H dum,

dum, quocirca non grave erit, saltem medietatem sumptuum præparationi necessariorum præviè expendere, medietate alterâ ad curam absolutam rejectâ. Decem ad minimum in auro ducatos nunc enumerare placebit, quos necessum erit impendere, & ex meis totidem addere. *Egeria* ex hac inexpectata exactione vultus repente intumescens vario colore æstuebat. Videffes similem illi,

Qui fuit in vultu visæ sine veste Dianæ.

Auri exponendi improvisa necessitas subitaneum silentium imponebat, & jam subibat cogitatio, num satius foret novum nasum quàm aurum dimittere. Verùm mariti ambiguus non erat assensus. Amo te ait mea *Egeriola*, & quidni tantillum pro te auri lubens exponam; modò nasum ex voto recuperes? reclusâ itaque mox cistulâ depromptos decem ducatos *laophenaci* numerat, qui eos vultureis oculis & manibus sibi in perpetuum vindicans aurea promissâ, & spem optimi nasi reponebat. Verùm intentionem jam adeptus non diu morabatur, ut, quod spondebat, medicinæ præparationi quantocyus initium faceret. Osculo bis terque genis (nam & hic *numero* mos *impare gaudet*) *Egeria* impresso fidem firmabat, & vale dicebat. Vix domo erumpens, gestiente animo secum mussitabat. *Laus fraus muliebria sunt*, tam activè quàm passivè. Quis Diabolus mulieri nasum novum faciat? egregia hæc mihi hodiè est auri messis, quam iatis vel ex eo promeritus videor, quod stolidissimæ mulieris vanitatem

IN MONTEM PARNASSUM &c. 115

tatem consolatione permulserim. Excludenda jam porro nova erunt stratagemata, quibus honori meo succurram. Promissi intra mensem nasi pangentiam. Interim tali presentis assuetudo dolorem leniet. Tempus namque optimus est medicus, etiam phantasie depravatae. *vel Helenâ* formosissima quondam *Thersiti* paulatim assuescit, cur non deformiori naso *Egeria*? Dicam naso alio non succedente eandem agi melancholiâ, & totum morbum in imaginationis vitium conjiciam. Dicam nasum veterem jam abutum esse, quod ex urina & arteriæ pulsu enuncianti faciliè credet. Sic nostri partem, quæ restat, dimidiati non negabunt. Interim tincturæ ex auro renovativæ à me promissæ locum supplebit spiritus salis armoniaci volatilis ingenioso fucro croco tinctus, quod phantasie saltem satisfiat. Sic loquebatur sibi, ad alios ægros excurrens, quibus pariter futura palpum obtrudat & nasum fabricetur. Postquam *laophenax* discesserat, nunquid ait *Menalaus*.

Hic vir hic est, tibi quem laudari sæpius audis?

Prò quàm exactè ille nasum tuum in urina & arteria deprehendit? quàm eleganter de circulatione sanguinis disseruit? quàm egregia medicamenta præscripsit? felicem reputa nasum tuum, talis medici experientiæ concreditum esse. Sic maritus uxorem decipiebat, & semet ipsum *Vivitur hoc pacto sic novimus.*

Perfius;

Verùm vos simplicissimo simpliciores. Calendis græcis nasus redibit alius. Sic hodiè fert

seculum inter medicastros, qui ne furunculum quidem nasi novit tollere, vel integrum promittet nasum, si casus eum abstulisset. Tales *Laophenaces Charlatanos* pro dolor! concessio emptitii testimonii libello creant nonnullæ Scholæ, alit Regio *Vitabaca*, sustentant non uno in oppido civium fata & mortes. Utinam iis mens, quæ Satyrico:

Balde Sat. *Præterea tumidum non possum ferre Glyconem,*
 xv. *Unguibus & scissisque comis ac forfice summas*
Promotum ad cædes. Medicis nunc equiparat se
Tonsor heri, aut digito confundens unguen A-
liptes.

Verum successit ex voto cura. Abcessit *Egeriæ* nasi phantasia, & *laophenaci* curati honor.

Grandis erat tuus o vefana Egeria nasus,
Grandior est nasus, quem tibi Agyrta dedit.

Innumera per universam urbem & regionem nasis quærebantur auxilia, sed passim sine effectu, unde jam viis extraordinariis imò illicitis non unus medelam sollicitabat. Miseri enim, *Barclaus* inquit, aut anxii mortales terribilia & incognita remedia arcanam vim habere existimant. Provolarant cum turba, quæ ad *Parnassum* ex varia regione quasi classico convocata confluxerat, etiam *Nazenius* & *Nasibaldus* fratres, cum non proletario naso nunc in patriam reduces. Inaudiverant fortè in vicinia degere *Canidiam* penes quam esset

Nigra facundi Delphorum Numinis olla,

Quæ & de futuris ferre præfagia, & de præteritis narrare secreta, conjurare spiritus, certisque characteribus atque verbis omnis generis morbos imprimis à lemuribus & spectris illatos profligare potis esset. Accedit uterque benè acceptus. *Canidia* pacto curationis pretio spondet in crystallo ostendere, cuinam illorum nasci cesserint. Mox igitur in eadem adducit vultum peregrinum, non sine naso, & hunc *Nazenii* esse ipsissimum per quidquid sacrum sanctumque est, adjurat. Aquâ igitur lustrali (Dii novérint, ex qua scaturigine) nasum aspergit; centumque format signa crucis, hæc verba admurmurans:

*Haut, haut, haut, ista pista
Sista Damiano Danaustra.*

Id est, ut *Casparus à Reijes* explicat, multarum nugarum plurima plaustra. Intra paucos dies nasum exoticum certo certius ad *Alibantæ* iturum asseverat. Verùm nec aqua, nec crux, nec verba barbara nasum loco moverunt. Sic hic cum duplici naso, & non sine deceptæ credulitatis infamia ad suos rediit.

Accesserat eodem tempore quoque separatim *Nasibaldus*, novum nasum recepturus. Appendit illi alio superstitionis dolo è collo scedulam, quâ indubitato nasum peregrinum fugandum spondet. Sed nec hæc eum depulit.

118 RAPTUS ECSTATICI

Aperitur à curiosis periapton, inspicitur, & en
inscripta verba :

Strigiles falcesque dentate

Nasum huic stolidò amputate.

Conquerebatur apud me de hoc pessimæ vetu-
læ fūco. Respondi eum adhuc longè pejorem
nasum meruisse, quòd ad sagam medicastram
se converterit, ejusmodi schedas pacto Diabò-
li implicatas esse, nec verba à sagis Pharma-
centris quantumcumque etiam *Calecutica*,
quæ nec ipse Mexicanicus *Vitzipuzli* intelli-
geret, prolata vim in sanandis morbis nedum
nasus tollendis naturaliter ullam possidere. E-
tiam si illa apud *Gobatium* anus nocte mediâ,
lunâ plenâ verba naso tuo insusurraret, quæ
aliàs strumis tollendis adhibuit.

Cal 27.
n. 1003.
p. 716.

Quidquid video, crescat,

Quidquid hic tango, decrescat

Invisibile fiat, & pereat.

Non peribit illius magnitudo aut forma exosa.
ò grandem dementiam, undè malitiam in ho-
mine Christiano ab ejusmodi orci scrophis pe-
tere auxilium! alia longè pietas, vel sub ip-
sius gentilismi caligine *Nasonis* fuit monentis.

.i. de re-
med.
amor.

Deme Veneficiis carminibusque fidem.

Cent. 3.
de quæst.
Epist. F.
168.

Et certè. *Hic Naso non falsa canit.* Syrupi &
apotemata, inquit *Alfarius à Cruce*, sunt me-
dicinæ hominum, verba & characteres Dæmo-
num.

Ve-

Verùm enim verò cùm nec detestandâ hac viâ nasis fieret solatium, & adhuc undique urbs resonaret querelis, varia jactabantur consilia de medicis peregrinis, qui domesticis exactiùs naforum callerent medelam, accersendis. Consilii huic opportunè advenit rumor famosissimum *Machaonem* jam in urbem advenisse, qui in erecto ad forum theatro certissima nasis remedia venditaret. Argutus nempè medicafter circumforaneus hoc aureæ messi tempus maxime opportunum ratus, se expertissimum *Nasocurum* jactitabat ex ultimis terræ australis inco-
gnitæ finibus, in quibus innumeros nasos maris glacialis accolis fatali frigore ablatos levi manu restituerit, ed appulisse. Nasos fictitios insigni numero transmissio filo colligatos, ut aliàs *Odontagogi* eyulsos dentes solent, è pegmate suspensos ostentabat. Pileum multicolor pluma, vestes aurum, latus morio, & non unus famulus stipabant. Os verò linguam ex-
ferebat Thraasonismis & mendaciis refertissimam. Prò ut omnis mox tolutim accurrit populus, quasi ex nova zembla aut remotissimis Africæ finibus monstrum spectandum venisset. Imprimis non exigua muliercularum turba confluebat novum receptura nasum, quem inaudita dexteritate cuilibet se posse ponere stentoreus Agyrta jactitabat. Et hoc unicum saltem citra mendacium Non ingratum erit eum audire declamantem. Si! silentium & risum tenearis amici.

Postquam variis nugis atque ridiculis cum funiola, aliisque animalibus exoticis, quæ secum vehit, gesticulationibus veluti quodam ce-

leusmate plebem ad Theatrum coëgit morio impudentissimus, Dominus Doctor (sic populus appellat) sedj verè per anagramma *Indoëtus Dromo*, bis terve theatrum obambulans factâ ad spectatores reducto pileo reverentiâ :

Projicit ampullas & sesquipedia verba.

Et sic fari incipit; Vos Domini, quot quot huc convenistis, salvete: Ego *Jerolymo Banquerroza di Calebortia* magni in Indiis *Mogol* & potentissimæ Principis *Madonnæ Pocadeniræ* serenissimæ *Donnæ di Kakogenia* Archiater,

(*Audin? ut resonat? quanta est fiducia buccæ*)
Alter Phillirides Chiron Amithaoniusque Melampus.

Quem supremus ille omnium donorum largitor singulari lumine scientiarum illustravit, in hanc urbem non ita pridem bonis avibus apuli, non lucri causâ, sed ut ex amore proximi talenta mihi à Deo concessa, & artis medicæ experimenta impenderem, & restaurandis nasîs, quibus vestrarum medicorum nemo hactenus par fuit, remedium præsentarem expertissimum. En grandes testimoniorum bullas, rarissimæ meæ experientiæ testes.

(*Morio eas successivè ostentat*) & nasos enormes à me feliciter extirpatos, (*Crediderim fuisse magistrum operum in sublimi*) *maître des hautes œuvres*, appellat *Scaron* (qui nasos unâ cum capitibus detruncârit, nam & hoc genus hominum medicinam involat) in quorum vicem elegan-

IN MONTEM PARNASSUM &c. 121
gantes & generosos restitui.

(ô Immani mendacia turgida fastu!)

Et quidem unguento meo sympathetico constellato, cujus ingredientia præcipua sunt *Darapti* & *Felapton*, quæ partim in deserta Arabia, partim ad littus maris rubri sub certa siderum positione propriis hisce manibus ipse collegi, & remisui. Ecce vos Domini pretiosum hoc meum Balsamum quale vos Domini (*hoc tituli condimentum mendacio nunquam abest*) in nullo pharmacopolio, & apud medicorum neminem auro venale habere potestis. Assevero vobis vos Domini, quod mea Medici verè adepti experientia eo devenerit, ut mediante hoc balsamo ipsas Syrenes in fundo maris Hælespontici percurârim, ut caudas suas amiserint, & aliis hominibus planè similes evaserint. Quid nî ergo vobis nâs longè faciliore negotio adimam reddamque?

(*Sic immensa cavi spirant mendacia folles.*) Juvenal.
Sat. 7.1.3.

Ego in Africa Æthiopibus nigram cutim detraxi, & intra paucos dies reddidi candidissimam. (*Hoc hominum genus aptè dixit Patinus, triumphat tribus I. impudentiâ, ignorantia, & imposturâ.*)

Hoc remedium; pergit Agyrta, quo tanta miracula patravi præfento vobis hodie vos Domini vili admodum pecuniâ. Ejus quidem pixidem semper aliàs tribus florenis vendidi, sed nunc hodie Vos Domini curiositatum amato-

res cras namque mihi cum societatis Indiæ occidentalis navi jam in Tesselâ ad iter maritimum in procinctu stante in Indiam erit remigrandum, vobis uno floreno dono & offero, & quidem in mei memoriam & pro valedictione. Ah vos Domini non ego talis impostor sum & nebulo, qualis nuper hoc etiam loco proflans crumenas vestras emunxit, non ego talis sum laus Deo vos Domini (*centies fortè peior*) sed in arte mea approbatus, à Cæsare & Regibus privilegiis donatus *Nasifex*. Mirabimini, jovem juro lapidem, vos Domini, quales vobis intra paucos dies accreturi sint nassi, ubi hoc balsamo obliti fuerint. Dixerat, & paululum respirabat. Prò qualis in popello fremitus? quis plausus? volant strophiola & chirothecæ nummorum bajulæ. *Quasi ningat in ære floccis*, sic volitant, repetituræ tam nobile balsamum. Omnes Thraſonis loculi intra paucas horas ingravidantur florenis, imperialibus, ducatonibus. Benè vobis consuluisſis vos Domini, ait Archinebulo, quod de meo medicamento vobis tempestivè provideritis, ut necessitate exigente habeatis. Prandii hora monet, vos hoc loco diutius non detinere, secedo nunc ad meum hospitium.

In de gro-
te Neus.

Quod *grandis nassus* notis insignibus audit. Ad quod me sequi potest, quisquis hoc loco publicè à me consilium petere erubescit. Ibi qualem nassum, brevem, longum, obesum, gracilem, simum, resimum desiderat, dextrâ manu novero apponere. Vivite vos Domini felices, valete & gaudete novis nassis brevi tempore ex balsamo meo apponendis, *quidni jam*

ap-

appositis? ita theatro valedicit stentor nunquam rediturus. Vah! quis ubique in civium ædibus, hospitibus, conventibus de circumforaneo artifice sermo? quod in sexu præsertim fœmineo tripudium de novis nasibus *à la mode* brevi recipiendis! Inunguntur, fricantur, eniplastrantur intus extus nasi naresque, non semel indies unguento constellato, quod tamen nil aliud est, quàm adeps suillus radice alcannæ oleoque spicæ fucatus. Sed ô infelix astrum! manet idem qui ante nasus. Non parvò accedit magnitudo, neque magno parvitas, omnibus autem meritò ex stoliditate pudor, quod fidem adhibuerint asino isti Cumano, impostori impudentissimo, qui interim ne ipse naso turpiter mulctetur, excessit, erupit, evasit. Dii noverint quò: credo ad

Chinenses portas Pelusiacumque Cairum.

Quilibet secum tacitus ridet, & ne quidem videri vult deceptus. Ita est inquit Charlatanus: *Muntus fult tezipi*; id est, vult habere nasum decumanum. Ô homines simplicissimos! Ô imposturam impudentissimam! omnes isti non habuere nasum, nunc habent.

Nil jam amplius supererat consilii, nil remedii non tentatum. Nullus nasus restituendis par erat

Bartholus & Baldus Cicero Varoque Macroque.

Imò nec ipse Pergameus Consque senex. Tandem omnis *Cacorbinorum* turbà sive consultatio-

tionis, five ex impatientia Vindictæ, quod metuebam, capiendæ causâ ad fores hospitii mei se se colligit, importunè meam præsentiam atque affatum postulans. Ego ut verum fatear, illius in nasi atque animi æstu veluti euripo versantis popelli miseratione commotus me ultro coram exhibeo, & elatâ manu altissimo mox factò silentio sic ordior:

Mira cives honoratissimi (etiam popellus instante rebellione atque tumultu verbis blandioribus demulcendus est) ut somni sic phantasiæ sopitâ ratione sunt ludibria, quæ variâ tristitiâ, metu & dolore nata sunt hominem exagitare. Quidam ut observatorum primas *Schenkius* refert, sibi persuasit, nasum in tam immensam & prodigiosam longitudinem excrevisse, ut Elephantis proboscidem se circumferre, qui nunquam non esset impedimento, & subinde vel ipsis patinis innataret, sibi imaginaretur. Narrat *Bartholinus* Viro Sanguine Melancholico turgenti nasi in eam magnitudinem exporrecti fuisse imaginationem, ut publico abstineret, ne nasus à transeuntibus conculcaretur. Miseranda sanè horum fuit conditio. Quod verò putatis tanto malo imaginario fuisse remedium? an fortassis nullum? nolite credere. Accitus ad priorem Medicis singulari dexteritate ac latenti quadam habilitate longum farcimen naribus admovit, arreptâque novaculâ apprehendit non nullam carnis partem, rescindensque farcimen, unâ avulsit nasum imaginarium, sic homo parum sobriæ mentis, omnis mali adempto metu, proprium nasum recepisse sibi visus est.

Cent. I.
Hist. 80.

Deme malo larvam, monstrumque videbis inane.

Non dicam quidem vos omnes simili phantasiæ ludibrio vexari. Nam multis esse nasum revera fœdissimum in manifesto est. Quis verò cavebit, ne juxta *Cartesii* hypothese[m] bonus aut malus genius saltem non paucos naso traducat. *Non omne quod videtur & apparet, verum est* inquit *Aristoteles*. Alia itaque viâ depravatis nasus vestris, aut certè, n[on] fallor, à nicotianâ corruptæ phantasiæ quærendam puto salutem, & quidem ex solo *Helicone* sperandam. Indubitatum namque est *Castalium* fontem longè distare communibus undis, & incredibili vi medicâ pollere in cerebris naribusque hominum descœcandis. Certum putate, quòd si jussu *Apol-
linis Hippocrenis* stagna à *Mercurio* veluti quodam *Eudæmone* moveantur, omniumque iis immergantur & proluantur nasi, stupendâ metamorphosi pristinam formam statim sint recepturi. Siquidem non diffiteor in hac opinione me esse, neminem vestr[um] possidere nasum alienum, sed pristinum suum, propriumque à *Nicotianâ* veluti altera *Circe* saltem deturpatum, adeoque alieni nasi larvâ ideali deformatum, quam fons *Caballinus* facilè detrahet. Nam quot non ex tantum non belluis ipse homines reddidit? quoties rectæ rationis usum rerum noxiarum, & quidni etiam tabaci picâ & abusu sublatum restituit? Consilium itaque meum est, ut omnes ad *Parnassum* cirò revoletis, & ad tribunal *Apollinis* supplices culpam deprecemini, sicque ex mirando hoc fonte nasi reducis gratiam expectetis. En ligeras recom-

men-

mendatitias, quas vobis trado quibus Apollini
 exhibitis haud dubiè votis vestris annuet. Ea-
 rum sensum attenti percipite, ne rursus vos à
 me naso duci existimetis. Illas igitur lentâ &
 clarâ voce recitabam hujusce tenoris:

*Phœbe tabâcophoræ tandem miserere cohortis,
 Et clemens nasum redde cuique suum.
 Nonne diu satis est populo jam fabula nasus,
 Non certè in vanum fabula fictâ jocum.
 Auxilium petièrè viri, petièrè puellæ
 A medicis, majus sed fuit arte malum.
 Ante tuos se turba pedes prosternit, ut ipsis
 Restituas nasos voce gementè rogat.
 Tandem formosis non differ parcere nasus,
 Quos deturpatos vel Venus ipsa dolet.*

Arridet consilium. Non itur sed curritur ad
 Parnassum. Supplex omnium nomine offertur
 libellas. Patrocinantur Divæ Pierides. Annuit
 ipse jam lætiori facie ridens Apollo.

Adimit.
 Bald.

*Et surgens Stagna subivit;
 Et trepidas commovit aquas vertigine, & alto
 Numine complevit. Resonans exæstuat amnis,
 Lucentes saliant bullæ. Vada torquet anhelæ
 Temp-stas, omnesquæ furens ingurgitat oras
 Fluminis Aonii. Spumis albescit ab imo,
 Vimque salutiferam recipit fons atque medentem,
 Tripudiare omnes, totumque immergere corpus
 Nedum nasum optare ac exsorbere præcellas.
 Nec mora. Præcipitem dat nasum quilibet undis,
 Credite cuique redit mox nasi pristina forma
 Atque*

IN MONTEM PARNASSUM &c. 127
Atque suum vultum verus decor usque revisit.

Ite nunc vos pætonasi, inquit Apollo.

*Est demtus per aquas nasi stultissimus error :
Ergo novâ nullum vexet prærigine nasus,
Ne pœna graviore luat.*

Gaudebant omnes jam naso recepto, unde præ
ingenti lætitia exclamabant :

*Salva sua est naso per Phœbum forma puellis,
Est quoque salva viris. Laus sit Apollo tibi.*

Per quam immanem vociferationem dispulsa
ecstasi tandem ad pristinos sensus & meos la-
res revertebar.

Et sic ridendam conclusit fabula scenam.

Nunc vobis universis tabacoprophoris gratu-
lor de nasus receptis. Certè cui aut de meliore
luto nasum effinxit *Titan*, aut qui cum naturâ
licet obesiorem Parnassi fonte mergit, id est
verâ tingit prudentiâ, rudem formam ei perire,
naresque emungi, imò cerebrum ita defæcari
sentiet, ut æquius de *Pica nasi* iudicium ferre,
nec non de Nicotianæ nasalis pessimo abusu
prolatam veritatem agnoscere valeat.

*Ergo Tabacophili risuque jocisque notati
Atque insigniti nasus, Musæque jocosa,
Infontesque sales, Satyri Satyræque valete.*

Hoc

Juvenal.
in Sat.
Sulpic.

Hoc fabella modo pausam facit.

Cujus finale epiphonema:

Curavimus nasos, & non sunt sanati, de-
relinquamus eos.

Martialis. *Indice non opus est nostris, non vindice chartis.*

F I N I S.



APPEN-

A P P E N D I X

S I V E

Explicatio quorundam Vocabulorum vel novorum vel minùs obviorum, quæ intellectum lectoris, cui curra supellex, possent suspendere

A *L-modissa*. p. 37. Est fœmina mores novos infectans. Vocabulum jam olim P. Jacobo Balde insigni è S. J. Poëtæ in Satyricis usitatum.

Alicariæ miserae. p. 8. Ubi errato typographico positum est Alciariæ, sunt famulæ, quæ pistoribus farinam alicæ cribro transmittunt. *Alica* germanis dicitur speltze.

Ambubajarum collegium. Phrasi Horatianâ dicit pharmacopolas. *Ambubajæ* sunt mulierculæ herbas pro officinis collectantes.

Balux (nonnullis *baluca*) auri p. 26. Est arena auri, qualis ex mari, & diversis fluviis auriferis colligitur.

Cacorbini, qui malum vel depravatam nasum habent.

Eccbymoma. p. 31. Est cutis sugillatio à sanguinis sub eam extravasatione à casu, percussione &c.

Florum omnium. p. 27. Per hoc designatur, quidquid ex stercore vaccino majali paratur. Sic aqua ex eo destillata in pharmacopoliis appellatur *aqua florum omnium* Unde & pulvis nasalis ex eo paratus aptè vocari potest *Pulvis florum omnium*.

A P P E N D I X.

Fourbissimum animal. p. 29. Vocabulum est à *Patino* inuentum, derivatum à Gallico *fourbe*, quod significat impostorem.

Gynecander. p. 51. Notat virum vel juvenem effæminatum.

Hircus narium. p. 32. Medicis appellatur narium fætor, sicuti axillarum *Hircus sub alis*.

Intabaccati. Appellantur illi, qui stolidè deperunt tabacum nasale. Intabaccato enim Italis stolidum seu insipientem dicit.

Lypothimia. p. 32. Est animi deliquium quod ex variis causis, etiam ex pravo odore potest ingruere.

Mangonzati nasorum pulveres. p. 10. Est tabacum variè mixtum, & pro meliori venditione grato odore aut colore infectum.

Mima pararia. p. 45. Dicitur de Simia, quæ gesticulatrix allicit popellum, & emptores parat insititori agyrtæ.

Mumia, hoc vocabulum legi debet. p. 40. lin. 3. Pro quo errore Typographi suppositum est *Nuncia*. Notat cadaver pisasphalto ab Ægyptiis olim conditum, & hoc loco innuit nasum instar talis mumie aridum, nigrum, & abominabilem.

Nares auriginæ tinctæ galbali conspectum erigunt. Hæc similitudo habetur p. 28. referunt phisici illos, qui ictero siue aurigine laborant, Conspectâ ave ejus coloris, quam satiri Galbulum vocant (Plin. l. XXX. c. XI.) sanari, & avem mori. Ad hanc fit allusio.

Naspidium. Abcisio nasi, ad imitationem homicidii, parricidii.

Nasipeta. p. 111. Qui petit novum nasum.

Na-

A P P E N D I X.

131

Nasocurus. Qui nasum curat, p. 29. Legitur
ano- & *nasocurus.*

Nasipurgus. p. 41. Qui nares expurgat.

Nasurgus. p. 80. *Nasificus.* p. 84. *Nasifaber.*

p. 89. Sunt operatores circa nasum, & qui
hominibus novos nasos apponunt, sive ut in
Proverbio est, nasis circumducunt, hoc est,
decipiunt.

Oxæna stillans. p. 19. Est ulcus saniosum &
malignum in naribus, tetrum spirans odo-
rem.

Orbilus vulpem fatens, dicit ludimagistum,
vel alium pedantismo addictum Vernaculè.

Schoolvoss. p. 63. appellatur *Pedantarcha.*

Pætum, est herbæ tabaci synonymum. Passim
apud rei herbariæ scriptores sic appellata hinc
varia nova vocabula deduxit author. e. gr.

Pætipota. p. 30. *Pætivendulus.* p. 29. ubi nu-
gi- & *pætivendulus,* qui nugas & tabacum
habet venalia.

Pætonasi. p. 63. Nasi pæto indulgentes verna-
culâ: *Tabacks-neuzen.*

Polipragmon. p. 29. Dicitur homo pluribus ar-
tibus seu opificis lucri causâ intentus.

Proседа. p. 8. Idem quod prostibulum.

Prophylacticon. p. 30. Errore typographico po-
situm est *prophylacticon.* Idem quod vulgo
præservativum.

Per prosthesin. p. 80. Indicatur illa Chyrurgiæ
operatio, quâ, quod in humano corpore de-
ficit, restituitur, e. gr. nasus, aures abscissæ
&c.

Rhinophori. p. 66. Qui gestant insignes nasos.

Tabatiercula, est vocabulum ab autore inven-

A P P E N D I X.

tum & derivatum à Gallico *tabatiere*, pixis tabacaria.

Tabacoprophorus. Vocabulum novum à tabaco- & *πρῶτος*, quod Græcis stercus. & *φύω*, id est fero deductum. Nasus tabacoprophorus est, qui gestat stercus tabaci intra nares.

Tabacosorbus. p. 3. Qui naribus sorbet vel haurit tabacum.

Therapia vel Therapeia. p. 112. Sanatio morborum.

Tuburcinans, id est qui omnia deglutit. Ita p. 21. legitur *tuburcinans Bacchi popa*. Vocabulum usitatum *Planto* & *Aquileio*.

Vibrissæ sunt pili in naribus. Unde p. 32. *nasum vibrissis apprehendens* &c.

Ulmaria. Est herba vulgaris, vulgo *Barba capræ*. Autor observavit seplasmam ex illa pulverem nasalem confecisse & carè vindidisse. Ita hodie nasus luditur.

Hæc pro semidoctis saltem explicata,
Eruditi in malam partem non accipiant.



RE-

RELATIO

De Virtute & Ufu

POLYACEÆ,

SIVE

Liquoris vitæ Balsamici Polychrestī,

ID EST:

Excellentis & magni in multis diuturnis
ac gravibus morbis; remedii à Celeberri-
mo Medico Germano inventi, & venum
prostantis Amstelodami Apud *Guilielmum*
Barentse vulgò *op de Mandemarkt*.

V I R T U S.

Hic liquor vitæ Balsamicus morbis variis gra-
vibus & chronicis percurandis destinatus
est, eò quòd omnia Remedii polychrestī requi-
sita habeat.

1. Quia juxta effatum *Hippocratis Natura*,
(id est robur fluidorum & solidorum) *morbo-
rum medicatrix est*: Hic liquor tali artificio
compositus est, ut illam maximè corroboret,
restaurando particulas sanguinis balsamicas, ejus
circulum promovendo & conservando, excre-
tiones succorum impurorum adjuvando, &
prohibendo, quò minus in corpore accumu-

R E L A T I O.

lentur. Et quia non satis est ad curationem gravium morborum, ut medicamentum dumtaxat fluida corrigit, sed necessarium quoque, ut tonum partium solidarum, qui in morbis chronicis valde languet, confortet: propterea quoque hic *Liquor Balsamicus* ita dispositus est, ut membranas nervosasque partes debilitatas eximie corroboret. Unde in omnibus morbis ab illarum atonia dependentibus, quos alias in spirituum animalium paucitatem aut influxum impeditum referunt, laudabilem effectum exserit. Est igitur remedium *Cephalicum & Cordiale* pereximium in omnibus capitis & cordis affectibus: ut in Vertigine, affectibus paralyticis, soporosis, catarrhosis, memoriæ decremento, sensuum hebetudine. Cordis vires in Lypothimiis, palpitatione, syncopè admodum confortat tam interiùs convenienti dosi sumptus, quàm exteriùs regioni Cordis cum panno Scarlatino applicatus.

2. Quia magna morborum pars à ventriculi indigestione ob læsam aut vitiatam chylicationem ortum habet, neque etiam curatur, nisi hac restituta, ideo inventor Balsamicum hunc liquorem ita composuit, ut sit pariter insigne stomachicum. Quare si tonus Ventriculi dejectus, si robur vacillet, si ciborum digestio vitietur, si nausea incidat, appetentia sit prostrata, gravitas circa præcordia sentiat, amicissimum est remedium, tam interius sumptum, quàm cum panno calido exteriùs applicatum. Imprimis si in robustis vel ad vomendum assuetis aut facilibus lenè vomitorum ex radicis Ipecacuanne scrupulo uno, cum 10 granis cinamo-

R E L A T I O.

namomi in Jusculo carnis tenui calido, largiter sumendo, præmittatur, & dein Balsamus hic ad aliquot septimanas indies bis vel ter usurpetur, omnes ventriculi affectus paulatim plenè curabuntur.

3. Quia plurimi morbi (non tamen omnes ut quidam volunt) ab acido acri oriuntur, quod Sanguinem & Lympham inspissando, eos & circulationi, & succis inde secernendis ineptos reddit, ex quo gravibus obstructionibus in variis glandulis & vasculis Secretoriis ansa præbetur; ideo *Balsamicus* hic *Liquor* natus est acre-acidum præternaturale potenter subigere & domare, sicque multorum morborum causam antecedentem tollere. Unde in affectu Hypochondriaco, obstructionibus Mesenterii, Pancreatis, hepatis, splenis, renum, uteri maximo commodo sumitur. Et proin in cachexiis quoque, inclinatione ad hydropem & Asthmate humido, quæ ex circulatione segniori & humorum stagnatione proveniunt, magno effectu Usurpatur. Noxas ex nimio hodiè usitato Coffeæ potu in pluribus metuendas faciliè præcavet, post illum sumptus.

4. Quia non est commodior via morborum causas expellendi, quàm per transpirationem insensibilem, sudorem atque urinam. Sic hic *Balsamicus Liquor* poros viscerum & cutaneos aperiendo hæc tria promovet. Præcipuè si mane in lecto vel ad focum ex lignis structum cum 6, 7. pluribusve vasculis *Theæ polychrestæ herbacææ* inferiùs describendæ capiatur, usque ad cutis sudorem sequentem. Quà quidem methodo si aliquoties in septimana sumatur, mi-

R E L A T I O.

rè proderit ad sanitatem conservandam & restaurandam. Commendabilis quoque maximè est debilibus & valetudinariis, imprimis senibus vel gravitatis ætatis, vel morbo corporis, vel animi fatigatione multùm debilitatis, etiam catarrhosis, si bis vel ter in die sumatur, vel cum vino generoso, vel Thea herbacea, vel *aquæ polychrestæ* sub finem describendæ tribus vel quatuor cochlearibus.

6 Quia in morbis chronicis & pertinacibus plerumque multi flatus ex lymphâ viscida & bile inerti oriundi ægrotantes molestant, sic quia hos succos *Balsamicus* hic *Liquor* egregiè corrigit, etiam potenter illos discutit & expellit. Quocirca in colica flatulenta & spasmodica, Cardialgia sive spasmo Ventriculi, inflatione stomachi, abdominis, uteri efficax est remedium, cum *aquâ polychrestâ* vel *Thea herbacea* sumptus.

6. Quia in effectibus diuturnis nil periculosius irritatione & contractione partium nervosarum, ex quibus multa dolorifera symptomata nascuntur, ideo in hoc *Balsami vitæ Liquido* vis antispasmodica specifica non deest, propter quam in affectibus hypochondriaco-hystericis convulsivis summam laudem meretur, quatenus vi balsamicâ spasmos lenit, acidum acre corrigit, viscidum incidit, flatus dispellit. Utilissimè in his affectibus sumitur cum aliquot cochlearibus *Aquâ polychrestâ*.

7. Licet omnes morbi non orientur ex scorbuto juxta recentiorum quorundam erroneam hypothesin, certum tamen est plures effectus Scorbuticos, quorum major, quàm putatur, est

est numerus, multis affligi symptomatibus cardialgicis, spasmodicis, arthriticis, flatulentis, quibus omnibus quoque resistit hic *Liquor vitæ Balsamicus*, dum in scorbuto statum sanguinis sive rancidi, sive juxta alios effæti, sive etiam inspissati potenter longiori usu emendat, & ad laudabilioris sanguinis generationem disponit.

8. Quia medicamentum vix debito effectu potitur, si alvus sit adstricta, sic & vis huic Balsamo inest, ut in ejus usu illa non facile obstipetur, in pluribus etiam blandè laxetur.

Ex quibus octo circumstantiis & virtutibus generalibus abundè elucet *Liquori* huic *Balsamico* jure competere titulum *Polyacæ*, sive remediî polychrestî in morbis gravibus & chronicis. Absit tamen, quòd illius autor illud venditare velit pro panacea, non enim curat phthisim consummatam, non hydropem ex corruptione viscerum oriundum, non podagram radicatam, neque ullum morbum cum partium solidarum, aut viscerum scirrhescentia, destructione aut corruptione conjunctum &c. dein etiam, quæ notanda est

Cautela.

In febribus ardentibus non debet usurpari, neque in ullis viscerum inflammationibus, neque in sputo Sanguinis, vomitu cruento, & quibuscunque aliis hæmorrhagiis, sed in omnibus morbis ubi acidum temperandum, incidendum viscidum, succi Stagnantes resolvendi, vasa obstructa referanda, circulus liquorum vitalium

R E L A T I O.

lium promovendus, & tota natura, id est fluida & solida, roboranda, ibi medicina est singularis.

USUS & DOSIS.

Quia omne violentum naturæ inimicum & noxium est, ideo *Balsamicus* hic *vite Liqueor* non violenter sed blandè agit, & paulatim ac successive effectus suos prodit. Quare necesse est illius usum in affectibus gravibus & chronicis continuari curativè, ad aliquot septimanas, imò aliquando menses, indies saltem bis, ad summum ter. 30. 40. 50. 60. 70. guttas pro ratione ætatis sumendo cum infuso Theæ exoticæ optimæ, vel longè efficacius Herbaceæ domesticæ, juxta formulam infra notatam parandæ. Ut nonnullorum magis serviat palato etiam capi potest imprimis præservativè, & ad affectus leviores. e. gr. pellendos flatu, confortandum ventriculum, roborandum corpus &c. cum vino generoso, Hispanico, Hungarico, Frontiniano aut simili, quamvis præstet cum infuso Theæ Domesticæ sumere. In gravibus capitis, cordis aliorumque viscerum affectibus, ubi statim confortandum, & morbi violentiæ resistendum, utilius est cum *aquæ polychrestæ* mox describendæ tribus vel quatuor cochlearibus assumere. Cum qua ut etiam Valetudinarii & senes debiles, & affectibus hypochondriaco- hysterico- convulsivis laborantes capiant, præ cæteris expediet. Duabus horis à sumptione sumi potest jusculum cum vel sine ovi vitello, prout lubuerit. *Balsamicus*
hic

R E L A T I O.

hic *Liquor* nisi modo supra dicto in lecto sumatur, utile erit post ejus sumptionem corpus leniter deambulando sive sub tecto & in cubiculo, sive potius, si aura serena faveat, sub dio movere. Remedium ita tutum est, ut si una vice centum guttæ pluresque assumerentur, extra noxam foret. Est enim mixturæ admodum temperatæ, ex præstantissimis regni Vegetabilis subjectis paratus.

D I Æ T A.

Ut *Liquor Balsamicus* felici successu potiat, fugienda in diæta sunt omnia, quæ plerumque in affectibus chronicis & gravibus noxia comperiuntur. In cibis quidem, quævis acida actia, acetaria, lacticinia, præcipue lacobutyrum, aliudve quodvis crudum, pisces marini, imprimis muria conditi, caro infumata bovina, & imprimis porcina, lardum rancidum, ova dura, cibi pingues, omnia legumina. Et quidquid flatus & alvi instructionem inducit.

In potu vitentur vina rhenana acida. Cerevisia novella, & non ritè cocta, & vetusta acida. Potus matutinus vini adusti. Excessus in infuso Caffææ, vel nimis largiter, vel crebrius sumpto. Oleum enim habet nervis admodum infestum. nimius usus tabaci fumalis, & quoque sternutatorii. Fugiantur demum omnia fortiter purgantia. Si verò Balsamus hic in refractariis ordinaria alvi obstructione laborantibus eandem laxam non servaret, potest semel vel bis in septimana mane in jusculo carnis sumi

R E L A T I O.

mi tartari solubilis ritè præparati drachma una vel etiam plus pro ratione complexionis, aut circa noctem grana quindecim ad viginti pilularum seniter laxantium, quales sunt. E. G. Pilulæ *Beccherianæ* veræ, & in Germania *Stablianae*. In Gregariis pilulæ de ammaniaco *Quercetani* juxta Dispensatorium Brandeburgicum paratæ, aut pilulæ de succino *Cratonis*, aut similes ex judicio Medici.

Descriptiones Remediorum.

Quæ Balsamo vitæ serviunt pro vehiculo.

Aqua Polychresta.

R. Aquæ menthæ crispæ spirituosæ, id est cum vino destillatæ;

Liliör. convallium cum vino destillatæ. Corticum citri & aurantium recentium pariter cum vino destillatæ.

Ceraforum nigrorum

harum quatuor aquarum fumatur æqualis quantitas. E. G. Libra semis ad usum indigitatum.

Qui sumptibus parcere volunt, cum sola aqua menthæ spirituosa Balsamum fumere poterunt.

Neos-thea, sive Thea herbacea polychresta.

R. Radicis Chinæ electæ & Radicis scorzonæ
ana

R E L A T I O.


ana unicam semis. Herbae melissæ. Manipul.
 ij. Betonicæ, Veronicæ & Borraginis. ana.
 manip. j. florum anthos. pugill. iij. corticum
 aurantiorum recenter siccatorum (nempe tan-
 tùm sumendo partem exteriorem flavam.) Se-
 minis foeniculi, anisi stellati ana drachmas duas.
 Concisa & contusa dentur & signentur species
 ad Theam. Bibantur 6, 8. vel 10. vascula.




2
 3.6.782

142

143









00S637914



MC



1848

1849

1850

1851



